

**VITA ET RES  
GESTAE. B. PETRI  
THOMAE  
AQUITANI, EX  
ORDINE B...**

---

Luke Wadding, Giovanni  
Battista Coccini



6



C. 38.9

G-11-E 50

G-11-G 74









V I T A  
E T  
R E S G E S T Æ.  
B. PETRI THOMÆ  
A Q V I T A N I,

Ex Ordine B. MARIÆ VIRGINIS  
à Monte Carmelo Patriarchæ.

Constantinopolitani

E T

Sedis Apostolicæ Legati:



*Authore R. Adm. P. Fr. LVCA VVADDINGO,  
Ordinis Minorum Chronographo, Inquisitionis  
Rom. Censore & Collegij S. Isidori  
in urbe Guardiano.*



L V G D V N I,  
Sumptibus LAURENTII DVRAND.

*Cum approbat. & Super. permissu.*











EMIN<sup>mo</sup>. ET REV<sup>mo</sup>.

D.D. MARTIO

CARD. GINETTO

SEDIS APOSTOLICÆ

à latere Legato ,

E T

RELIGIONIS

B. Mariæ Virginis

à Monte Carmelo Prorectori.



MINENTISSIME PRINCEPS,  
*Roma Coloniam te Apo-  
stolica Sedis Legatum ad  
Reges destinavit Urbanus VIII.  
Ego Româ Coloniam Sedis A-  
postolica Legatum alterum ad*

ã 3 te

te mitto, olim ab Urbano V. designatum. Tu maximis Europæ Regibus pacificandis amandatus es: hic sedandis Italiæ motibus, Christiano ampliando orbi, Turcarum comprimendæ potentia, non semel hac fulsit dignitate. Latibat tamen aliquanto inglorius, & gloriosi nominis fama longo squallebat situ, rerum insigniter gestarum sepultâ memoriâ. Ego opportunè omnem collegi & veluti ab obliuione vendicaui, quando tuum mihi non defuturum patrocinium certo ausim polliceri. Carmeli montis Sodalitium tuæ fidei commissum, tu protegis diligenter, & foues peramanter: nobile hoc eiusdem Religionis germen à te confidenter idipsum sperat, quod libenter

*libenter omnibus impendis. Sunt multi aliena gloria hostes, sunt qui sacris institutis illustrium filiorum splendorem inuideant, sua detrahi putantes, quod alterius accedit dignitati. Ad te itaque pergit, ut quam à me nunc habet vitam, abundantiùs habeat, susceptâ per te contra obrectatores tutelâ. Bono etiam omine ad te festinat, ut arduum, quod aggressus es, negotium feliciter absolvas. Etsi nunc è tenebris fama splendeat, eo tamen ipse loco est, quo tibi sub pondere laboranti possit, & velit auxiliari, longa in his rebus experientia probè sciens, quæ huic sunt muneri necessaria. Vale optime Princeps, & vetusti mei erga te obsequij recens*

ã 4 hoc

*hoc specimen admitte. Ex Collegio  
Romano S. Isidori Fratrum Mi-  
norum Hibernorum. Kalendis  
Aprilis 1637.*

FR. LVCAS VVADDINGVS.

CANDI





# CANDIDO

LECTORI.

**N** limine fortassis hærebis,  
& inquires, cur alienis me  
ingeram rebus, aut extero-  
rum vitas suscipiam describendas?  
Non vna, neque inanis fuit causa,  
virum hunc æquè doctum, & san-  
ctum celebrandi. Ea potissima, quòd  
dum benefico assensu Sanctissim.  
Dom. N. Urbani VIII. archiui Va-  
ticani monumenta percurrerem, ut  
quæ instituto deseruirent Mino-  
rum, vniuersa colligerem, incide-  
rim in Petrum Theutonicum Fran-  
ciscanum, Episcopum Pactensem,  
cui immediatè successit Petrus Tho-  
mas, atque interlabente Bulla pro-  
motionis huius ad eandem Eccle-  
siam, ego reliqua, quæ ad hunc spe-  
ctabant,

Et abant, monumenta transcripserim, deceptus Petri nominis (quod solum in Bullis erat) similitudine. Accepi deinde ab Eminentissimis DD. Cardinalibus, Sacrorum Rituum Congregationi Præfectis, officia propria Ordinis Carmelitarum recognoscenda, adhibitis etiam doctissimis Collegis, eiusdem Sacræ Congregationis consultoribus, Reuerendissimo D. Fortunato Scaccho Pontificio Sacrario, & R. P. Terentio Alciato, Societatis Iesu, Apostolicæ Pœnitentiariæ Basilicæ Vaticanæ Præpositis : inter quæ dum etiam B. Petri Thomæ acta diligentius examinarentur, errorem deprehendi; & quæ prius Petro Theutonico tribuebam, libens in Petrum Thomæ transtuleram. Ne itaque à me impensus labor, & ipsa deperirent monumenta, in gratiam sanctissimi sodalitiij, quod summopere veneror, decreui

decreui vitam referre, & Vaticanas memorias in lucem proferre.

Aliam indico causam, quòd multiplici titulo virum ipsum, vel rerum ab eo gestarum partem aliquam nobis liceat vindicare. Præclara etenim illius facinora, multam habent cum rebus nostris affinitatem. In ecclesia Pactensi, quam primam accepit, prædecessorem habuit Franciscanum; in pace Veneta & Genuensi, ad quam primùm amandatus est, adiutorem habuit Fortanerium Patriarcham Gradensem Minoritam; in legatione Rasciæ Collegam Bartholomæum Episcopum Traguriensem ex eodem instituto. Amandato ad Hungaros & Venetos pacificandos adiunctus est socius Stephanus electus Zagabrien. Minorita. Legationis Constantinopolitanæ particeps erat Gulielmus Sisopolitanus Antistes Franciscanus.

nus. Celebrandis exequiis encomia-  
sten sortitus est eiusdem professionis  
virum doctum Ioannem Lamerfo-  
nem : & demum vitam eius , ac ge-  
sta primus scripsit Ioannes Fau-  
entius Franciscanus. Huius opellæ fra-  
gmenta aliquot, diligenter perquisi-  
ta accepi , & vitam quam scripsit  
Philippus Mazzerius Regni Cypri  
Cancellarius, viro sancto familiaris,  
atque in frequenti itinere socius hu-  
mitem tamen , & valde diminutam  
prout illa ætas ferebat. Ego sordibus  
dilutis, & exuta senectæ , feci nouio-  
rem, auctiorénique , additis dumta-  
xat , quæ ex probatissimis monu-  
mentis accepi , atque hæc ipsa fidei  
adstruendæ ad opusculi finem sub-  
iunxi. Notas deinde vberiores ad-  
didi, in quibus procul feci plerosque  
errores authorum , qui potius com-  
miniscuntur, quæ scribunt, quàm re-  
ferant, quæ gesta sunt. Grauius hoc  
vitio



vitio laborant scriptores aliqui, qui affectui succumbentes, quo volunt, & quomodo volunt, historiam deducunt, & incautum lectorem circumducunt. Ad conciliandam decum potiore authoritatem huic nostræ narrationi, præmitto grauiorum Authorum testimonia, quæ viri sanctissimi memoriam ampliùs commendabunt.

## ELOGIA



# ELOGIA

I N

B. PETRVM THOMÆ.

IOANNES MOLANVS IN  
additionibus ad Martyrolo-  
gium Vsuardi VIII.  
Idus Ianuarij.

\* Vide  
notas nu-  
mer. I.



*A* Pud Famagustam, ciuitatem Cy-  
pri, B. Petri Thomasij \* Patriar-  
che Constantinopolitani, Docto-  
ris percelebris, Ordinis Carmeli  
Professoris, qui post plures de Sacra Crucis ini-  
micis victorias, postque plures conscriptos li-  
bros, ac patrata miracula, die ac hora à se pra-  
signatis, obdormuit.

Infrà in annotationibus.

**P**etri Thomæ, siue Thomasij vitam scripse-  
runt Philippus Mazzerius Cancellarius  
Regis Cypri, & Ioannes Fauentinus, nondum  
impressi. Petrus

Petrus Galefinius in notationibus  
ad Martyrologium Romanum  
VIII. Idus Ianuarij.

**I**N Cypro insula B. Petri Thomasij, Fama-  
gusta \* Episcopi, cuius res sancte gestas, ac \* Vide  
vitam religiosè actam literis consignavit Phi- notas  
lippus Mazzerus Regis Cypri Cancellarius. num. 11.

Philippus Ferrarius in Catalogo  
Sanctorum. eodem die.

**F**Amagusta in Cypro B. Petri Thomasij  
Episcopi Constantinopolitani Ordinis  
Carmelitarum.

Idem in Topographia in Martyro-  
logium Romanum.

**F**Amagusta, &c. V 1. Ianuarij Petrus  
Thomasius Episcopus.

Octavius Caietanus in Idea operis  
de vitis Sanctorum Sicularum.

**E**X Ordine Carmelitarum Petrus Patriar-  
cha Constantinopolitanus Famagusta, in  
Insula Cypro.

Specu

## Speculum Ordinis Carmelitarum.

\* Vide  
notas  
num. 13.

**S**anctus Petrus Thomas Patriarcha Alexandrinus, \* fuit Legatus Papa. Corpus istius sancti Petri est in Regno Cypri, in Conventu Famagusta.

### Fasciculus temporum sub Innocentio V.I.

**A**lexandria, Aegypti ciuitas opulentissima, à Petro Ierusalem, Cyprique Rege capitur, B. Petro Thoma Ordinis Carmeli Patriarcha Constantinopolitano, ac Sedis Apostolica pro sancto passagio Legato multum cooperante.

### Infrà sub Urbano V.

**S**anctus Petrus Thoma, ex Carmelita Patiensis Episcopus, & Patriarcha Constantinopolitanus, Doctor percelebris, summique Regis signifer bellicosus: post innumeras, quas habuit, nedum cum spiritualibus, sed & corporalibus Crucis inimicis victorias; postque plures conscriptos libros, ac patrata miracula, in Famagusta, Regni Cypri ciuitate, corpus exiit in festo Epiphania.

Iacobus



Iacobus Philippus bergomensis lib.  
13. supplementi Chronicorum  
ad annum M. CC.

**O** Rdo Carmelitarum protulit, &c. atque  
Petrum Thomam Constantinopolita-  
num Patriarcham, præclarissimum Doctorem,  
qui cum spiritualibus, ac temporalibus inimi-  
cis, pro fide Christi multos pertulit conflictus,  
ac demum post multorum librorum editio-  
nem, miraculis clarus, apud Cyprum insulam  
in pace quieuit.

Baptista Mantuanus in Apologia  
pro Carmelitis.

**A** Dde supradictis Petrum Thomæ Pa-  
triarcham Constantinopolitanum, qui  
post multas clades Saracenis illatas (ipse nam-  
que Alexandriam Egypti Urbem nobilissi-  
mam, cum Petro Cypri Rege Christo restituit)  
post multos libros Catholicè & ingeniosè con-  
scriptos, iacet in Cypro, Famagusta sanctita-  
tis opinione diffamatus.

Stephanus Lusignanus Cyprius in  
libro coronarum, corona. V.

\* Vide  
notas  
num. 2.

**P**etrus Thomas Ordinis B. Marie Virginis  
de Monte-Carmelo Patriarcha Constanti-  
nopolitanus, vir sanctissima vita, obiit Mar-  
tyr. \* sepultus est Famagusta, & ab omnibus  
reputatur Beatus.

In Chorographia eiusdem & breui  
historia insulæ Cypri.

**B.** Petrus Thomas, Patriarcha Constanti-  
nopolitanus, Carmelita, sepultus apud  
Carmelitas Famagusta cum multis mira-  
culis.

Syluester Marulus in Mari Oceano  
Religionum, titulo de Ordine  
Carmelitarum.

\* Vide  
notas  
num. 7.

**C**laruit etiam Fr. Petrus Thomas ex Va-  
sconia, qui ob magnam erga Beatissi-  
mam Virginem deuotionem, ab ea recepit  
multas reuelationes, inter quas hac illi dixit.  
\* Vsq̃ue in finem mundi Petre, Religio  
Carmelitarum permanebit, nam Helias, illius  
institutor, filio meo apparente in Transfigura-  
tione

tione, hac eadem postulauit & impetrauit.  
 Fuit assumptus ad Episcopatum Precacensem,  
 \* & postea ad Patriarchatum Constantino- \* Vide  
 politanum, postquam diu laborauit, & libros notas nu.  
 multos scripsit, factus est Legatus in Ale- 10.  
 xandria, \* & in Famagusta \* Cypri fuit vul- \* Vide  
 neratus ab infidelibus, obiitque in die Epipha- num. 12.  
 niae anno \* 1376. & ibidem sepultus in Con- \* Vide  
 uentu Carmelitarum, clarus multis miraculis, num. 16.  
 & in illo regno plurimum inuocatur tempore \* Vide  
 epidimiae. num. 17.

Ioannes Grossus Generalis Carmeli-  
 tarū electus ann. M. CCCLXXXIX.  
 in tractatulo, cui titulus est, *Viri-  
 darium Ord. Carmelitarum.*

**Q**uintus decimus fuit sanctus Petrus  
 Thoma, Patriarcha Alexandrinus, \* \* Vide  
 per quem Deus multa fecit miracula in captio- notas  
 ne ciuitatis Alexandria, & etiam in ciuitate num. 13.  
 Bononiae, ubi per certum tempus mansit Le-  
 gatus Papa, \* quo siquidem tempore funda- \* Vide  
 uit uniuersitatem Bononiensem in sacra pagi- num. 14.  
 na, cuius facultatis eximius fuit Doctor, &  
 hoc manifestè habetur in Registro Doctorum  
 illius uniuersitatis in sacra pagina, in quo  
 principalis Fundator nominatur. Vita istius

*sancti habetur in multis partibus mundi, & præsertim in Anglia: cuius regni duo milites, videlicet Dominus Ioannes de Grey, & Dominus de Stapylton. qui secum in captione prædictæ ciuitatis Alexandria fuerunt personaliter, eius vitam gloriosam descriptam, sub inquisitione veridica tam secularium, quàm Religiosorum ad partes Angliæ deportauerunt. Corpus istius sancti est in regno Cypri, in conuentu Famagusta, ubi per eum multa sunt miracula.*

**Ioannes Paleonydorus Batauus de Antiquitate, & sanctimonia Eremitarum Montis-Carmeli lib. 3. cap. duodecimo.**

**C**Laruit etiam circa hæc tempora Magister Petrus Thomas. Hic (teste Cancellario Cypri) ortum habuit ex Aquitania, hic *editus* literarum studiis, in Conuentu \* Cado-  
 \*L. Con-  
 domenfi. *mensi habitum nostræ Religionis assumpsit. Totum verò studium suum, & vitam sine intermissione post Deum, intemeratæ Virgini affectuosissimè dicauit, etiam in corporali sua necessitate recurrrens ad eandem. Vnde plures habuit ab eadem Virgine reuelationes. Dum aliquando anxius pro humana necessitate*  
*Virgi*

*Virginem exoraret , dixit illi in visu : Ne timeas Petre , omnia tibi necessaria adiicientur. Altera die Deo, suaeque Genitrici gratias agens, postquam Missarum compleuisset mysteria, venit quidam mercator, & facta confessione dedit illi decem aureos Regales. Exinde temporalium semper sufficientiam à Deo consequutus est. Adeptis autem Parisiis Doctorum insigniis, post frequentes orationes pro Ord. nostri stabilitate in nocte Pentecostes instantius Virginem Mariam exorauit. Cui apparens illa dixit, usque in finem mundi, Petre, Religio Carmelitarum permanebit, nam Helias, illius institutor, filio meo apparente in transfiguratione, pro eadem causa, postulauit, & impetrauit. Hic primò Episcopus Pactensis, inde Patriarcha Constantinopolitanus, post multa conscripta volumina, similiter elegantissimorum, & Magistrantium sermonum, postque multa virtutum opera, factus Legatus in Alexandriam, vulneratus infidelium telis, in Famagusta Cypri in die Epiphaniae migravit ad Christum, ciuitate Alexandria capta anno Domini 1366. est verò sepultus ibi in Conuentu nostro, clarens miraculis, sicut & in vita. Singulariter autem à loci illius incolis pro morbo epidimiae & pestilentiae imploratur.*

Gulielmus Eysengrenius in Catalogo  
testium veritatis, ad annum  
M. CCCXLVIII.

**S**. Petrus Thomas, Ordinis Fratrum B. Mariae semper Virginis de Monte-Carmeli, primum Episcopus \* Paëtensis, deinde Cretensis Archimysta, & Patriarcha Constantinopolitanus, sacra pagina Doctor, vir utique religiosus, innocentis vitae, & bonus Pastor, Philosophus & Orator celebris, Theologus profundus, non minus doctrina, quam vitae sanctitate Pontifex clarus. Quatuor libros Sententiarum Lombardi exposuit. Sermones quoque in solemnibus habitos scripsit. In Cypro sepelitur, Annum circiter Saluatoris Christi M. CCCLXI.

\* Vide num. 10.

Trithemius de scriptoribus  
Ecclesiasticis.

**P**etrus Thomas, Ordinis Fratrum Beatae Mariae semper Virginis de Monte-Carmeli, primum Episcopus Paëtensis, \* deinde Cretensis Archiepiscopus, nouissimè verò Patriarcha Constantinopolitanus, vir in divinis scripturis eruditissimus, vitae & conversationis

\* Vide num. 10.

satione sanctissimus, quippe qui viuus & mortuus, signis & miraculis multis legitur coruscasse, in declamandis sermonibus ad populum excellentis ingenij fuit. Scripsit quaedam praeclara volumina, de quibus ista feruntur.

*Super Sententias lib. 4.*

*Sermones quoque varij lib. 2.*

*Et quadam similia.*

Claruit temporibus Caroli Imperatoris quarti, & Clementis Papae sexti. Anno Domini 1350. & in Cypro sepultus.

Eadem exscripserunt Petrus Lucius Belga in Bibliotheca Carmelitarum, & Antonius Posseninus in Apparatu sacro.

### Conradus Gesnerus in Bibliotheca.

**P**etrus Thomas Ordinis fratrum Beatae Mariae semper Virginis de Monte-Carmeli, primum Episcopus Pacensis, \* deinde Creten-  
sis Archiepiscopus, novissime verò Patriarcha Constantinopolitanus, scripsit quadam praeclara volumina, de quibus ista feruntur, &c.

\* Vide num. 10.

*Super Sententias libros quatuor.*

*Sermones quoque varij, libri duo.*

*Et quadam similia.*

Thomas à Iesu lib. I. antiquitatis  
Carmelitanæ cap. 6.

**A**Nno 1350. floruit in Ordine S. Petrus Thomas, qui postquam in Religione sanctissimè vixerat, electus est Episcopus Patensis, Archiepiscopus Cretensis, & postremò Patriarcha Constantinopolitanus. Fuit in divinis literis doctissimus, in vita & moribus sanctissimus, obiitque post obtentas victorias multas contra fidei hostes, prænuntiatis die & hora mortis suæ. Fuit miraculis illustris in vita, & post mortem, uti colligitur ex Martyrologio Molani & ex Trithemio. Mortuus est Famagusta sub Carolo IV. Imperatore, & Clemente VI. anno 1350. \* Eiusdem festum celebratur die VI. Ianuarij.

\* Vide  
num. 17.

APPRO



---

## APPROBATIO RELIGIONIS.

**V**Idimus ex cōmissione R<sup>mi</sup>. P. N. Ministri Generalis Fr. Ioannis Baptistæ à Campanea, & cum voluptate perlegimus *vitam & gesta B. Petri Thoma* Ordinis B. Mariæ Virg. à Monte Carmelo Patriarchæ Constantinopolitani, & Sedis Apostolicæ Legati à R. admodum P. Fr. LVCA VVADDINGO conscripta; in quibus omnia argumenti dignitati, scriptoris famæ, & sacris regulis correspondere comperimus, & proinde prælo & laude dignissima iudicamus. Ad S. Isidori Kalendis Aprilis an. 1636.

Fr. Ioannes Poncius S. Theol. Lector.

| Fr. Thadæus Dalyus S. Theol. Lector.

---

## LICENTIA R<sup>mi</sup>. P. GENERALIS *Ordinis Minorum.*

**P**Lacet vt *vitam & gesta B. Petri Thoma* Ord. Carmeli à V. P. scripta typis committantur, obseruatis Tridentinis & nostris constitutionibus. Datū in conuentu S. Mariæ de Aracæli, die 4. April. 1636.

Fr. Ioannes Baptista à Campanea  
Minister Generalis.

---

APPROBATIO R<sup>mi</sup> P. DOMINI  
Hilarionis Rancati Præsidis Generalis  
Ord. Cistertien. & S. Inquisitionis Romanæ Consultoris.

EX cōmissione R<sup>mi</sup> P. Nicolai Ricardij Magistri S. Pal. Apostolici vidi & attentè perlegi quæ hoc libello continentur, *vitam B. Petri Thomæ* & ad eam Notas, quæ consuetam authoris sui redolent pietatem, & eruditionem, eam scilicet, quæ iam dictauit tot Annaliū volumina, post quæ & hic liber tutò & vtiliter imprimi, & legi poterit. Datum in Monasterio S. Crucis in Ierusalem die 12. Aprilis 1637.

DON HILARION RANCATVS

*Imprimatur.*

FR. NICOLAUS RICARDIVS S. P.  
Apostolici Magister.

---

**E**Go subsignatus in sacra Theologia facultatis Parisiensis Magister, vidi & legi librum, cui titulus est: *Vita Beati Petri Thomæ Episcopi & Confessoris Ordinis sanctæ Mariæ de Monte - Carmelo*, in quo cum nihil aduersus fidem, neque bonos mores repererim, dignum qui in lucem edatur iudicaui. Lugduni in Conuentu sancti Bonauenturæ, Fratrum Minorum, hac die quarta Septembris 1637.

FR. BERNARDINVS MOLLIASSON.

Idem cenſeo FR. BONAVENTURA  
DE LACLOSTRE Guardianus  
Conuentus S. Bonauenturæ  
Lugduni.

---

## PERMISSIO.

**V**His approbationibus supra  
positis, librum inscriptum,  
*Vita B. Thomæ Confessoris, &c.* à  
Laurentio Durand Bibliopola  
Lugdunensi imprimi non im-  
pedio, prohibens ne quis alius  
dictum librum excudat. Datum  
Lugduni die quinta Septem-  
bris 1637.

PROST.

---

## CONSENSVS.

**F**lat, iuxta conclusiones Pro-  
curatoris Regij, Lugduni die  
quinta Septembris 1637.

SEVE.



# INDEX BVLLARVM

## B. PETRI THOMÆ RES GESTAS concernunt.

### B V L L A I.



T misso ad Ianuenses, & Mediolanenses velint adesse. pag. 81

#### I I.

Instituatur Episcopus Pactensis, & Lipariensis. pag. 83

#### I I I.

Hortatur vt fidem promoueat Romanam, & Sedis Apostolicæ Nuntios benigne recipiat. pag. 87

#### I V.

Eadem Regina: Rassiæ commendat. pag. 97

#### V.

Eadem Patriarchæ Seruicæ inculcat. pag. 98

Mit

## Speculum Ordinis Carmelitarum.

\* Vide  
notas  
num. 13.

**S**anctus Petrus Thomas Patriarcha Alexandrinus, \* fuit Legatus Papa. Corpus istius sancti Petri est in Regno Cypri, in Conuentu Famagusta.

### Fasciculus temporum sub Innocentio V.I.

**A**lexandria, Aegypti ciuitas opulentissima, à Petro Ierusalem, Cyprique Regis capitur, B. Petro Thoma Ordinis Carmeli Patriarcha Constantinopolitano, ac Sedis Apostolicae pro sancto passagio Legato multum cooperante.

### Infrà sub Urbano V.

**S**anctus Petrus Thoma, ex Carmelita Patenss Episcopus, & Patriarcha Constantinopolitanus, Doctor percellèbris, summique Regis signifer bellicosus: post innumeras, quas habuit, nedum cum spiritualibus, sed & corporalibus Crucis inimicis victorias; postque plures conscriptos libros, ac patrata miracula, in Famagusta, Regni Cypri ciuitate, corpus exiit in festo Epiphania.

Iacobus

Iacobus Philippus Bergomensis lib.  
13. supplementi Chronicorum  
ad annum M. CC.

**O***Rdo Carmelitarum protulit, &c. atque  
Petrum Thomam Constantinopolita-  
num Patriarcham, præclarissimum Doctorem,  
qui cum spiritualibus, ac temporalibus inimi-  
cis, pro fide Christi multos pertulit conflictus,  
ac demum post multorum librorum editio-  
nem, miraculis clarus, apud Cyprum insulam  
in pace quieuit.*

Baptista Mantuanus in Apologia  
pro Carmelitis.

**A***Dde supradictis Petrum Thomæ Pa-  
triarcham Constantinopolitanum, qui  
post multas clades Saracenis illatas (ipse nam-  
que Alexandriam Egypti Urbem nobilissi-  
mam, cum Petro Cypri Rege Christo restituit)  
post multos libros Catholicè & ingeniosè con-  
scriptos, iacet in Cypro, Famagusta sanctita-  
tis opinione diffamatus.*

Stephanus Lusignanus Cyprius in  
libro coronarum, corona. V.

\* Vide  
notas  
num. 2.

**P**etrus Thomas Ordinis B. Mariæ Virginis  
de Monte-Carmelo Patriarcha Constan-  
tinopolitanus, vir sanctissima vita, obiit Mar-  
tyr. \* sepultus est Famagusta, & ab omnibus  
reputatur Beatus.

In Chorographia eiusdem & breui  
historia insulæ Cypri.

**B.** Petrus Thomas, Patriarcha Constanti-  
nopolitanus, Carmelita, sepultus apud  
Carmelitas Famagustæ cum multis mira-  
culis.

Syluester Marulus in Mari Oceano  
Religionum, titulo de Ordine  
Carmelitarum.

\* Vide  
notas  
num. 7.

**C**laruit etiam Fr. Petrus Thomas ex Va-  
sconia, qui ob magnam erga Beatissi-  
mam Virginem deuotionem, ab ea recepit  
multas reuelationes, inter quas hæc illi dixit.  
\* Vsq̃ue in finem mundi Petre, Religio  
Carmelitarum permanebit, nam Helias, illius  
institutor, filio meo apparente in Transfigura-  
tione



tione, hac eadem postulauit & impetrauit.  
 Fuit assumptus ad Episcopatum Precacensem,  
 \* & postea ad Patriarchatum Constantino- \* Vide  
 politanum, postquam diu laborauit, & libros notas nu.  
 multos scripsit, factus est Legatus in Ale- 10.  
 xandria, \* & in Famagusta \* Cypri fuit vul- \* Vide  
 neratus ab infidelibus, obiitque in die Epipha- num. 12.  
 niae anno \* 1376. & ibidem sepultus in Con- \* Vide  
 uentu Carmelitarum, clarus multis miraculis, num. 16.  
 & in illo regno plurimum inuocatur tempore \* Vide  
 epidimiae. num. 17.

Ioannes Grossus Generalis Carmeli-  
 tarū electus ann. M. CCCLXXXIX.  
 in tractatulo, cui titulus est, *Viri-*  
*darium Ord. Carmelitarum.*

**Q**uintus decimus fuit sanctus Petrus  
 Thomæ, Patriarcha Alexandrinus, \* \* Vide  
 per quem Deus multa fecit miracula in captio- notas  
 ne ciuitatis Alexandria, & etiam in ciuitate num. 13.  
 Bononia, ubi per certum tempus mansit Le-  
 gatus Papa, \* quo siquidem tempore funda- \* Vide  
 uit vniuersitatem Bononiensem in sacra pagi- num. 14.  
 na, cuius facultatis eximius fuit Doctor, &  
 hoc manifestè habetur in Registro Doctorum  
 illius vniuersitatis in sacra pagina, in quo  
 principalis Fundator nominatur. Vita istius

*sancti habetur in multis partibus mundi, & præsertim in Anglia: cuius regni duo milites, videlicet Dominus Ioannes de Grey, & Dominus de Stapylton. qui secum in captione prædictæ ciuitatis Alexandria fuerunt personaliter, eius vitam gloriosam descriptam, sub inquisitione veridica tam secularium, quam Religiosorum ad partes Angliæ deportauerunt. Corpus istius sancti est in regno Cypri, in conuentu Famagusta, ubi per eum multa fiunt miracula.*

**Ioannes Paleonydorus Batauus de Antiquitate, & sanctimonia Eremitarum Montis-Carmeli lib. 3. cap. duodecimo.**

**C**Laruit etiam circa hæc tempora Magister Petrus Thomas. Hic (teste Cancellario Cypri) ortum habuit ex Aquitania, hic *editus* literarum studiis, in Conuentu \* Cado-  
 \*L. Con-  
 domenfi. *mensi habitum nostræ Religionis assumpsit. Totum verò studium suum, & vitam sine intermissione post Deum, intemeratæ Virgini affectuosissimè dicauit, etiam in corporali sua necessitate recurrens ad eandem. Vnde plures habuit ab eadem Virgine reuelationes. Dum aliquando anxius pro humana necessitate*  
*Virgi*

*Virginem exoraret , dixit illi in visu : Ne timeas Petre , omnia tibi necessaria adiicientur. Altera die Deo, suæque Genitrici gratias agens, postquam Missarum compleuisset mysteria, venit quidam mercator, & facta confessione dedit illi decem aureos Regales. Exinde temporalium semper sufficientiam à Deo consequutus est. Adeptis autem Parisiis Doctorum insigniis, post frequentes orationes pro Ord. nostri stabilitate in nocte Pentecostes instantius Virginem Mariam exorauit. Cui apparens illa dixit, usque in finem mundi, Petre, Religio Carmelitarum permanebit, nam Helias, illius institutor, filio meo apparente in transfiguratione, pro eadem causa, postulauit, & impetrauit. Hic primò Episcopus Pactensis, inde Patriarcha Constantinopolitanus, post multa conscripta volumina, similiter elegantissimorum, & Magistrantium sermonum, postque multa virtutum opera, factus Legatus in Alexandriam, vulneratus infidelium telis, in Famagusta Cypri in die Epiphania migravit ad Christum, ciuitate Alexandria capta anno Domini 1366. est verò sepultus ibi in Conuentu nostro, clarens miraculis, sicut & in vita. Singulariter autem à loci illius incolis pro morbo epidimie & pestilentia imploratur.*

Gulielmus Eysengrenius in Catalo-  
go testium veritatis, ad annum

M. CCCXLVIII.

\* Vide  
num. 10. **S**. Petrus Thomas, Ordinis Fratrum B. Ma-  
riae semper Virginis de Monte-Carme-  
li, primum Episcopus \* Pactensis, deinde Cre-  
tensis Archimysta, & Patriarcha Constanti-  
nopolitanus, sacrae paginae Doctor, vir utique  
religiosus, innocentis vita, & bonus Pastor,  
Philosophus & Orator celebris, Theologus  
profundus, non minus doctrina, quam vita  
sanctitate Pontifex clarus. Quatuor libros  
Sententiarum Lombardi exposuit. Sermones  
quoque in solemnibus habitos scripsit. In Cy-  
pro sepelitur, Annam circiter Saluatoris Chri-  
sti M. CCCLXI.

Trithemius de scriptoribus  
Ecclesiasticis.

\* Vide  
num. 10. **P**etrus Thomas, Ordinis Fratrum Beatae  
Mariae semper Virginis de Monte-Car-  
meli, primum Episcopus Pactensis, \* deinde  
Cretensis Archiepiscopus, nouissime verò  
Patriarcha Constantinopolitanus, vir in di-  
uinis scripturis eruditissimus, vita & conuer-  
satione

satione sanctissimus, quippe qui vivus & mortuus, signis & miraculis multis legitur coruscasse, in declamandis sermonibus ad populum excellentis ingenij fuit. Scripsit quaedam praeclara volumina, de quibus ista feruntur.

*Super Sententias lib. 4.*

*Sermones quoque varij lib. 2.*

*Et quaedam similia.*

*Claruit temporibus Caroli Imperatoris quarti, & Clementis Papae sexti. Anno Domini 1350. & in Cypro sepultus.*

*Eadem exscripserunt Petrus Lucius Belga in Bibliotheca Carmelitarum, & Antonius Posseninus in Apparatu sacro.*

### Conradus Gesnerus in Bibliotheca.

**P**etrus Thomas Ordinis fratrum Beatae Mariae semper Virginis de Monte-Carmeli, primum Episcopus Pacensis, \* deinde Cretensis Archiepiscopus, novissimè verò Patriarcha Constantinopolitanus, scripsit quaedam praeclara volumina, de quibus ista feruntur, &c.

\* Vide num. 10.

*Super Sententias libros quatuor.*

*Sermones quoque varij, libri duo.*

*Et quaedam similia.*

Thomas à Iesu lib. 1. antiquitatis  
Carmelitanæ cap. 6.

**A**Nno 1350. floruit in Ordine S. Petrus Thomas, qui postquam in Religione sanctissimè vixerat, electus est Episcopus Patensis, Archiepiscopus Cretensis, & postremò Patriarcha Constantinopolitanus. Fuit in divinis literis doctissimus, in vita & moribus sanctissimus, obiitque post obtentas victorias multas contra fidei hostes, prænunciatis die & hora mortis suæ. Fuit miraculis illustris in vita, & post mortem, uti colligitur ex Martyrologio Molani & ex Trithemio. Mortuus est Famagusta sub Carolo IV. Imperatore, & Clemente VI. anno 1350. \* Eiusdem festum celebratur die VI. Ianuarij.

\* Vide  
num. 17.

APPRO

---

## APPROBATIO RELIGIONIS.

**V**Idimus ex cōmissione R<sup>mi</sup>. P. N. Ministri Generalis Fr. Ioannis Baptistæ à Campanea, & cum voluptate perlegimus *vitam & gesta B. Petri Thoma* Ordinis B. Mariæ Virg. à Monte Carmelo Patriarchæ Constantinopolitani, & Sedis Apostolicæ Legati à R. admodum P. Fr. LVCA VVADDINGO conscripta; in quibus omnia argumenti dignitati, scriptoris famæ, & sacris regulis correspondere comperimus, & proinde prælo & laude dignissima iudicamus. Ad S. Isidori Kalendis Aprilis an. 1636.

Fr. Ioannes Poncius S. Theol. Lector.  
Fr. Thadæus Dalyus S. Theol. Lector.

---

## LICENTIA R<sup>mi</sup>. P. GENERALIS Ordinis Minorum.

**P**Lacet vt *vitam & gesta B. Petri Thomæ* Ord. Carmeli à V. P. scripta typis committantur, obseruatis Tridentinis & nostris constitutionibus. Datū in conuentu S. Mariæ de Aracæli, die 4. April. 1636.

Fr. Ioannes Baptista à Campanea  
Minister Generalis.

---

APPROBATIO R<sup>mi</sup> P. DOMINI  
Hilarionis Rancati Præsidis Generalis  
Ord. Cisterciens. & S. Inquisitionis  
Romane Consuloris.

EX cōmissione R<sup>mi</sup> P. Nicolai Ricardij Magistri S. Pal. Apostolici vidi & attentè perlegi quæ hoc libello continentur, *vitam B. Petri Thomæ* & ad eam Notas, quæ consuetam authoris sui redolent pietatem, & eruditionem, eam scilicet, qua iam dictauit tot Annaliū volumina, post quæ & hic liber tutò & vtiliter imprimi, & legi poterit. Datum in Monasterio S. Crucis in Ierusalem die 12. Aprilis 1637.

DON HILARION RANCATVS

*Imprimatur.*

FR. NICOLAUS RICARDIVS S. P.  
Apostolici Magister.



---

**E**Go subsignatus in sacra Theologia facultatis Parisiensis Magister, vidi & legi librum, cui titulus est: *Vita Beati Petri Thomæ Episcopi & Confessoris Ordinis sanctæ Mariæ de Monte-Carmelo*, in quo cum nihil aduersus fidem, neque bonos mores repererim, dignum qui in lucem edatur iudicaui. Lugduni in Conuentu sancti Bonauenturæ, Fratrum Minorum, hac die quarta Septembris 1637.

FR. BERNARDINVS MOLLIASSON.

Idem cenfeo FR. BONAVENTURA  
DE LACLOSTRE Guardianus  
Conuentus S. Bonauenturæ  
Lugduni.

---

PERMISSIO.

**V**Isis approbationibus supra  
positis, librum inscriptum,  
*Vita B. Thomæ Confessoris, &c.* à  
Laurentio Durand Bibliopola  
Lugdunensi imprimi non im-  
pedio, prohibens ne quis alius  
dictum librum excudat. Datum  
Lugduni die quinta Septem-  
bris 1637.

PROST.

---

CONSENSVS.

**F**lat, iuxta conclusiones Pro-  
curatoris Regij, Lugduni die  
quinta Septembris 1637.

SEVE.



# INDEX BVLLARVM

*Q V Æ*

## B. PETRI THOMÆ

### RES GESTAS

concernunt.

B V L L A I.



T misso ad Ianuenses, & Mediolanenses velint adesse. pag. 81

I I.

Instituitur Episcopus Pactensis, & Lipariensis. pag. 83

I I I.

Hortatur vt fidem promoueat Romanam, & Sedis Apostolicæ Nuntios benigne recipiat. pag. 87

I V.

Eadem Reginae Rassiae commendat. pag. 97

V. I. X.

Eadem Patriarchæ Scruiz inculcat. pag. 98

Mit

# Index Bullarum.

## V I.

Mittuntur Sedis Apostolicę Nuntij ad regnum Ratię, Albanię, & Sclauonię, aliąsque partes adiacentes. pag. 103

## V I I.

Commendat ei prædictos Nuntios. pag. 108

## V I I I.

Eidem similiter prædictos commendat. pag. 109

## I X.

Suadet vt bellum Rex inferat schismaticis, & exercitus Christiani Imperatorem instituit. pag. 110

## X.

Vt prohibeant ne quis schismaticis fauorem, aut auxilium præstet contra Regem. pag. 119

## X I.

Vt abstineat à fœdere ineundo cum Ratsensibus. pag. 121

## X I I.

Hortatur vt Rex pacem ineat cum Duce Venetiarum. pag. 124

## X I I I.

Vt pacem ineat cum Rege Hungarię. pag. 126

Inuitat

# Index Bullarum.

## X I V.

Inuitat ad vnionem cum Ecclesia Latina.  
pag. 128

## X V.

Idem persuadet Patriarchæ Græcorum.  
pag. 135

## X V I.

Intimat se Nuntios mittere ad Impera-  
torem. pag. 138

## X V I I.

Transfertur ab Ecclesia Pactensi ad Co-  
ronensem. pag. 140

## X V I I I.

Instituitor Legatus Apostolicus in am-  
plissimis prouinciis. pag. 144

## X I X.

Vt exercitum Cruce signatorum contra  
Turcas conscribant. pag. 150

## X X.

Vt cedat B. Petro Legationem, & regi-  
men ciuitatis Smyrnarum. pag. 157

## X X I.

Instituitor generalis Inquisitor in parti-  
bus suæ Legationis. pag. 161

## X X I I.

Fit Legatus expeditionis contra Turcas.  
pag. 164

Indicat

# Index Bullarum.

## X X I I I.

Indicat creatum à se Legatum Beati Petri.  
pag. 172

## X X I V.

Mittitur pacificator ad Ianuenses. pag.  
173

## X X V.

Eos hortatur ad pacem ineundam cum  
Rege Cypri sequestro B. Petro. p. 175

## X X V I.

Admonet se amouere pacis ineundæ im-  
pedimenta. pag. 181

## X X V I I.

Vt acceleret pacis fœdera. pag. 183

## X X V I I I.

Id ipsum denuò commendat. pag. 184

## X X I X.

Rogat vt quamprimùm velit transfre-  
tare. pag. 186

**FINIS BULLARVM.**



V I T A


B. PETRI THOMÆ

EPISC. ET CONFESSORIS

ORDINIS S. MARIÆ

de Monte-Carmelo.



I.  N Aquitania, nobilissima Galliarum provincia, ignobilis & obscurus erat vicus Salinarum; in Præfectura Pe-

B: Petri  
patria.

3.

tracorienſi. Meliori tamē fortuna ſortem mutauit, & illuſtre nomē obtinuit ab illuſtripartu, ab inſigni pietate viro; qui plus patriæ reddidit, quā acceperit. Is eſt Petrus Thomæ, in quo cōtrariis ſtudiis natura & gratia decerſaſſe videntur; illa, vt ſua dona negaret; hæc, vt cūcta concederet. Ortu humilis, dignitate ſublimis; ſtatura puſillus, animo excelfus; domi incognitū, per orbem clariffimus; facultate miſer, Regum opibus ſuperior, manifeſto docuit exemplo humanis longē præſtare

A diui

## 2 *Vita & res gesta*

diuina ; & virtutis rationem habendam prius esse, quàm sanguinis.

*Natales  
obscuri.*

II. Patrem adeò obscurum habuit, vt cum ipso nomen interierit & genus. Armentis pascendis , & scindendis aruis conductitius , ægrè sufficiebat subleuandæ egestati filiorum. Periit ex duobus

*\*Recedit è  
domo pa-  
terna.*

masculis vnus ; & ne Petrus periret inediâ, sortem probaturus meliorem, puerulus abscessit, relicta vnica sororcula parentis industriæ. In Montispensierij castro ostiaria mendicitate vitam traducen- ti honesta subiit cogitatio literis incum- bendi, quibus socordem illam vitæ ratio- nem potiori commutaret , & summæ pa- rentis egestati aliquando subueniret. Im-

*Dat ope-  
ram lite-  
ris.*

probo labore ita agreste coluit ingenium, vt breui temporis intervallo disertè le- gendi, rectèque scribendi ea facultate polleret, qua sibi honestiùs consuleret, atque alios docendo præiret. Cœpit magistri officio fungi, & suis stipendiis me- reri, superuacaneis licèt horis aliorum se subderet disciplinæ Latine linguæ studio- sus. Primis rudimentis instructus ad al- tiora suspirans, in Aginnensem<sup>4</sup> profe- ctus urbem, humanioribus literis, & Phi- losophiæ præceptis operam eo fructu na- uauit



uauit, vt ante annum ætatis vigesimum ex discipulo factus Magister, plurimos habuerit auditores.

III. Prior cœnobij Aginnensis instituti Carmelitani, comite sacre Theologiæ professore, casu incidentes in adolescentem, ex modesto eloquio, ingenua facie, & viuïdo ingenio in bonam erecti spem maioris incrementi, suo concupierunt sodalitiõ. Multa polliciti vt vitam decentius viueret, & ad potiora studia aditum aperiret, in suam duxerunt ædem, eiusque disciplinæ crediderunt religiosos tyrones in humanioribus literis, & liberalibus artibus instruendos. In eam venerat urbem Prior Condomensis, eiusdem instituti, ingenuamque conspicatus adolescentis indolem, persuasit, vt in suo consorrio vitam iniret religiosam. Condomum profectus absque mora Monachis nomen dedit, cunctisque approbantibus tyrocinium magno virtutum lucro compleuit. Iussus per biennium adolescentulos consodales docere idioma Latinum, inde translatus est Aginnum, vt artes prælegeret liberales. Hoc perfunctus munere annos tres magno iuuenum profectu, ad sacerdotium inuitus promouetur.

*Aginni docet inter Carmelitas.*

5.  
*Fit Condomi Carmelita.*

*Inuitus initiatur sacerdotio.*

uetur : indignum quippe se dicebat , qui ad sublime hoc fastigium , Angelis reuerendum, eueheretur. Ante & post susceptos sacros ordines , violentiæ illatæ , & irrogatæ iniuriæ humiliter exposculabat Superiores , & quod vltimum sibi superesse videbatur remedium, Virginem Deiparam , aliósque Diuos interpellabat , vt temeritatis & irreuerentiæ veniam exorarent, suamque opem ferrent tanto oneri sustinendo.

6.  
*B. Virgo  
 suppedi-  
 tat stu-  
 diis neces-  
 saria.*

IV. Aliò missus Theologicis studiis operam daturus , tanta laborabat rei necessariæ penuria, <sup>6</sup> vt vel exercitationes has intermittere, vel summam oporteret pati miseriam. Ita cœnobij paupertas , vel superioris incuria , tenaxve natura ferebat, vt vestes, libros, supellectilem omnem literariam propria acquirere industria tam necesse , quàm difficile esset adolescentulo , qui neque amicos in terra aliena , neque parentes in propria habebat , à quibus sperare posset auxilium. His curis agitato, & B. Virginis Mariæ patrocinium imploranti, ipsa post Matutinas horas apparuit, vt bono animo esset, admonuit, atque vltro promisit studiis prosequendis non defutura necessaria.

Hoc

Hoc excitus oraculo spem meliorem concepit, redditurusque pro tanto beneficio, quas posset gratias, summo manè Missæ Marianæ pio affectu obtulit sacrificium. Vix prius absoluit, cùm à quodam probò viro tot auri acceperit numismata, quot indigentia sufficiebant depellendæ. Ab illo tempore nullis premebatur rei familiaris angustiis, quibus non manifestè probaret supernum hoc adfuisse subsidium.

V. Æmulorum passa inuidiam magnis premebatur aduersitatibus Carmelitana religio. Matri compassus pius alumnus, preces fudit ardentes ad B. Virginem, ut solito succurreret adiutorio. Apparuit in somnis B. Virgo ipsa nocte Pentecostes, sponditque pium institutum suo cultui addictissimum, nullis malis conterendum, sed perpetuò duraturum. 7 Ita frequenter suo illum dignata est aspectu, semper in penuriis benefica, semper in tribulationibus propitiâ. Peculiari eius patrocínio, & miræ tutelæ acceptum referebat, ut immaculato calle spurcicias transierit carnis, & mentem ab immun-  
dis affectibus seruârit illibatam.

*Et per-  
petuum  
promittit  
religionis  
patroci-  
nium.*

7.

*Eius ope  
virgo per-  
mansit.*

VI. His aliisq; acceptis beneficiis, San-

A 3

Ami

*Miro  
fertur in  
B. Virgi-  
nem affe-  
ctu.*

etissimæ deuinctus, incredibili erga eam exarsit deuotionis affectu, proposuitque nullum prætermittere obsequium, quod in tantæ benefactricis cederet honorem. Scripto peculiari libello eius ab originali peccato indemnitate constanter asseruit, & reliqua Virginis priuilegia doctis celebrauit encomiis. Quotiescunque orabat, laudes miscebat Mariæ; quæcunque obuia Mariæ simulacra reuerenter salutabat; locuturus, nomen præmittebat Mariæ; antequam mensæ accumberet, Mariana promebat elogia, & cibum putabat insipidum si sacre Virginis non condiretur memoria. In laboribus, in angustis ad sacram hanc aram conuolabat, insidiisque inimici hac arte occurrebat, ut singulis ictibus clypeum opponeret nominis Mariæ, cuius præsens semper sentiebat auxilium. Ingens hic pietatis ardor ita transmutauit affectum, mentemque possedit, ut nihil aliud sapere, nihil affari, nihilque videretur audire. Ex abundantia cordis os loquebatur: visum quippe est eius cordi insculptum sacratissimum nomen Mariæ, <sup>8</sup> non aliter quam martyr Ignatii præcordiis diuina Iesu vox apparuit impressa.

Abso

VII. Absoluto secundum sui Ordinis morē curriculo Theologiæ, denuò legit Philosophiā in vrbe Aginnensi, mox Burdigalæ, deinde apud Albienſes, crescente ubique opinione indolis singularis. Mit-  
titur itaque Lutetiam, vt inter illustres nobilissimæ scholæ Magistros ingenium ampliùs excoleret, & viam sterneret ad gradus Academicos. Triennio elapso, institutus est sacræ Theologiæ professor, in ciuitate Cadurcensi, vbi non minùs doctus videbatur in cathedra, quàm facundus in suggesto. Singulari dicendi facultate omnes in admirationem rapiebat, & persuadendi dexteritate quò volebat, etiam impiorum corda flectebat. Mirum illud: Solis ardore, & aquæ penuriâ areſcente segete, & aruis exustis, decretum est vt publicæ fierent populi, & Cleri supplicationes, prædicarétque Petrus pœnitentiam ad auertendam irati numinis vindictam. In apertum deduxerat campum multitudinem vniuersam, excitatisque ad pœnitendum animis, vadem dedit sacratissimam Virginem Dei Genitricem pluuiæ copiosæ. Absoluta concione, magnis aquarum profluuiis irrigata est vniuersa terræ superficies, quibus

*Philoso-  
phiā diu  
professus  
mittitur  
Lutetiā.*

*Cadurci  
miracu-  
losè plu-  
uiā præ-  
dicat.*

## 8. *Vita & res geste*

& terra dedit fructum suum, & beneficij author maiori cœpit haberi reuerentiæ.

*Parisiis  
docet.*

VIII. Declinaturus propter hæc Cadurcensium honores, sæpè rogauit aliò transferri; tandem remissus est Lutetiam, vbi per quadriennium Magistrum Sententiarum interpretatus, Baccalaurei suscepit insignia. In suam reuersus prouinciam, amandatus est ad Comitatu generalia, Mediolani cogenda, sub Petro Raymundo Ordinis Primicerio, ibique omnium suffragiis vnus acclamatus est, qui in Curia Pontificia sui sodalitiij negotia procuraret. 9. Non adeò probauit electionem Generalis Præfectus, non quòd virum odio habuerit, aut hoc munere indignum iudicârit, sed timuit ne propter cõtemptibilem personam, & humilem staturam haberetur despectui. At homines non vlnis, sed meritis commensurandos; nec quantitatis, sed virtutis molem esse considerandam, Petrus edocuit, infra paucos dies magnum consecutus hominum applausum. Auinionem, vbi tunc Pontifex Clemens VI. residebat profectus, gratiam iniit, nullo suo studio, sed manifesta virtute Talairandi, Comitis Petracoriensis, Cardinalis S. Petri ad Vin-

Ann. 1343  
*Institui-  
tur sui  
Ordinis  
Procura-  
tor.*

9.

*Magni  
fit in Cu-  
ria Pon-  
tificia.*

cula,

cula, qui in sua provincia natum, disertum concionatorem, & religiosi Ordinis honorifico munere condecoratum, in conspectum vocauit, atque in prandio voluit commensalem. Orta inter conuiuas controuersia Theologica, Petrus à Cardinale rogatus, suam protulit sententiam, eam modestia & sapientia, vt omnium sibi animos conciliârit. Deinde facundis concionibus & eruditis disputationibus magno cœpit nomine clarere, & inter Cardinales æquo in pretio haberi.

IX. Petracoriensis ad maiora aperiens aditum, persuasit, & à Generali Præfecto obtinuit, vt Lutetiam rediret, Doctoratus lauream consecuturus, fertur vices tum supplēisse, iniuncti muneris Procuratoris generalis Andreæ Corsinum, virum sanctissimum, nuper ab Urbano VIII. qui feliciter regnat, inter Sanctos relatum. Desudandum erat in illa palæstra quinque annorum exercitationibus Theologicis, & sacre Scripturæ commentationibus, vt iuxta Vniuersitatis leges ad Doctoratum perueniret: sed ineunte anno tertio contendentibus Cancellario & Doctoribus, circa numerum & qualitatem laureandorum, in eam itum est senten-

*Redit vari-  
rissos lau-  
reandus.*

*Regressus  
in Curia  
suum Or-  
dinē mi-  
rifice il-  
lustrat.*

tiam, vt quatuordecim Baccalaureis sæcularibus adiungeretur vnus Regularis, omniumque suffragiis Prælatus est Petrus vniuersis: licet enim tempus deficeret, abundabat virtus & doctrina. Regressus Auinionem rexit sui Ordinis scholam, negotia sodalitijs peregit, disputationibus externis continuò adfuit, frequenter prædicauit, idque aliquando ter in die vno, prout populi necessitas, vel festorum exposcebat solennitas. Sæpè etiam in Pontificis & Cardinalium consessu conciones habuit, pro auditorum dignitate grauissimas, summa reuerentia errata reprehendens, & æqua dexteritate tantos viros ad perfectiora perurgens.

*Venustas  
& effica-  
cia præ-  
dicatio-  
nis.*

X. In concionibus religioso & Christiano utebatur ornatu, è sacræ Scripturæ penu, vel è Sanctorum Patrum promptuario pulchris flosculis decerptis. Sed postea fructum colligebat, adductis serijs Prophetarum comminationibus, explicatisque tremendis Dei iudiciis, quibus lacrymas vberrimas exprimebat, & duros quosque peccatores ad pœnitentiam excitabat. Pro festorum varietate, & argumentorum qualitate, aliquando sales & facerias modeste, & prudenter miscebat, risum



risumque mouebat: sub finem autem gra-  
 uiter & seuerè concludabat discursum, ea  
 infundens auribus, quæ corda penetra-  
 bant, & salutis immemores in se reuoca-  
 bant. Prout volebat, auditores flecte-  
 bat, ea erat dicendi venustas & potentia,  
 ea, quod potissimum est, vitæ & doctrinæ  
 concordia, isque zelus animarum, vt pro  
 vnaquaque vellet se impendere & su-  
 per-impendere. Non peculiari affectu,  
 non acceptione ferebatur personarum;  
 adeò ignotos sicuti familiares; ita miseros  
 & egenos, vti nobiles & locupletes; non  
 minus exteros, quàm domesticos dilige-  
 bat: paratus omnē subire laborem, etiam  
 vitæ periculum pro conuersione pecca-  
 torum. Incredibile est, quot insignes ne-  
 bulones ad frugem reduxit, quot famo-  
 sos peccatores in salutis semitam reuocâ-  
 rit, quot sensui & voluptatibus non tam  
 infixos, quàm immerfos, è vitiorum ba-  
 rathro extraxerit, quas vanitates & ina-  
 nia comptarum mulierum ornamenta,  
 quibus irretiri solent oculi, procul able-  
 garit: ita vt omnem curiam Auinionen-  
 sem visus sit solus verbi virtute, & vitæ  
 exemplo reformasse.

XI. Inter tot labores nulla in re mollius-  
 culè

*Qualis  
in religio-  
ne coe-  
ratio.*

culè indulgēs corpori. Victu tenui & vestitu utebatur vulgari, communi in mensa communes duntaxat cibos admittens. Regularem vitam non tam observabat, quàm alios observare docebat, disciplina Monasticæ institutis diligenter inhæres: in eminentiori sui Ordinis gradu nihil de pristino rigore remittens, neque quidquam sibi ultra inferioris Ordinis conso- dales attribuens. Conveniebat ad vniuersa Religionis munia, neque vilia aspernabatur ministeria. Singulis noctibus matutinis aderat precibus; longam deinde protrahebat orationem, & summo manè incruentum offerebat Missæ sacrificium, ut tranquillius absque circumstantium strepitu sacrosancta contempleretur arcana, & liberiùs circa ista posset immorari. In altari plus se didicisse dicebat, quàm in schola, & multa sibi à Beatissima Virgine explicata sacræ scripturæ arcana, quæ communem hominum captum superabant. Ita multa inter docendum in scholis, & inter concionandum in templis occurrebant, quæ nunquam antea cogitauerat, & ex ipsa doctrinæ qualitate videbantur magis diuinitùs infusa, quàm humanitùs acquisita. Præmissis  
semper:

semper diuinis, curabat humana; negotia domi expediebat, & sollicitabat in Curia, aduentantes, confratres humaniter excipiebat; quæ licebant, amicè concedebat: quæ non poterat, dulci verborum lenimine denegabat.

XII. His ornatus virtutibus, in omnium ore versabatur, omniū affectus obstrinxit, felicemque se putabat vel domi videre, vel colloquio vti, vel in plateis posset occurrere. Probārant non semel confratres magno suo lucro, generalem erga eum populi beneuolentiam; si quid enim cœnobio deerat, Petro petēte, vel insinuantē, extemplò mittebatur. Redactos fratres Auinionenses ad summam egestatem vno subleuauit die, collectis per urbem paruo gyro mille florenis. Vbicunque inter suos habitabat, similia præstabat charitatis subsidia, id fraternè prospiciens, ut sua in populo autoritas consodaliū famularetur obsequio. Pari nexu deuinxit Purpuratos Curia Patres religioso studio, debita reuerentia, insigni doctrina, & in rebus arduis salutari consilio. Præ reliquis habuit fautores & propitios Talairandum, quem dixi, Petracoriensem, & Stephanum Lemouicensē,

*Ab omnibus diligitur.*

*Suis fratrib. proficiuus.*

sem, Episcopum Ostiensem, sacri Collegij Decanum, mox summum Pontificem, insignem suum benefactorem.

*In funere  
Clem. VI.  
multas  
habuit  
conciones.*

XIII. Abierat ex humanis Clemens Pontifex, expletisque exequiis, post dies aliquot translatum est cadaver, vti ipse supremis tabulis præscripsit, ad Monasterium Casæ-Dei, in quo Monachum egit, & Abbatis dignitate præfulsit. Petrus rogatus à Cardinalibus & Clementis consanguineis, se funeris comitem adhibuit, & in duodecim stationibus, antequam peruenirent ad Monasterium, totidem habuit conciones. Illato corpore in marmoreum, quod ipse parauerat, sepulcrum, postremi deferendi erant honores, & longa concione funus terminandum. Graue erat Petro hoc munus subire, quippe ex itinere fatigato, & molesta raucedine laboranti. Deprecantibus, qui aderant, ne hoc ultimo deesset officio Pontifici, de se benemerenti, ardentes fudit preces cotam Virginis simulacro, magna fiducia suggestum conscendit, eaque voce prædicauit, qua clariorem, aut firmiorem se nunquam senserat habuisse.

*Creatur  
Innocen-  
tius VI.*

XIV. Domum reuersus experiri cœpit fautores noui Pontificis Innocentij VI. ex  
Episco

Episcopo, vt dixi, Ostiensi & amico ren-  
nunciati. Implacabili odio dissidebant  
Genuenses & Veneti, cruentisque bellis  
in alternam ruebant perniciem. Hi in  
adiutorium conuocârunt Petrum Arago-  
niæ Regem, & Imperatorem Constanti-  
nopolitanum Cantacuzenum; illi Ioan-  
nem Vicecomitem Antistitem & Regu-  
lum Mediolanensem. Sub finem Ponti-  
ficatus Clementis miserabili clado vtrim-  
que decertatum est circa Bosphorum in-  
ter Chalcedonem & Constantinopolim,  
& attritis viribus accensæ sunt magis fa-  
ces inimiciæ. Vt viam inirent concor-  
diæ, quam sæpè tentauit Prædecessor,  
Innocentius misit ad Venetos Fortane-  
rium Vassallum ex Minorita Patriarcham  
Gradensem, mox Cardinalem, aliàs ad vtrâ-  
que Rempublicam à Clemente amanda-  
tum, atque ad Genuenses ac Mediola-  
nenses Petrum legauit:<sup>a</sup> & paulò post ad  
Ioannam Neapolitanam Reginam, circa  
fluctuantis regni seria negotia destina-  
uit. Deinde anno <sup>b</sup> sequenti ad Episco-  
patus Paënsensem<sup>10</sup> & Lipariensem, in  
Sicilia vnitos, per obitum Petri Theuto-  
nici Minoritæ Pastore carentes, assumpsit.  
Demum Nuntium misit ad Stephanum  
Rassiæ

*Mittit  
Petrum  
ad Ge-  
nuenses  
& Me-  
diolane-  
ses.*

*<sup>a</sup> An. 1353.  
Et ad Re-  
ginam  
Neapoli-  
tanam.*

*<sup>b</sup> An 1354  
10.*

*Creant E-  
piscopum  
Paënsensem.*

*Nuntiū  
amandat  
ad Regē  
Rassia-  
norū.*

Rassia Regem simul cum Bartholomæo etiam ex Minorita Episcopo Traguriēsi, qui aliās ibidem laudabiliter fidem promouit. Magnæ erant illo in regno controuersia inter Græcos schismaticos, & ritus Latini professores. His fauere videbatur Rex, & capere Romani Pontificis auxilium contra Ministros, à Patriarcha Constantinopolitano submissos, ut Præsules Latinos, & ritus procul facerent Romanos. His ergo malis cauendis amandantur Bartholomæus & Petrus, commissa sibi ampla potestate in Rassia, Seruia, Albanis, & Sclauonia dominiis, & terris adiacentibus, omnia constituendi secundum Apostolicas sanctiones.

*⁊ Vide in  
appendi-  
ce Bullā  
3. & seqq.*

*Mirabi-  
liter præ-  
seruat so-  
cios à ca-  
pitinitate.*

XV. Longiori circuitu Petrus Italiam, Illyricum, magnam Hungariæ partem dimensus, ultra longissimi itineris molestias multa superauit vitæ discrimina. In sinu Adriatico parum abfuit, quin Turcis cederet in prædam: cum enim nautæ nihil aduersi suspicantes, vicina rupi nauem vectoriam applicarent, ut pranderent, ex insidiis prodiit Turcica prædatoria, remis & velis fugientis cursum faciliè superatura. In tanto periculo constituti omnes. Missum Apostolicum rogârunt, ut pro sua

sua dignitate, & apud Deum autoritate supplicaret, ne Christiani nominis hostibus fierent in seruitutem. Genuflexus orauit, & illicò densa nubes cœlo vndique sereno, inimicorum nauem ita obumbravit, vt Christianis commodè licuerit elabi. Aliàs in eadem naui periclitabatur *Et à nau. fragio.* ortâ sæuâ procellâ, neque spes vlla erat salutis collidente vndâ ratim in littus. At ille Deum deprecatus, obtinuit, vt mirabili modo mortem omnes euaderent. Arescentibus hominibus præ confusione sonitus maris, & neglecto gubernaculo, iactatam inter montes aquarum nauiculam, certissimè in syrtes, aut cautes impingendam, tumentes fluctus in altum exerunt, & in lacum à mari interiectâ terrâ separatum, nautis etiam incognitum, iniectu oculi transuexerunt. In hac ituta statione licuit quassatæ nauis rimas lustrare, & damna reficere, sedata tamen tempestate, vi multa & adiutorio opus fuit, vt è lacu per terram interpositam in mare retraheretur.

XVI. Per multa maris terræque discrimina tandem peruenit ad locum destinatum suo muneri obeundo. Hic noua pericula, noui labores & insidiæ. Rex ille feroci

B vultu,

*Intrepide  
rueitur di-  
gnitatem  
sedis Apo-  
stolicæ.*

vultu, & procera corporis mole terribilis, eam sibi volebat ab accedentibus exhiberi reuerentiam, vt genuflexi in folio sedentis pedes oscularentur. Indignum ratus Petrus, vt Episcopali nobilis dignitate, & supremi Pontificis Romani fun-cturus legatione, ita vilesceret, constanter renuit, & Ministros Regios ita præmonentes noluit obaudire. Missis vltro citroque nuntiis, tandem admissus est ad Regis colloquium, & ille toruo vultu, ac superbo fastu excepit; hic autem, quâ Nuntium docuit Apostolicum, salutauit reuerentiâ. Circumstantes Regis Satrapæ iussitare, Rex ipse cœpit frendere, & Petrus quidem constanter respondere rem iniustam postulari. Statuta legationi explicandæ die intrepidus rediit, paulatimque detexit dolose egisse cum Pontifice Regem, & Apocrisarios non tam Romanæ religionis affectu, quàm declinando bello Hungarico amandasse. Ludouicus Pannoniæ Rex vindicandæ religionis iniuriæ, & schismaticis comprimendis multum conscribebat militem; Rastianus, vt paratum sibi malum auerteret, desiderium venditabat propagandi & stabiliendi in suis dominiis vnus dumta



dumtaxat ritus Romani. Luit postea iustas pœnas suæ fraudis, à Ludouico contritus & humiliatus. Multa tamen cum Petro tunc videbatur pacisci, & in fidei Romanæ incrementum æquis assentiri articulis, quos deinde quæsitâ occasione rescidit. Tandem viriliter agente Legato, manifestè se prodidit ritus Græcanici sectatorem, & schismatis fautorem, in eamque prorupit insaniam, vt severo edicto, tubis clangentibus, interdixit omnes, sub pœna vtriûsque oculi eruen-di, Petri sacrificiis. Hic deposita omni formidine, Romanæ fidei professores monuit, & publico præconio intimauit, se proximo die festiuo sacra solemnibus Pontificia maiestate facturum, vtque omnes adessent propositis Indulgentiis inuitauit. Plurimi venerunt etiam viri nobiles & heroës, Deum magis quàm Regem timentes, cui postea obiicienti leges latas, responderunt : se semper palam & in aperto religionem professos Romanam, neque æquum fore, vt Legato Pontificio celebranti, & ad talia solemnia, in illa regione, vel nulla, vel rarissima, inuitanti dēesse viderentur ; longè etiam ab illa esse cogitatione vt à Romano capite

permitterent se membra diuelli ; aut propter lumen oculorum in fide cœcutirent. Petrus etiam grauius, & constanter fallaciæ monuit, & perfidiæ, quod dolosè affectum protēderit vnionis cum Ecclesia Latina, qui apertè ritus commendabat aduersos, & errores fouebat Græcanicos. Tandem multis prudenter in Clero institutis & reductis ad concordiam Romanam plurimis Ecclesiis per insidias & varia vitæ discrimina reuersus est ad curiam Pontificiam.

*Amāda-  
tur Paci-  
ficator ad  
Hunga-  
ros & Ve-  
netos.*

<sup>d</sup> Ann.  
1356.

XVII. Innocentius curam omnem & cogitatū fidei propagandæ, & Terræ sanctæ Christianis asserendæ dirigebat, dolebatque Ludouicum Hungariæ Regē tanto facinori maximè opportunum, bello Veneto distractum. Destinauit<sup>d</sup> Petrum & Fr. Stephanum Ord. Minorum Electum Zagabriensem, vt pacificarent, & Regem in Rassianos, aliósque schismaticos excitarent. Vt verò libentiùs & animosiùs Rex, Dei & Ecclesiæ Catholicæ causam ageret, auctoritatem concessit Nuntiis, <sup>e</sup> S. Petri vexillum conferendi, Catholici exercitus Imperatorem constituendi, & in suppetias belli decimas trium annorum, aliæque subsidia temporalia

<sup>e</sup> Vide  
Bullam  
12. & se-  
quētem.

ralia & spiritualia conferendi. Superatis Alpibus Venetias abierunt Nuntij, & Ioanni Gradonico Duci, clarissimóq; senatui Pontificis studium exposuerunt pacis cum Ludouico ineundæ. Non abhorrebant illi pacem, modò in æqua fœdera Ludouicus conueniret. Ad Regem igitur per medias confertasque acies profecti, aduentus causam, & cum Venetis pacta retulerunt. Honorificè exceptos gratissimè Rex audiuit, rebus omnibus necessariis instruxit, & Petrum maximè, quippe doctè prædicantem, bona quæque prudenter consulentem, & familiariter colloquentem summis affecit honoribus. Vexillo, & Imperatoris munere admissis, graui sacramento spondit se fidei iniuriam inter Rasseanos pro viribus ulturum, Terræ sanctæ aditum aperturum, & Venetis integras, quas in suam redegerat potestatem, Dalmatiæ, Istriæ, & Fori-Iulij prouincias restitutum. Eam apposuit conditionem, vt Veneti quotannis in memoriam recepti beneficij, & istius fœderis signum, equum album Hungariæ Regibus offerrent. Pactum hoc inhonorum & intolerabile dixerunt Veneti; quippe Hungaris se tributarios pro-

B

3

fiteri.



fiteri rem indignam, & indecoram iudicabant, multique Petrum verbis grauiter lacefferunt. Inter omnes excellit quidam Episcopus, nobilis prosapiæ, & magnæ authoritatis in Senatu, qui à pace ineunda vehementissimè dissuadebat. Magno dolore correptus Petrus increpare cœpit pacis aduersarios, & prædicere diuinam ultionem. Nec longè abfuit, etenim Episcopus die sequenti dum ad exercitus Præfectos proficisci vellet, vt ad belli prosecutionem vrgeret, & in vrbe togatos Patres à pace deterreret, repentina morte sublatus est; & Veneti plagis multis attriti minori lucro pacem postea inierunt.

XVIII. Non plenè hîc absoluit Petrus, quando longiori & molestiori adiudicatus est legationi obeundæ. Ioannes Palæologus, Græcorum Imperator, deuictio Ioannè Cantacuzeno Imperij occupatore, magnum præferebat (siue verè, siue dolosè, vt Pontificem sibi conciliaret, & contra Imperij inuasores auxiliatorem haberet) vnionis Græcorum & Latinorum desiderium. Solemni præmissio iuramento, obedientiæ præstandæ Romano Pontifici, misit Auinionem nobiles

Apocri

• Eodem  
anno.  
*Destina-  
tur ad  
Impera-  
torē Gra-  
corum.*

Apocrisarios duos, qui hæc referrent, & subsidium peterent contra Turcarum inuasiones. Gaius Pontifex Legatos honorificè excepit, nec cunctandum in re graui putans, binos etiam destinauit ad Imperatorem Nuntios, Petrum Thomæ, & Gulielmum Minoritam, Sisopolitanum Episcopum, qui in pio proposito confirmarent, & suaderent, vt quam per literas miserat, fidei confessionem, ore profiteretur publicè in Prælatorum concione coram Patriarcha Constantinopolitano, atque ita facienti Pontificis Christianorumque Principum auxilium contra fidei hostes pollicerentur. Illi impigrè iter aggressi, contemptis, superatisque longæ nauigationis periculis, Constantinopolim peruenerunt, vbi diu disceptantes cum Græcis, habitisque publicis, & doctis congressibus, induxerunt Imperatorem vt promissa compleret, & quo poterat studio vniuersum Imperium ad fidei vnitatem conuocaret. Mouit plurimum Petri singularis doctrina, probata virtus, vita exemplaris, & prodigiosa opera, quibus doctrinam confirmabat, omnesque in sui admirationem, & æstimationem rapiebat. Toto tempore, quo

Videbul:  
lam 14.  
& 15.

illic hæsit, corporis maceratione, ieiuniis, ciliciis, & continuis orationibus curabat cœleste numen inclinare, vt negotium hoc prosperare dignaretur, & quod schismaticorum pertinacia demerebatur, piis exercitiis; & deuotis obsequiis assequi studebat, vt iam tandem Deus misereri vellet numerosissimæ genti, in errorum tenebris cœcutienti.

*Cyprum  
appulit.*

XIX. Reuersurus vt suæ legationis rationem redderet, Cyprum appulit, vbi graui correptus infirmitate summè beneficos probauit Hugonem Regē, & Leonoram Reginam, Principis Petri Arragonij, mox Minoritæ, filiam, quæ propriis manibus dapes, & valetudini opportuna præparabat. Pristinæ restitutus sanitati, in Palæstinam nauigauit, redemptionis nostræ

*Inde in  
Palestina  
nam abit.*

incunabula coràm veneraturus. In sancta ciuitate Ierusalem, quam religiosè, quanto affectu, quibus lacrymis, loca sancta lustrauerit, quali deuotionis ardore

*Loca sã-  
cta deu-  
tè inuisit.*

ad sanctum Christi sepulcrum, & ad præsepe Bethlehemitanum sacrificauerit, vix posset explicari. Spectatores vniuersos ad lacrymas & nouos feruores excitabat, & qui priùs feruentissimi videbantur rei Dominicæ cultores, ad rarum

Petri

Petri exemplum supinæ se accusabant negligentia. Quotquot occurrebāt Christianos, maximè qui Ierosolymis. degebant, ad dignam sacrorum monumentorum venerationem hortabatur, & flocci pendendos omnes cruciatus dicebat, ut seueros Christi cultores fidei contemptoribus obiicerent. Zelum hunc in omnibus accendisse, & Legatum Romanum esse, inter Saracenos percerebuit, decreueruntque vel abigere, vel occidere. Ita referentibus, qui circumstabant, seruis respondit: nihil sibi hoc nuntio acceptabilius neque optabilius accidere posse, quàm eo in loco occumbere, vbi Christus pro humano genere sanguinem sparsit. Sequenti die circa horam tertiam in Monte Sion in ædem fratrum Minorum omnes conuocauit Christianos, omnique pulso timore doctissima & longa hortatus est oratione, ut constantes in fide veri essent excubitores Christi sepulcri, & pro repellenda quacunque sui institutoris iniuria fortunas omnes, & vitam ipsam profunderent. Cætus hic Christianorum malè habuit Saracenos, & templi foribus adstantes, mala omnia imprecabantur Legato, paratæque mortis minas adde-

*Saraceni  
mortem  
intētant,*

*Ille peri-  
cula con-  
temnit.*

B 5      bant.

bant. Ille animo intrepidus, trepidantibus auditoribus, sermonem profecutus est in detestationem legis Mahometanæ, & Christianæ commendationem. Concione absoluta in publicum prodiit, transiensque per medium illorum ibat, minas contemnens & execrationes, nemine audente manus iniicere. Illinc regressus in Cyprum, iterum à Rege honorificè excipitur, maiori item studio postquam audierat, quæ Ierosolymis egerat, & qualiter peculiari Dei tutelâ, ferocientium Turcarum sacrilegas manus euasit.

*Frequen-  
tes pati-  
tur exta-  
ses.*

XX. Famagustæ in cœnobio Carmelitarum per dies aliquot commoratus, tanta humilitate & demissi animi affectu sacratissimam Virginem solebat deprecari, ut solus noctu amotis arbitris, & luce, humi prostratus longas protraheret orationes, multoties vi suauissimæ contemplationis in extasim factus. Accidit aliquando, ut ex Sacellanis vnus cubiculum absque luce ingressus, in sanctum virum impegerit, desuperque ceciderit, absque vlllo illius sensu aut motu. Aliàs super orantis cubiculum diluculo ante Solis ortum viderunt quamplurimi Græci, Armeni, aliique schismatici, præter Orthodoxos innumere

*Orās in-  
dicatur  
luce cale-  
sti.*



numeros, fulgentissimam trabem igneam  
 è cœlo descendere, & diu desuper illu-  
 xisse; in cuius rei, totius fermè vrbis te-  
 stimonio comprobata, memoriam de-  
 creuerunt illius cœnobij Patres, vt dein-  
 cept singulis diebus ante auroram Missæ  
 fieret sacrificium.

XXI. Multis ea in insula relictis virtutis,  
 doctrinæ, & sanctitatis vestigiis, tandē re-  
 uersus est Auinionem, vbi à Pontifice &  
 Cardinalibus miro applausu, & omnium  
 gratulatione exceptus est. Audiens au-  
 tem Innocentius læuissimos fidei hostes  
 Saracenos partes omnes Romanix, maxi-  
 mē Patriarchatus Constantinopolitani,  
 & urbem Smyrnarum, sedi Apostolicæ  
 subiectam, continua hostilitate diuexa-  
 re, tertio post regressum anno<sup>f</sup> illuc re-  
 mittere decreuit. Cur ita fecerit, ipse<sup>f</sup> Anno  
 suo diplomate expressit: *Quia*,<sup>g</sup> inquit,<sup>g</sup> Vide  
*vir timoratus & prouidus, & in lege Domini,* Bullam  
*ipsaque fide Catholica admodum eruditus, ac* 18. &  
*frequenter in arduis, & præsertim in illis par-* seqq.  
*tibus comprobatus, clarus scientia, plenusque*  
*multis virtutibus prædicabatur.* Translatum  
 itaque ab Episcopatu Patensi, alia pin-<sup>h</sup> Trans-  
 guiori & commodiori ecclesia Coronen-<sup>fertur ad</sup>  
 si, <sup>h</sup> sub Archiepiscopatu Patracensi, <sup>Ecclesiam</sup>  
 Vene <sup>Coronensē.</sup>

VideBul-  
lam 17.

*Institui-  
tur Lega-  
tus Apo-  
stolicus  
in Roma-  
nia.*

VideBul-  
lam 18.  
& seqq.

Venetis subiecta, cohonestavit. Deinde plenam ei commisit Legati Apostolicæ Sedis auctoritatem in amplissimo Patriarchatu supradicto, in regnis Cyprio, & Cretensi, in Smyrnarum, Athenarum, Thebarum, Corinthij, Corphij, Nixienfi, Colocensi, Duratiensi, Neopacensi, & Neopatriæ Archiepiscopatibus ac provinciis; conscribendo militi, & exercitui Cruce signatorum, suprema adiecta potestate, præfecit, Inquisitorem generalem instituit, multis priuilegiis variisque facultate decoravit.

*Generosè  
suo fun-  
gitur mu-  
nere.*

XXII. Hac insignitus potestate euellendi, destruendi, plantandi, & ædificandi; generosam fortitudinem indutus est, & præcinxit se virtute. Etenim verbo ex gladio fidei hostibus terrorem incussit, schismaticis, quorum ingentem numerum ad Ecclesiæ Catholicæ vnionem reduxit, disputationibus & concionibus obfistebat; Saracenis paratas classes, & confertas acies obiciebat, per omnes partes discurrens se murum pro domo Domini opponebat. Modò Smyrnæ, modò Rhodi, aliquando in Cipro, aliquando in Creta, aliàs in conspectu vrbis Constantinopolitanæ Turcis occurrebat, & nullo loco con

co consistere passus, sæpissimè profligabat, gloriosè vbique triumphans. In manu eius videbatur Dominus prosperare opus suum, & sub tanto duce saluare populum suum à leone rugiente, qui circuibat vniuersas illas prouincias, vt diuino eriperet, & suo subiugaret imperio. Licèt manus eius excelsa, non tamen fecit hæc omnia, sed Dei virtus, & potentia, mirabilis in maiestate, & faciens prodigia. Armorum quippe potentix diuinam adiunxit virtutem signis mirificis & portentosis miraculis barbarorum retundens sæuitiã. In his multa maris, terræque subiuit discrimina, prædonum iniurias, & militum sustinuit insolentiam, pericula tulit ex insidiis, & grauiora sensit in falsis fratribus. Diuino tamen roboratus auxilio, malis omnibus superior, animoque infractus, nihil, quod ad suam legationem spectabat, omisit, eaque felicitate suum munus peregit, vt Ecclesiæ fines dilatârît, & Turcarum represserit potentiam. Inter supremos illorum Principes numerabatur Alti-loci Dynasta, quem sedi Apostolicæ vestigalem fecit, eaque dexteritate, vt primò vi subegerit, mox mira benignitate & clementia

mentia Christianis fecerit propitium.

XXIII. Sub hoc tempus pernicioſa quædam hæreſis in inſula Cretenſi pulſulare cœperat inter nobiles, & viros primarios. Petrus vt erat integræ fidei ardens Zelator, in Candia urbem aduolauit, atque inquirere cœpit in inſanæ doctrinæ authores & fautores. Dux Cretenſis ab infectis ſtimulatus in primo congreſſu, non vti Legatum, ſed tanquam hoſtem, & famæ Cretenſium inſidiatorem inurbanè excepit, minasque adiecit ſi propoſitam inquiſitionem vellet vrigere. Petrus iniuriarum patiens, & offeſſam diſſimulans, impauide inchoatum proſecutus negotium, affixis publicè cenſuris præcepit, vt ſe ſiſterent, qui prauo dogmati vel initium dederunt, vel auxilium. Præcipuus author & importunus magiſter erat quidam Duciffæ cognatus, qui magno faſtu numeroſa ſectariorum ſtipatus caterua, accedens ad Legatum viſus eſt potiùs hoſtiliter aggredi, quàm præceptis obedire. Petrus, vt erat prudens & mitis, conuitia minasque contemnens, verba mollia rependit, pacatòque animo de noua hac doctrina interrogauit. At illi benignitatem & manſuetu

*Cretam  
pernici-  
oſa hæreſi  
liberat.*

fuetudinem aspernati, arroganter valde, neque ad rem appositè, responderunt. Videns Legatus se nihil hac via profecisse, statuit inquisitionis munus ritè peragere, & singulos seorsim prout moris est, examinare: Ducémque ipsum nomine sanctæ Romanæ Ecclesiæ interpellauit; vt in re tanti ponderis necessario auxilio sibi vellet adesse. Hic in furias actus, & impio coniugis consilio amplius exardescens, Legatum adiit, contumeliosis & despicabilibus verbis laceßiuit, opem omnem denegauit, & nisi vniuersa excederet insula, mala multa, & mortem sibi suisque prædixit. Sectarij vt maiorem ei conciliarent inuidiam, omnia sparsere in vulgus, neque aliud iam sperabatur in populo; quàm horrenda Legati & domesticorum carnificina. Magis illum angebat suorum trepidatio, qui præ foribus mortem meditabantur, urgebantque, vt fugâ vitæ discrimen declinaret. Attamen à Deo confortatus conualescebat, & confundebat modicæ fidei, deiectique animi viros, vile & indecorum exprobratus consilium. *An non, inquit, Dei causam agimus? vt cur non liceat eius sperare, & certò promittere patrocinium?*

Indi

*Indignares est, ut fidei hostibus Romana sedis Legatus terga turpiter vertat. In acie standum, & fortiter dimicandum; vincere honorificum, per mortem hic vinci nihilominus gloriosum. Virtus Dei est omni credenti; confidite; videbitis auxilium Domini super vos. Viriliter agite, in statione vestra perseverate; ego intrepide praeliabor praelia Domini; & in ipso sperans non infirmabor. Postridie Ducem ipsum & Urbem diris deuouit, atque Ecclesiastico interdicto ecclesias omnes subiecit. Deinde Principi animosè in faciem dixit; dominium eius & potestatem iam sub incertum fluctuare, & meminisse oportere quòd in Dei manu sunt omnium potestates, & omnium iura regnorum, & quòd per illum Reges regnant, Principes imperant, & potentes decernunt iustitiam. Vicaria etiam potestate Pontifices Romanos bene merentibus regna contulisse, & demerentibus abstulisse. Deum itidem suæ Ecclesiæ dedisse Reges nutritios, non hostes. Quòd si ille se inimicum probaret, & fidei Catholicæ corruptoribus auxiliari non desisteret, certissimè sciret dominium in alios transferendum. Ita hæc Ducem perculerunt, ut pauens & tremens*

mens pœnitentia ductus ad Legatum accesserit, errati veniam postulaturus. Contritum & humiliatum ille humaniter admisit, eiûsque fretus auxilio in hæreticos mortis & incendij sententiam promulgauit. At omnes, præter vnum Ducissæ cognatum hæresim detestati, abierunt impunes, ille pertipacior effectus publico periit incendio. Hac prostrata hæresi, gloriosius recessit, prosequentibus eum per plurima amoris indicia, Duce ipso & optimatibus ciuitatis. Transeunti autem in eadem insula per Cūnilæ urbem significatum est, ibidem sepultum fuisse famosum quendam hæreticum, cuius statim effodi iussit ossa, atque igne consumi.

XXIV. Rhodum profectus, grauiter agrotauit, & longo tempore à Natalitiis Domini vsque ad Resurrectionem decubuit. Porro illo tempore decedente Hugone Rege Cyprio, Petrus filius ad solium euectus est, vehementerque cupiuit à sancto Legato coronari, & sacro oleo deliniri. Misit, qui obnixè rogaret, vt veniret, & piis votis annueret. Longa attrito infirmitate consulcbant omnes ne periculoso & molesto se committeret

*Regē Cy-  
pri coro-  
nat & in-  
ungit.*

• C itine

itineri. At ille honori Ecclesiæ Romanæ consulere, & Regi complacere cupiens, omnia contempsit vitæ discrimina. Seruorum humeris ad nauim elatus, in navigationis cursu vim morbi sensit grauissimam, & prostratis viribus putabant aulici neque salutis neque vitæ spem vllam superesse. Vbi verò isti magis desperabant, ille diuinam virtutem manifestiùs patefecit, sola oratione ad B. Virginem & S. Gregorium præmissa, integram repente consecutus sanitatem, nullis pristini morbi relietis vestigiis. Incolumis vt appulit, perfecta & vegeta corporis constitutione omnes in admirationem rapuit, qui diuturnam nouerant infirmitatem. Regem autem solemnissimo ritu in Ecclesia Cathedrali Famagustæ magno plurimarum nationum concursu diademate coronauit, & sacra vnctione linxit.

**XXV.** Perceperat in hac insula Græcorum Episcopos & Sacerdotes schismaticos occultis artibus, & quibus poterant modis, Christianos Romanos ad suos ritus & instituta pellicere. Non tulit hoc æquo animo, in quoque cum Rege consilio statuit gentem pertinacem, subdolosque

*Græcos  
trahit ad  
ritum Ro-  
manum.*



que ministros iniqui insimulare consilij. Conuocauit potissimos illorum in templum primum Nicosiæ, erectoque folio pro Legati dignitate prope altare præcipuum, clausis foribus, ut populi Græcanici tumultui obsisteret, cœpit Episcopos sui monere officij, & debuisse potius ipsos ad vnionem accedere religionis Romanæ, quàm ab ea reliquos auocare. Plurimi illorum benignis efficacibusque rationibus aurem accommodantes, pro viri reuerentia, & veritatis pondere suæ inscitix & temeritatis veniam postularunt, polliciti se deinceps fidem secuturos Romanam. Instigante autem zizanix satore, & pacis inimico, surrexit petulanter ex Presbyteris vnus, vir temerarius & audax, & prosiliens in medium conuocauit reliquos ad dissoluedum cœtum, procacibus verbis, & magnis clamoribus omnia perturbans. Huic accesserunt alij eodem spiritu agitati, in duasque partes diuisa concione, vtriusque sæuitum est vehementer. Præ foribus promiscuum vulgus Græcorum rei exitum præstolabatur, auditoque interno tumultu effractis valuis cæco furore irruit in templum. Schismatis fautores,

& commotionis authores culpam refundebant in Legatum, inculcabantque quòd proditoriè, & nulla præmissa monitione volebat nobilem Græcorum gentem à patriis ritibus subducere, & ad alienas legès incautam transferre. Omnem denique quam poterant, invidiam conflabant, eoque processit turbulenta conspiratio, ut in eas itum sit horrendas voces: moriatur Legatus; occidantur fraudulentè Latini. Qui adstabant Antistiti, familiares & serui, tumultum declinare, & mortem fugere tentârunt, rogantes etiam ut ille in angulum aliquem, aut latibulum abiret. Noluit è sede recedere, nec timoris indicium aliquod præferre, sed arrepto è Cruciferi manu legationis & dignitatis vexillo, famulos ad perferendam intrepidè mortem pro fide Catholica, & Sedis Romanæ autoritate excitavit, ipseque nobili magisterio impavidus obiecit se malis omnibus superuenturis. Rex admonitus periculi, in quo versabatur Legatus, misit celeriter fratrem suum Principem Antiochenum, milite stationario stipatum, qui tumultuantes compesceret, Antistitem honorificè haberet, & domum usque associaret. Fecit Princeps,

ceps, Græcos puniuit, & Legatum in omnium conspectu summa profecutus reuerentia in Regiam deduxit. Non propter hæc animum despondit, nec zelum imminuit Petrus: dolebat enim in regno subdito Regi Catholico, & fidem professo Romanam, grauari huiusmodi vulpeculas, quæ demoliebantur vineam. Egit itaque variis artibus, modò dulciter, modò seuerè, modò imperans, modò rogans, aliquando minis territans, aliquando blanditiis alliciens: & tandem fecit, vt primarius Græcorum Episcopus, alij item Antistites, & qui potiores erant in Clero in vnitatem fidei Romanæ publicè conspirarent.

XXVI. Rebus benè constitutis in Cypro soluit in Achaïam, ibique commissam suæ curæ Ecclesiam Coronensem inuisit. Hic etiam Græcos schismaticos, vt errores abiurarent, induxit; qui proterui erant, verbi diuini virtute superauit. Diem nullum infructuosum elabi permittens, modò docendo, modò disputando, sæpissimè concionando, multos ad fidem conuertit, sanctissimæ denique vitæ exemplo mores omnium reformauit. Ea in prouincia erat vir potens &

*Suâ Ecclesiam Coronensem reformat.*

*Arcadia  
Principi  
filiū im-  
petrat.*

*Tempe-  
statem se-  
dat.*

Princeps, Arcadiæ Dominus, qui suscep-  
tis è conthorali filiabus multis, mascu-  
lum nullum procreauit. Rogauit obnixè  
Legatum, vt in domum suam descende-  
ret, & genitoribus benedictionem imper-  
tirit. Descendit, benedixit, annuntiauit  
maris conceptum breui secuturum. Ita  
factum: speciosus ortus est puellus, ado-  
leuitque in virum prudentem. Nauiga-  
turus in Cyprum horribili quatiebatur  
procella, neque præter vota precèsque  
videbatur humani remedij quidquam su-  
peresse. Sex anchoris proiectis & deper-  
ditis, rudentibus ruptis, & retinaculis  
consumptis ad sacram hanc anchoram  
nautæ recurrerunt, rogantes vt misereri  
veller & deprecari Deum, quatenus mo-  
tos componere fluctus dignaretur. Ora-  
uit feruenter, intincta reuerenter in ma-  
re, quam gestabat, cruce, reliquiis san-  
ctorum pretiosa, & statim facta est tran-  
quillitas magna obstupescientibus qui ad-  
erant, & viderant manifestam Dei in suo  
seruo virtutem.

*Sataliam  
Christia-  
nis in-  
struit di-  
sciplinis.*

XXVII. Sataliam fortissimam urbem  
Petrus Cypri Rex hoc tempore expu-  
gnauerat; confestim illuc profectus Le-  
gatus, Ecclesias instituit, Sacerdotes, &  
viros

viros religiosos aliunde auocauit, diuini officij ritus stabiluit, & omnia ad normam Romanæ Ecclesiæ composuit. Præsidariis etiam militibus, & constituto à Rege magistratui indulgentias maximas, priuilegiâque largitus omnes excitauit, vt à Saracenorum tyrannide ereptam urbem ad Dei gloriam, & rei Christianæ nobile augmentum fideliter atque viriliter custodirent.

XXVIII. Cum Rege Cyprum regressus grassante vbique in insula, sed maximè in vrbe Famagustæ, pestilenti cōtagione, quæ vno aut altero die infectos è medio tollebat, solemne instituit in vrbe Nicosiæ sup- *Pestem*  
plicationem, in qua ipsius exemplo om- *profligata*  
nes detecto capite, & nudis pedibus Dei misericordiam, & reatum indulgentiam implorarunt. Habitis etiam doctissimis sermonibus ad populum, omnes excitauit ad pœnitentiam & seueram peccatorum satisfactionem. Deinde contempta morte abiit Famagustam, vbi singulis diebus quadraginta circiter desiderabatur, ordinatâque simili supplicatione, & indicto ieiunio in pane & aqua, frequenti concione voluntarios fecit ultores iniuriæ cœlestis. Tanto zelo exarsit & po-  
C 4 puli

puli pereuntis ita insignem commiserationem piis actibus ostendit, ut non solum Christianos, verum & qui cohabitabant, infideles Iudæos & Saracenos ad similia opéra, & vberrimas lacrymas prouocârit. Deus autem, qui non nouit in ira sua continere misericordias suas, misertus gemituum & lacrymarum, & serui sui precibus acquiescens, gladium indignationis suæ recondit, & ab illo die nullus ex innumera multitudine vlceratorum obiuit, neque amplius alij percussi sunt, sed penitus tam in vrbe hac, quàm in vniuersa insula pestis euanauit.

XXIX. Plenè in remotis dissitisque prouinciis legatione perfunctus annis circiter quatuor, audita morte Innocentij Pontificis, anno trecentesimo sexagesimo tertio supra millesimum venit Auinionem in comitatu Petri Regis, Ierosolymitanam expeditionem apud nouum Pontificem, & inter Principes Christianos promoturi. Paulò ante sub finem anni præcedentis substitutus est Innocentio Grimaldus Grisatus, prouincia Tolosana oriundus, Abbas Massiliensis Ordinis Cluniacensis, dum Nuntij Apostolici munere fungeretur apud Reges Siciliae,

*Mortuo  
Innoc. 6.  
substituitur  
Urbanus  
quintus.*

liæ, & Vicecomites Principes Mediolanenses, Urbanus V. renunciatus. Non prius hic Auinionem reuocatus, & sacra tiara coronatus, quàm decreuerit, validam manum Cruce signatorum & Principum confœderatorum sub Calendas Martias anni sexagesimi quinti illius centuriæ, mittere in subsidium Imperatoris Palæologi, & Christianorum Orientis, vt barbaris resisterent conatibus Turcarum, qui deletum volebant in illis prouinciis nomen Christianorum; & si prosperi suaderent belli euentus, vterius pergerent, Ierosolymis triumphaturi. Destinauerat exercitus Imperatorem Ioannem Galliarum Regem, & Sedis Apostolicæ Legatum Talairandum Cardinalem Episcopum Albanensem, de quo suprà sumus præfati. Sed decedente hoc anno Cardinale suffectus est in legatione <sup>12</sup> B. Petrus, prius translatus ab Ecclesia Coronensi ad Archiepiscopatum Cretensem; deinde anno sequenti assumptus ad Patriarchatum Constantinopolitanum, <sup>13</sup> concessis etiam in magnorum, quos subire oportebat, sumptuum subsidium redditibus Ecclesiæ Coronensis, & Nigripontis. Amplissimas adiunxit lega-

*Exercitū  
parat  
Cruce si-  
gnatorū.*

<sup>12.</sup>  
*B. Petrus  
Archie-  
pisc. Cre-  
tensem, &  
Sedis A-  
post. Le-  
gatū in-  
stituit.*  
Vide Bul-  
lam 22.  
& seqq.

C 5 tioni 13.



tioni Pontifex facultates, illam præsertim providendi ecclesiis Cathedralibus illarum partium, quæ tyrannidi subtraherentur infidelium, & præficiendi eisdem, ac reliquis sacerdotiis Episcopos, & pastores.

XXX. Porro Ioannes Rex anno sequenti <sup>b</sup> 5. Idus Aprilis obiit in Anglia, quo abiit visum liberatumque filios duos, & totidem Regij sanguinis Principes, quos, ab Eduuardo Anglorum Rege in bello captus, obsides dedit, donec promissam pro sua liberatione numeraret pecuniam. Valde doluit Urbanus Pontifex ad tanti Principis strenuique Ducis interitum; temperavit ramen dolorem probata sæpè virtus militaris Petri Regis Cyprij, cui numerosæ classis, selectique militis imperium commisit. Monuit etiam concessæ Petro legationis, & causam in literis expressit: *Considerantes, inquit, in eo zelum fidei, scientia donum, & circumspeditionis industriam, aliâque multiplicia virtutum merita, in ultramarinis partibus laudabiliter comprobata, in huiusmodi negotiis experientiam, & quia eum novimus tue sublimitati acceptum, &c.* Et ille quidem spei de se conceptæ egregiè respondit, statim se ac

Petrus  
Rex Cypri  
exer-  
citus Im-  
perator.



se accingens itineri, & diligenter operi incumbens. Pacificandi erant multi Principes, & reconciliandæ pleræque prouinciæ, præsertim in Italia, vt contra communem conspirarent inimicum, & brachio vno diuinæ vlciscendæ iniuriæ gladium vibrarent, quem cæco furore in sua viscera contorquebant. Per omnes ille discurrit, multos ad pacis fœdera reduxit, aliis persuasit inducias: & à quibus pacem non poterat, belli sacri extorquebat subsidium. Non placebat omnibus tantæ pacis studium; quibus inter bellorum strepitus maius emergebat luctum, acrioris odij stimulos infigentes, Christianæ concordiæ & auctori vehementer aduersabantur. Bononiæ, <sup>14</sup> Florentiæ, Venetiis, non paucas, neque paruas perpeffus iniurias, quia pacem annunciabat, & suadebat meliora, grauiores tulit in Pannonia à militiæ præfectis, dum efficaci sermone belli explicaret nocumenta, & causæ exquireret æquitatem.

XXXI. Progredienti ad munitissimam arcem vt Præsidem à belli studio retraheret, incurrerunt feroces Hungari decem incitatis equis; & districtis falcatis ensi

*B. Petrus  
multos  
Principes  
& Prouincias  
pacificat.*

*14.  
Non tamen  
sine molestiis.*

*Et vite  
discrimine.*

ensibus, ipsi, & quem in comitatu habebat, Cyprio Cancellario, necem illaturi. At ille intrepidus occurrit, & in Deo spem omnem reponens, graui vultu & maiestate plenus ait : *Quid vultis? aut quem queritis?* Sola hac voce, quasi ingenti tonitru, perculsi contremuerunt, neque verbum locuti retrocesserunt. Sæpè etiam per medias acies in ipso conflictu discurrebat, pacem exclamans, & per Dei misericordiam obtestans, vt mitigato furore, sibi suisque parcerent, & iustitiæ libramine, non effuso sanguine, controuersias dirimerent. Ex vtroque latere cadebant sauciati milites, & præ oculis iacebant exanimata corpora, quæ aliquando calcare oportebat, sibilabantque vtrunque emissæ sagittæ, & stridebant per aërem hastilia, neque tamen virum optimum à pio opere & virtutis amore poterant dimouere.

*Genuen-  
ses pacifi-  
cat.*

XXXII. Labore multo variisque ærumnis, in belli societatem conuocatis, quos pacificauerat, Principibus, paratisque rebus necessariis ad transfretandum, dum Venetiis, (vbi simul cum Rege magnificentissimè exceptus est) soluere tentaret: ecce infaustum nuntium omnia turbare,

bari, & Regem oportere prius suo regno prospicere, quàm inuadat aliena. Orta seditione inter Cyprios & Genuenses mercatores, quorum plurimi ea in insula commorabantur, hi passi sunt à Cypriis, quippe domi suæ potentibus, iniurias graues & damna. Itaque per suum Ducem Gabrielem Adurnium iubentur totâ insulâ excedere, Regique eo titulo indicitur bellum, iniuriæ vindicandæ. Reuocatur ab ipso portu Legatus, & ad Genuenses amandatur, obstaculum hoc paratæ expeditionis amoturus. Commotis animis & ad vindictam concitatis ingrattissimum erat, quidquam de condonanda offensa proponi, nec caduceatorẽ ullum in senatum admittebant. At Petrus tanta mole parati, & suspensi exercitus compressus, obsecrabat, vrgebat, compellabat. Camino tamen oleum infundebat aduersante vehementer populo, cuius furor eò vsque processit, vt Legatum pacem in foro annuntiantem nimbi obruerint saxorum, nisi confestim in vicini cœnobij se subduxisset sacellum. Magnis deinde itineribus contendendum fuit Auinionem, confestim Genuam redeundum, hinc Venetias ad Regem abeundum,

dum, iterum Genuam regrediendum, vbi tandem feliciter negotium absoluit.

*In exercitu egre-  
giè suo  
muneri  
respōdet.*


XXXIII. Complanatis tot montibus difficultatum, tandem velitandum fuit, & res ipsa aggredienda. Qua verò prudentia leges exercitui Petrus ferebat, qua vigilantia sinistros casus præueniebat, quo feruore bellaturis prædicabat, qua charitate ægros inuisebat, confessiones excipiebat, egenis succurrebat, dissidentes conciliabat, & nationum omnium, quas copiosus amplectebatur exercitus, æquo iure milites fouebat, non facilè posset referri. Omnes vicissim æquè in singulos beneficium, vti patrem amabant, & grauius bona quæque suadentem, veluti Angelum è cœlo delapsum, venerabantur. Felicem se putabat, qui vel manum osculari, vel benedictionem posset accipere. Libenter omnes concionantem audiebant, consulentem auscultabant, & præcipienti obtemperabant. Ille orationibus, & publicis supplicationibus Dei auxilium implorabat, & frequenti sermone fidei Christianæ dignitatem, ac salutiferæ Crucis, qua insigniebantur, virtutem tanta commendabat efficacia, vt ad fletum & planctum excitaret, summum-  
que

que imprimeret desiderium fidei causâ mortis obeundæ. Mirabantur vniuersi quomodo tam ingenti curæ solus sufficeret, aut quomodo tanto adeoque multiplici labori par esset vnus, qui neque noctu requiescere, neque diu ab opere cessare, neque indigenti corpori quidquam videbatur indulgere.

XXXIV. Tandem vbi ad pugnam veniendum erat, collecta vniuersa classe in insula Rhodi, Christianos omnes sacra pœnitentia expiari, & cœlesti pabulo curauit præmuniri. Deinde simul soluentes prospero cursu in Ægyptum descendunt, & opulentam magnâque Alexandriæ urbem terra marique, copiis opportunè dispositis, obsederunt. Fortiter vtrimque dimicatum est; ciues libertatem rem omnium pretiosissimam, propugnabant: hostes grauem Satanæ seruitutem ab inuitis propellebant. Hi pro Christo; illi pro malo genio decertabant: hinc charitas; illinc cæcus error vrgebat. Excelsa in puppi prominebant armati Rex & Legatus, ille imperio dirigens, hic voce confortans. Ille Imperatoriis notis insignis, hic Cruce nobilior: *Eia*, clamabant, *milites electi, Dei vindices, Christiano-*

rum

*Obsessa  
Alexan-  
dria Pe-  
trus stre-  
nuâ ope-  
ram na-  
uat.*



rum decor, Turcarum terror; induistis armaturam fidei, & lorica iustitia, accingimini, & estote viri potentes. Castra Dei sunt ista, ille pro vobis, & in vobis pugnat, ipse dabit virtutem & fortitudinem plebi suae, in conspectu vestro cadent haec familiae gentium, & corruent muri Alexandrini. Ex alto prospicit pugnam, victuris praeium, casuris gloriam largiturus. His aliisque flabellis conce-

*Urbs capitur.*

ptum ignem incendebant, & animos erigebant, donec plenè victoriam consecuti sub meridiem 4. Nonas Octobris, sancti Francisci natalitiis sacro, urbem nobilissimam in suam potestatem redegerunt.

XXXV. Magnum profectò, & memorabile opus, nostraeque religionis in immensum amplificandae fundamentum ingens, si quantum ad capiendam, tantum ad seruandam urbem animi fuisset.

*Sed derelinquitur.*

At insignis victoriae gloria citò deperiit, conuerso in fugam triumpho; quippe Transalpini, ex quibus maior numerus confluit, meliores frequenter ad principia rerum, quàm ad exitus, exusta vrbe, collectis ingentibus spoliis abire decreuerunt. Dolebat vehementer Legatum & Regem, praclarum facinus fidei originariis locis restituendae, felicibus auspiciis



ciis gloriosum, turpiter deferi, cupiebant-  
 que urbem numeroſo præſidio munire,  
 unde aſcenſus poterat parari ad occu-  
 pandas Syriæ vrbes, & ſacra loca Paleſti-  
 næ. Sed vtrumque pij voti impotem, *Rege &*  
 auari voti compotes fecerunt, opimam *Legato*  
 prædam volentes ſuis domibus inferre; *contradi-*  
 & cauſantes ſe Saracenorum multitudi- *cente.*  
 ni, in Alexandrinorum ſubſidium con-  
 uolanti pares non futuros. Legatus con-  
 trā rogare, obteſtari, per Deum precari,  
 ne in ipſo triumpho canerent receptui,  
 ſed partam victoriam proſequerentur, &  
 fugientes inſequerentur inimicos; quo-  
 rum fuga, inquit, noſtra gloria eſt, quorum  
 metus noſtra fortitudo, fractæque vires no-  
 ſtram augent potentiam. Superuenturos alios  
 ipſum triumphale nomen terrebit, & parta  
 victoria alias pariet maiores. Semel victis  
 ſemper acceptæ cladis inheret memoria, &  
 armorum, quibus contriti ſunt, ingerit formi-  
 dinem. Gloria noſtræ fama æmulos aduehet  
 triumpho; & aduerſum hoſtium incrementum  
 copie ſuperabunt auxiliares. Aderit demum,  
 quando omnia deſint, Dominus quaſi vir pu-  
 gnator, omnipotens nomen eius, ſuam cauſam  
 acturus, ſuis militibus auxiliaturus. Ipſe de-  
 dit urbem hanc magnam in manus veſtras,

D

ipſe

, ipse incolas profligauit, non manus nostra, sed  
 , Dominus fecit hac omnia : nomen & quam  
 , ultrò tradidit, conseruabit? Custodia vestra  
 , commisit, non prada: diuturnas vult possesso-  
 , res, non rapidos sarcinatores. Cauete itaque  
 , ne derelicta ciuitate irascatur Dominus, &  
 , fugientes pereatis de via iusta. Ecce pradio  
 , vobis, exardescet in breui iracundia, & spreti  
 , pœnitebit consilij.

*Fuga au-  
 thores  
 Deus pu-  
 nit.*

XXXVI. Surdis tamen canebat, neque  
 suis precibus, neque cœlestibus minis im-  
 petrare potuit, vt tuendæ, quam possede-  
 rant vrbi, remanerent. Integra proinde  
 classe Rex Cyprum redire decreuit, ibi-  
 que noua bella moliri. Vt soluit, Dei in-  
 dignationem protinus æquor indicauit,  
 horribili tempestate collisis primum na-  
 uibus, deinde dispersis, postremò aliquot  
 demersis. Derelictæ Alexandriæ autho-  
 res magnis vocibus diuinam inclamabant  
 clementiam, sed grauiores adhuc super-  
 esse pœnas, & spoliolum, quæ obcæca-  
 runt, iacturam prænuntiabat Legatus.  
 Magna pars miserè periit, reliqua longo  
 tormento periclitantis vitæ contabuit.  
 Res mira: ipse sedato animo, & tranquil-  
 lo corpore inter sæuæ procellæ tumentes  
 fluctus agebat, & prolixâ scripsit epistolâ  
 rei



rei seriem, Pontifici Urbano mittendam. Tandem peruentum est Nicosiam, vbi Regem monuit, totius populi ordinato incessu Deo gratias ageret partæ victoriæ. Ipse interim doctissima concione Dei virtutem, Regis prudentiam, zelo Christianæ fidei coniunctam, belli sacri necessitatem & commodum explicauit.

XXXVII. Voluerunt aliqui turpis lucrari cupidi mercatores hoc ipso tempore gratiam inire Sultani Ægyptij, fœdus stabilire, & pristinum cum Alexandrinis instaurare mercimonium. Nulla interposita mora anathema dixit in omnes, qui merces Ægypto inueherent aut cum Sultani subditis quidquam paciscerentur. Fuit tamen mercator Venetus, qui post habitis censuris, triremem opulentis mercibus onustam Alexandriam conduxit, vt verò in conspectum vrbs venerat, orta horribilis procella in Cyprum vsque disiecit, vbi naufragium fecit, merces perdidit, & vix ipse scapha minaces fluctus euasit. Testis est Cypri Cancellarius, <sup>15</sup> Petro familiaris, toto illo tempore, quo bellum durauit, lati anathematis virtutem perseverasse, omnesque contemptores, vel saui maris fluctibus periis-

*Vniuersim prohibet cum hostibus commercium.*

15.

D 2 sc,

se, vel in vlrices Saracenorum manus incidisse; & multis signis Deum manifestasse quantum displicuerit bellum inchoatum feliciter, vel militum ignauia, vel Ducum auaritia, aliarumve nationum inuidia, in magnam Christiani nominis contumeliam, nec minorem fidei iacturam, turpiter euauuisse.

*Parat se  
itineri  
Auinionensi.*

XXXVIII. Rogauit Rex vt Auinionem abiret, Pontifici relaturus, quæ acciderunt, animumque adderet exercitus reficiendi. Nullum ille pertæsus laborem, quo bellum sacrum vrgere; vel rem Christianam posset augere, iter longissimum, & periculis obnoxium, non abhorruit, sed protinus Famagustam abiit, inde nauigaturus. Etsi magno animo rem magnam obiret, mœsto tamen retinebat Alexandrinam iacturam, & gloriosæ victoriæ fructum inanem, neque ab illo tempore signum aliquod lætitiæ potuit præferre. Dolens & contabescens se accingebat itineri, opportunumque tempus expectabat transfretandi, quando graui<sup>16</sup> correptum infirmitate oportuit subidere. Solemni Natiuitatis Dominicæ nocte è domo Carmelitarum, in qua commorabatur, ad ædem Cathedralem pedes

16.  
*Ægro-  
iat.*

des perrexit, nulla arcens cura cœli inclementiam, tenuique veste vniuerso interfuit officio, & solemni apparatu Pontificio trium Missarum peregit mysteria. Præcesserat seuerum aliquot dierum ieiunium, & integra noctis vigilia, quibus extenuatum corpus cœpit algere. Non obinde prætermisit reliquarum festiuitatum functiones, neque vlla in re languenti indulgebat corpori, quin in sacris officiis primus præiret exemplo. Postridie Natalis Domini nudis pedibus cœnosa processit platea ad celebrem Ecclesiam S. Mariæ de Cana sacrum facturum Pontificium. Monentibus aulicis ne ita incederet; potiorémque sui curam haberet, respondebat: Mirum esse quantum à robusto priscorum Patrum spiritu nati deciderint, & solerti fugiant studio, quæ illi longo docuerunt exemplo. In memoriam reuocandos esse neruosos Eremitas, & masculos Ecclesiæ primitiæ pastores, qui animæ non curi curandæ, gregi non corpori pascendo diligentiam adhibebant. Illi in melotis, in pellibus caprinis, nudi, afflicti, angustiiati, egentes, in solitudinibus errantes continuò incedebant: & magnum aliquod facinus nos

- „ aggressos putamus, si delitiis vitiati corporis extimam, aut infimam partem aliquam denudamus.

XXXIX. Spiritu prompto carnem infirmam ita roborare satagebat, sed aliò vocanti obsequendum erat, & graues corporis deponendæ exuuiæ, vt liber spiritus ad suum remearer authorem. Per aliquot dies sacris operabatur, piis diuerticulis fallens languorem: at tandem succumbendum erat, & cogitationes inuertendæ. Non ampliùs bello studendum, sed paci; non hostes debellare, sed amicum oportebat conciliare, in cuius erat potestate infrà paucos dies vel pœnæ addicere, vel gloriæ deputare. Socium, quem assumpsit itineris, regni Cancellarium, Regi remisit, vt postremum vale diceret, & quæ suæ commisit fidei in alium transferret. Sciens insuper, quia venit hora eius vt ex hoc mûdo transiret, rogauit vt quamprimùm rediret, vt in morte haberet auxiliatorem, quem in vita fidum probauit amicum. Ipso, quo decubuit die cœlesti didicit oraculo tempus suæ vitæ præfixum, & horam, qua erat decessurus, multisque prædixit, præsertim Petro Maruellio, Regis Cubicula-

*Mortis  
horâ calis-  
tus præ-  
sciuit.*

rio se diem Martis proximæ hebdomadæ non præteriturum. Non turbato animo, neque infirma spe tempus resolutionis expectabat, non exire de corpore trepidabat, sed lætatus in his, quæ audierat, in domum Domini festinabat, de gloria retributionis hilarescens.

X L. Die Dominica generali confessione expiata conscientia, & sacra accepta synaxi è manu Confessarij Fr. Andreæ de Solinis, sui instituti professoris, vniuersam familiam, eodem sacro pabulo se præsentem refectam, piis mōitis instruxit, deiectosque animos blandè consolatus erexit. Indutus deinde vili sacco, & fune ad collum alligato: *Peccatoris, inquit, & indigni homuncionis insignia sunt ista. In cinere & cilicio debui pænitere, sed neglexi; quod superest temporis, breue nimis est, tot erroribus plectendis. Si appenderentur peccata mea, quibus iram merui, grauiora apparerent omni supplicio, neque corporis cruciatus, neque laqueus hic, neque vllum seuæ mortis genus par esset iustæ vindictæ. Suspendium elegit anima mea, sed non licet inferre: morte vellem diluere, quod in vita commisi; sed graue hoc vitæ pondus cogor sufferre, ne peccata corripiciens maius accrescat. Instrumenta profe-*

*Qualiter  
se ad mor-  
tem præ-  
parauit.*

„ ram: & meruisse fatebar: quis scit si Deus con-  
 „ uertatur & ignoscat? Magna mea est iniqui-  
 „ tas, sed Dei maior misericordia: cor contritum  
 „ & humiliatum nunquam despexit; neque in  
 „ finem misericordiam suam abscindit. Non in-  
 „ grato hoc utar compendio, ut quod mea infir-  
 „ ma non potest sceleris vindicta, à pietate spe-  
 „ rem diuina, quæ peccata dolentem celeri præ-  
 „ uenire solet indulgentia.

XLI. In nudam deinde humum è lecto  
 translatus multis lacrymis & crebris su-  
 spiriis diuinam implorauit clementiam,  
 ut delictis vellet ignoscere, & à vitiorum  
 fordibus expurgare animam, è misero  
 corporis ergastulo breui trāsituram. Mox  
 „ ad suos conuersus: Vos, inquit, qui mecum  
 „ permansistis in tentatione, in tribulatione, in  
 „ periculis, etiam ignoscite, quod in vos pecca-  
 „ tum est, vel seuerio imperio, vel nimia indul-  
 „ gentia. In quos ego vos labores inuexi, qui-  
 „ bus vallauì angustis, in quæ pericula conieci,  
 „ dolens contemplor, eoque vehementius hac  
 „ animum pungunt, quo certius video spem  
 „ nullam superesse mercedis. Contuli quæ potui;  
 „ leuia tamen, & vestris meritis imparia; ab eo,  
 „ qui misit nos, maiora cogitaueram impetrare,  
 „ quæ fido obsequio & nobili corresponderent  
 „ seruituti. Cogitatum mors inopina succidit, &  
 „ grauem

*grauem vestra iactura dolorem ingessit. Quod* „  
*ultimam est Deo bonorum omnium largitori,* „  
*& iusto retributori hac omnia committo. Col-* „  
 lachrymantibus omnibus, qui pio inter-  
 erant spectaculo, rogauit Confessarium,  
 vt Corpus Dominicum coram in ara ex-  
 positum afferret, & sacra pyxide manibus  
 assumpta genibus flexis iterum veniam  
 delictorum deprecatus Symbolum reci-  
 tauit Apostolicum, adiecta fidei integræ  
 protestatione, & reuocatis, si quos ali-  
 quando ignoranter protulit errores.

XLII. In lectulum relato voluerunt  
 Confessarius, & nobilis quidam amicus  
 funem collo appensum auferre; sed re-  
 stitit, dicens: *Permittite, vt hoc mea nequi-* „  
*tie præferam indicium donec dignum hoc mor-* „  
*tis genus Deo placuerit honestiori commutare.* „  
*Hac utar confessionis tessera, donec ille sua* „  
*utatur misericordia.* Oculis deinde & men- „  
 te in cœlum erectis longa & læta arcano-  
 rum cœlestium contemplatione circum-  
 stantium animos suspendit: & mox in  
 oppositum angulum vultu conuerso,  
 vidit teterrimum dæmonem callidè in-  
 fidiantem. Allata cruce, & aqua lustrali  
 magno imperio, tanquam potestatem  
 habens, præcepit, vt domo excederet

vniverſa. Miſcentibus ſermonem viris primariis de condendo mauſolæo, & ſolemnibus præparandis exequiis, rogauit ne quidpiam horum efficerent, ſed abſque pompa & funere in chori introitu abſque ſepulcrali lapide, pedibus tranſeuntium conterendum in ipſo reponerent pauimento.

XLIII. Die Lunæ exardeſcente febre plurimi accedebant vrbis Senatores & viri primarij, quotquot etiam aderant claſſis, quam duxerat, Præfecti, ſanctum virum viſuri, & manus oſculaturi. Multi ingemiſcebant ad optimi Patris iacturam; alij lugebant pauperum tutelarem, pupillorum & viduarum patronum, afflictorum conſolatorem in hoc vno perire: alij demùm lamentabantur illo abeunte nullam relinqui ſpem Terræ-ſanctę recuperandæ. Horum lacrymis commotus dixit ſibi tutiorem eſſe è corpore deceſſum, ſequę ſummis votis contendere è valle hac lacrymarum in Dei conſpectum transferri; ſi tamen Chriſtiano populo eſſet neceſſarius, non velle laborẽ ſubterfugere: *sicut fuerit, inquit, voluntas in cælo ſic fiat.* Ter aggreſſus eſt diuini recitationem officij, nec potuit præ nimio languore,



guore, & aduentantium importunitate  
comple, rogauit proinde Confessarium  
vt clauso ostio, quæ supererant, ipso au-  
diēte recitaret, *nec unum, inquit, hunc diem „*  
*absque sacro penso elabi permittam: namque „*  
*per Dei gratiam, ex quo tempore religiosum „*  
*subini institutum, nulla causa, siue infirmita- „*  
*tis, siue laboris, siue occupationis in mari, vel in „*  
*terra canonicas horas pratermissi. „*

XLIV. Sub noctē, imminutis viribus, mi-  
sit, qui rogaret Episcopum Laudunensem,  
Famagustani Antistitis Suffraganeum, vt  
Clero associante Sacræ Vnctionis extre-  
mum ministraret Sacramentum. Accensis  
duabus candelis benedictis, quarum vir-  
tutem contra hostis probabat insidias, hu-  
mi stratus, sacco coopertus in aduentu E-  
piscopi Pontificalibus induti, & totius  
Cleri Ecclesiæ Metropolitanę elata cœpit  
voce recitare Psalmos Pœnitentiales ipso  
præunte, reliquis alterno choro prose-  
quentibus. Inchoato quarto Psalmo, vi-  
ralis elanguit facultas, orauit proinde E-  
piscopum, vt languidè dicentē adiuua-  
ret, cuius ope & Psalmos & Litanias mira  
denotione, & summo pietatis affectu fre-  
quenti gemitu, & copiosis lacrymis absol-  
uit. Sacro vnctus oleo humiliter ab Epif-  
copo,

copo, Clero, & circumstantibus veniam  
petiit, vel criminis commissi, vel muneris  
,, omissi : frequenter, ait, *in trina mihi in-*  
,, *iuncta harum partium legatione ad vos di-*  
,, *gressus, diu apud vos hæsî, multa oportuit in-*  
,, *nuere, multa item præcipere : aliqua fortassis*  
,, *neglexi, alia seuerius, quàm par erat, indixi.*  
,, *Vni ergo ignoscatis inscitia, non voluntati, er-*  
,, *ga vos semper rectissima. Plurimi erunt in*  
,, *insula, qui de me iustè querantur, vniuersorum*  
,, *per vos, ubi occurrerint, deprecor indulgen-*  
,, *tiam. Lachrymantes & ingenua procum-*  
bentes omnes ab eo benedici supplica-  
runt, & impetrarunt. Abeuntibus reli-  
quis Episcopus rogauit, vt in lectum refer-  
,, ri iuberet : cui alta voce respondit : *Mei*  
,, *similes decet humi iacere, & in cinere & in ci-*  
,, *licio vitam finire. Equior etiam est hac area*  
,, *certamini : qui iacet in terra, & nudus cum ho-*  
,, *ste luctatur, non habet vnde cadat, neque ad*  
,, *terram facile deijcitur, quia non est vnde te-*  
neatur. Multorum tamen importunis pre-  
cibus victus, se in lecto reponi permisit,  
vbi Christi passionem Euangelistæ Mat-  
thæi verbis conceptam sibi voluit enar-  
rari.

**XLV.** Die Martis, in quem incidit Epi-  
phanix solemnitas, vrbis Primates denuò  
accesse

acceſſerūt viſuri, & benediſtionem acce-  
pturi. Sero factō interrogauit, an redierit  
regni Cancellarius? quem ad Regem di-  
ximus amandatum; & reſpondentibus  
famulis non veniſſe, ait: *duabus adhuc ho-  
ris amicum expectabo, alia nulla mora cauſa  
eſt, quin liber euadam.* Et verſus ad quen-  
dam amicum propè mœrentem, atque  
humaniter conſolatus, dixit: *Noli flere: „  
non eſt, cur mihi compatiaris, quia per Dei „  
gratiam licet multi ſint vocati, & pauci electi, „  
in horum numerum cooptatus ſum Dei benefi- „  
cium eſt ingens vocari, & maius, è multis af- „  
ſumi. Vocor, & ad electorum trahor conſortium, „  
ut quid non letus abeam, & amici potius con- „  
gratulentur, quàm plangent? Deo placuit hac „  
mihi aperire arcana, & tranſmigrationis lo- „  
cum præmonſtrare: non eſt cur amplius hoſtis „  
verear inſidias, non habet quod in me repetat, „  
aut obijciat abeunti.* Ad parietem inclinato  
parumper capite, ait: *Permittite pauliſper „  
ut requieſcam, neque turbetis donec Cancell- „  
arius aduenerit, neque enim alium expecto.* „

XLVI. Sub ſolis occaſum iam tandem,  
acceſſit, quem ſperabat, cuiuſque aduen-  
tu mirum in modum exhilaratus, vires,  
quas plenè perdiderat, reaſſumpſit, & di-  
miſſis è cubiculo reliquis cum eo per in-  
tegram

*Sanctè  
moritur.*

17.

*pulchrior  
apparet  
post mor-  
tem.*

tegram horam sermonem protraxit; vidēs autem ingemiscientem & mœrentem propter suum discessum, ei suauiter, & paternè valedixit: neque ampliùs cui-piam locutus est, sed in chari amici com-plexu sermonem terminauit, Paulò pòst nullo exhibito agonis, aut mortis indicio, præscentibus & collacrymantibus v-triusque sexus personis primariis placidè obdormiuit in Domino, Anno millesimo trecentesimo sexagesimo sexto, <sup>17</sup> octa-uo Idus Ianuarias, hora noctis secunda.

XLVII. Ex iis, qui astabant, nullus iudicauit vita defunctum, imò attentius prospicientes in vultum eius, nullam ausi sunt inferre molestiam, dolore, vt puta-bant, fatiscenti; aut remissa febre quies-centi. Cœpit corpus ieiuniis extenuatum, & laboribus attritum pulchrius apparere; & quod sola cute & ossibus cohærere videbatur, eminentiùs augeri; antea deni-gratum, nunc albescere; odorémque e-mittere suauissimum, quod priùs malè ha-bitum, & viliter indutum minùs gratam auram effundebat. Sux religionis habi-tu, quod ipse præceperat, indutum obdu-cta alba chlamyde externa, ex Pontificiis indumentis adhibitis solis chirothecis & sanda

sandaliis, & ad pedes apposita mitra, delatum est in Ecclesiam illius Monasterij, in quo iacebat, magno fletu comitantibus sui instituti consodalibus, viris aliquot primariis, & matronis, quæ animam agentis adstiterunt, & reliquam noctem, funus associantes, duxerunt insomnem. Circa quartam vigiliam visa est lux magna de cœlo super corpus descendisse, qua excitæ mulieres propius accesserunt, videruntque pulcherrima specie faciẽ sudore madentem, & seriò indagantes compere- runt totum corpus vndique flexibile, ignoti generis humore adeò copiosè circumfusum, tanquam si è pretioso balneo recens profiliret. Linteis multis corpus abstergentes liquorem exceperunt, quæ malis multis medendis, & morbis pellen- dis mirabiliter profuerunt.

*Descēdit  
super cor-  
pus lux  
calestis.*

*Pretiosũ  
emittit  
liquorem.*

XLVIII. Manè factò pulsatis campa- nis confluit in templum vniuersa ferè ciuitas, magnòque studio inter importu- nas populi compressiones accedebant omnes ad feretrum faciem visuri, & ubi licebat, manus, vel pedes osculaturi, aut corpus quoquomodo contacturi. Qui accedere non poterant, magnis clamori- bus, repetitisque vocibus petebant à cir- cum

*Confluunt  
omnes cor-  
pus vene-  
raturi.*

cūstantibus custodibus fasciola, sudariola, rosaria, aut alia quæque sua pignora corpori admoueri, vt virtutē, quam viro sancto credebant inesse, his modis haurirent. Non solūm Orthodoxi, verūm & schismatici, atque Hæbræi, & nobiles aliquot Cyprij, qui ab eo vel puniti, vel correpti, prius sanguinem sitiebant, detecto capite reuerenter appropinquantes venerationem impendebant; & fœlices se reputabant, qui vestis particulam possent abs-

*Celebrā-  
tur ex-  
equiæ.*

cindere. Raymundus Archiepiscopus Nicosiensis, assistentibus aliis Prælati, solemnes celebrauit exequias, & orationem habuit funebrem Fr. Ioannes Lamerson Sacr. Theol. celebris Doctor Ordinis Minorum. Quoties coram iacentis in feretro incidebat mentio, aut nomen proferebat, toties *Sanctū* vocabat. Interrogatus deinde ab Archiepiscopo cur ita fecisset? respondit: nihil tale à se chartæ inscriptum in orationis contextura, sed inter dicendum secreto suggestum & potenter immis-  
sum, atque hinc, & ex plurima virtute se certò credere Sanctis associatum.

*Sex die-  
bus in-  
sepul-  
tus  
multis  
claret mi-  
raculis,*

XLIX. Sex diebus patuit vndiq; concurrētium fidelium venerationi, suauissimum spirans odorem, nulla rigens parte, totis artibus

artubus flexibilis. A primo depositionis die multis cœpit clarere miraculis , ad quorum famam tam ex ciuitate , quàm ex rure suburbano conuolabant plurimi malorum remedium relaturi. Præ reliquis Fr. Ioannes Fauentinus Minorita, <sup>18.</sup>

18.

Præfectus , siue Guardianus Paphensis, qui sancti viri gesta vitamque descripsit, angina , aut faucium inflammatione ferme præfocatus accurrit, appositâque sancti viri dextra parti languenti , repente conualuit. Fr. Stephanus, Terræ-Sanctæ Prouincialis, Ordinis Carmelitarum , eodie , quo vir Sanctus sepulcro conditus est, terram ipsam attingens , & pugillum applicans apostemati, quo diu vexabatur, statim vlcus exaruit. Febres innumeras, aliósque morbos miris modis coërcuit, plagasque sanauit : & opportunum semper eius auxilium Cyprij senserunt , maximè in depellenda epidimia, à qua vt liberentur, hunc sibi optimum delegerunt tutelarem.

F I N I S.


E

NOTÆ



# NOTÆ IN VITAM B. PETRI THOMÆ.

*De cognomine.*

1.  Homæ.] *An proprium hoc cognomen, vel Thomæ filius indicatur? Ioannes Molanus, Petrus Galesinius, & Philippus Ferrarius, Thomæsum cognominant: an à Patris nomine componant, dubium est, secundum probabilius.*

*An fuerit martyr.*

2. Confessoris.] *Multi martyrem scribunt, Stephanus Lusignanus, Syluester Marulus, Didacus Cauriensis ex Ioanne Paleondoro Batano, Petrus Thomas Saracenus, nuperum Breuiarium Carmelitanum, & alij. At his omnibus opponimus vitam à laboris, & itineris socio, & mortis teste oculato, Philippo Mazzerio, Cancellario Regni Cypri, conscriptam, in qua nullam habet mentionem vulnorum, aut Martyrij. Exemplar quoddam Gallicum huius vite aliquis corrumpit, ponens ad*  
margi



*marginem, in Bello Alexandrino fuisse infidelium telis plurimis confossum, & postea Famagustæ vulneribus adhuc recentibus, obiisse. Cauriensis. & Breuiarium citatum referunt, vulneribus multis inflictis, telis confossum Alexandria decessisse, & corpus Famagustam delatum. At utraque vita, à Mazzerio, & Fauentino contexta, refert ineunie Octobri Alexandriam expugnatam, & Petrum 8. Idus Ianuarij Famagustæ naturali ægritudine decessisse. Adde ita semper sensisse uniuersum Carmelitarum institutum, quippe in libris vetustis ritualibus, eius festum exponebatur sub nomine Confessoris. Missale impressum anno 1509. alterum anno 1544. tertium anno 1551. Kalendarium editum ex praecepto generalis Capituli ad sanctum Martinum in montibus in Vrbe celebrati an. 1564. ita habet. S. Petri Thomæ Episcopi & Confessoris. Error irrepsit in Breuiarium nouum ex historia Cauriensis, vel Saraceni, quam religiosus ille Pater, qui ad usum suæ Congregationis lectiones composuit, officiis componendis adhibuit. Alios etiam errores, ex eadem historia desumpsit in his ipsis lectionibus, quos in sequentibus adnotabo.*

3. Vicus salinarum.] *Lectiones officij Carmelitani, & Saracenus Condomi natum, Bea-*

tum Petrum referunt, sed error est: neque enim ibi ortus, sed religioso instituto initiatus est.

4. In Aginnensem profectus Urbem. ]

Saracenus scribit Atrebatum in Belgium amandatum ut studeret: errat tamen, neque enim extra Galliam in sua adolescentia profectum, meliores vitæ scriptores commemorant.

Aginum corruptè dixit Atrebatum.

5. Condomum profectus. ] Consequenter ad superiores errores liberè euagatur Saracenus, & ait, in patriam suam Condomum à parentibus euocatum, eisque senio defunctis, ad Carmelitas abiisse.

6. Rei necessariæ penuria. ] Breviarium & Saracenus non releuanda personali, sed cœnobiticæ indigentia patratum hoc miraculum, contra aliorum fidem enarrant, & mercatorem, qui aureos nummos obtulit, Saracenus singularis testis, Angelum fuisse subiungit.

7. Perpetuò duraturum. ] Variant authores in narranda hac sponsione; quidam vigilant, alij dormienti factam scribunt; quidam

De stabilitate  
Ordinis Carmeli,

multa demunt, alij plura subtexunt. Primus author Ioannes Heldensheimensis Beati Petri socius, scripsisse fertur, ita post multas preces se ab ipso accepisse: [ In tristitia mentis & feruentibus desideriis obdormiui, desiderans à Beata Virgine religionis meæ patrocini

trocinium, & conseruationem : ipsa mihi respondit : Petre non timeas , quia durabit in finem Carmeli Religio , nam & pro ea supplicauit etiam filio meo primus Ordinis institutor Elias in Transfiguratione, & impetrauit. ] *Facile hîc habebit lector, & si fidem omnino non deneget, proculdubio suscipiet. Præterquam enim quod non adeò approbetur, Eliam instituisse ordinem Carmelitanum, idque boni reijciant Authores, quod tamen alij constanter astruunt, mirandum, & inauditum illud videbitur, quod de intercedente Propheta, pro Carmelitarum sodalitiis, inter ipsa Transfigurationis arcana refertur. Lucas Euangelista recenset sermones, quos miscebant: dicebant, inquit, excessum, quem comple-* Lucæ cap. 9.  
*turus erat in Ierusalem. De Incarnationis mysterio, & mortis Ierosolymis obeunda dispensatione loquebantur, idque breuissimo temporis intervallo. In eo Triumuiratus confessu, & Christi excessus festina ratiocinatione, quis adeò facile credet commendatitios hos misceri sermones? aut Eliam arrepta auidè illa occasione, importunè hac supplicasse, quasi aliud negotiandi sibi non suppeteret tēpus, neq; in felicissimo, quo versatur statu, potuisset Deum, aut Christum pro simili interpellare beneficio? Ut omnibus obuia huic difficultati occurreret Cau-*

riensis, egregiè commentus est, hac corroborari  
 Origenis manifesto testimonio in librum Nume-  
 rorum; scribit, inquit, Moysen pro suo po-  
 pulo Israëlitico; etsi rebeli & perfido,  
 Christum in Transfiguratione rogasse: vt  
 quid non potiori iure Elias pro Religione  
 Carmelitarum, cuius erat institutor, ora-  
 ret? & subdit: Hæc Origenes. Miror sa-  
 nè, quàm facile hæc spargantur in vulgus, &  
 non tam pro veritate, quàm pro affectu scriban-  
 tur: Neque apud Origenem, neque apud pris-  
 cos illos Patres, quidquam habetur de sacro hoc  
 instituto Carmelitano. Recentior est apud au-  
 thores sub hoc nomine, sodalitij notitia, quid-  
 quid sit de origine, seu de prima fundatione,  
 de qua nihil desinio.

Quod verò ad rem ipsam attinet, similem  
 promissionem de Religionis suæ duratione fa-  
 ctam S. Francisco scripsimus tomo I. nostrorum

an. 1313. Annalium, & in opusculis eiusdem Sancti  
 nu. 36. & Patris à nobis collectis. Circunferuntur Car-  
 tomo 4. mina duo, quæ hanc Virginis sponsionem com-  
 an. 1371. memorant.

nu. 27. & Dum fluet vnda Maris, currétque per  
 in opusc. æthera Phœbus,

S. Franc. Viuet Carmeli candidus Ordo mihi:  
 tom. 3. colloqu. Graviori trutina, & potiori iudicio hæc exami-  
 13. nabit R. P. Ioannes Baptista Lezana, vir do-  
 ctus

et us & pius , qui nunc in Vrbe huius sacri instituti Annales ponderosè scribit & sincerè.

8. Eius cordi insculptum sacratissimum nomen Mariæ. ] Pium erga Beatam Virginem affectum , & frequentem sacri nominis Mariæ repetitionem multis miraculis commendari , plerique scribunt authores. Thomas Cantipratanus <sup>b</sup> refert emerita militiæ veteranum , qui monachis Cisterciensibus nomen dedit , & preces nullas præter salutationem Angelicam potuit addiscere , ex frequenti & longo usu repetitæ orationis tantam dulcedinem concepisse , ut cordi , & ori sola memoria Matris Christi indelebiter adhereret ; & post mortem , ex illius ore prodierit arbor ignoti generis , cuius folia litteris aureis insignita Mariæ nomen notabiliter continebant. Similiter narrat Casarius <sup>c</sup> de quodam ciue Coloniensi , qui dum eundem versiculum continuo ruminaret affectu , & inter deambulandum frequenter repeteret , visus est post mortem multiplici Mariæ nomine insignitus. In Monasterio <sup>d</sup> Sancti Bertini Urbis Audomarensis in Belgio , ex ore Monachi Ioscionis propter similem deuotionem nominis Mariæ rosa germinauit pulcherrima litteris inscriptis nominis Mariæ.

Mirabiles parit effectus deuotio erga V. Mariæ nomen.

<sup>b</sup> Cantipr. de Apib. l. 2. c. 29. p. 9.

<sup>c</sup> Casar. l. 12. c. 50.

<sup>d</sup> Spec. exempl. dist. 9. c. 119.

9. Qui in Curia Pontificia sui sodalitiij

E 4 nego

negotia procuraret.] *Præter honorificum hoc munus Procuratoris generalis Prouincialem etiã fuisse in Gallia scribit Saracenus & in Hispania in Prouincia Batica refert Cauriensis. Sed utrque singularis est in suo asserto, neque enim alij referunt authores aliquando suorum Consodaliũ regimen suscepisse, multò minùs in Hispania, quam neque à longè salutauit.*

<sup>e</sup> Caur.  
lib. 1, ca.  
10.

<sup>f</sup> Lib. 11.  
c. 11.

g Marul.  
cit. in  
Elogiis.

10. Ad Episcopatum Pactensem.] *Multi corrupto legunt Pacensem. isque Episcopatus est in Hispania vulgo Badajoz, Latinis, Pax Iulia. & propterea Cauriensis <sup>e</sup> lapsus est in Prouincialatu Batico, ut facilius ad vicinæ prouincia Extrema-Durca Ecclesiam transferret; timet tamen alibi <sup>f</sup> ne vitium irrepserit impressionis, & pro Pactensi, scriptum sit Pacensis. Rodericus de Osma Pacensis in discursibus patriis in eundem incidit errorem, Syluester Marulus <sup>g</sup> ampliùs oberrans inscribit Precatensem. Maior est lapsus Saraceni, qui ad hunc Episcopatum à Clemente V I. assumptum dixerat, dum ille dignitatem acceperit ab Innocentio Clementis successore.*

<sup>a</sup> Bal. cēt.  
tur. 5. de  
scriptor.  
Britan.

11. Ecclesia Coronensi.] *Ante hanc habuisse etiam Ecclesiam Militensem scribit Ioannes Balæus, <sup>h</sup> aliàs damnata memoria author: alij huius Ecclesiæ non meminerunt, neque in Registro Vaticano translationis habetur monumentum.*

mentum. Petrus etiam Galefinius Famagusta Episcopum inscribit, sed perperam, deceptus ex loco obitus & sepultura.

12. In legatione.] Amplissima legationis terminos dicere licet ex Pontificio Diplomate in appendice num. 22. malè Sylvester Marulus ad solam Alexandriam restrinxit.

13. Ad Patriarchatum Constantinopolitanum.] Speculum & viridarium Ordinis Carmelitarum, Patriarcham vocant Alexandrinum. Orius est error ex deuiecta legationis tempore Alexandria.

14. Bononiæ.] Urbem hanc B. Petri Thomæ An B. Pe  
opera à Regulorum, & Tyrannorum Italia tri opera  
seruitute ad Pontificis obedientiam rediisse restituta  
scribit prædictus Balæus: eumque primum sit Bono-  
illuc introduxisse Theologiam Sorbonicam. nia Pon-  
Circa primum poterit dubitari, namque anno tifici?  
1360. Ioannes Aulegius, qui Urbem retinebat, timens Barnabouis Vicecomitis, Reguli Mediolanensis, potentiam, Urbem tradidit Egidio Albornotio Innocentij Sexti, & Sedis Apostolicæ in Italia Legato, accepta permutationis titulo in Piceno Vrbe Firmana. Petrus autem non nisi biennio post traditam Urbem rediit ex sua legatione ultramarina, Innocentio iam defuncto, eique substituto Urbano V. Vide Pi-  
Verum est turbatis adhuc rebus, & aspirante gn. l. 4. & s. histor.

Ferra. ad  
ann. 1363.  
& B. lon.  
dec. 2. li.  
10.

An Aca-  
demiam  
Theologi-  
cam Bo-  
nonia fun-  
dauit.

*Vicecomite ad Bononiense dominium, super-  
uenisse B. Petrum, & Philippum Mazzerium,  
Venetiis missos, anno 1363. à Petro Rege Cy-  
pri pacis arbitro, eosque concordie capita scri-  
psisse: unum illud erat, ut soluente Pontifice  
quingenta millia florenorum, Bononia penes  
ipsum remaneret. Secundum autem de fundato  
per illum studio Theologico Bononia, verum est  
adhibitis sociis, & concesso prius ab Innocentio  
Diplomate erigenda Academia illius faculta-  
tis. Rei memoria conseruatur in tabulis & ve-  
tustis libris ipsius vniuersitatis, ex quibus qua  
,, sequuntur, sunt exscripta. [ In libro Colle-  
,, gij Theologorum post præmissam ipsam  
,, foundationem subiungitur: Huius rei fa-  
,, ma per vniuersum volante, tempore  
,, Reuerendiss. in Christo Patris, & D.D.  
,, Androyni Cardinalis Cluniacensis, Bo-  
,, noniæ, & in ciuitatibus Ecclesiæ in Italia  
,, constituti Apostolicæ Sedis Legati, at-  
,, que Venerabilis in Christo Patris, & D.D.  
,, Aymerici Bononiensis Episcopi, nostræ  
,, Sacræ Theologiæ facultatis dignissimæ  
,, Cancellarij, ad fundandum, & inchoan-  
,, dum Bononiense studium Theologicæ  
,, facultatis ex diuersis mundi partibus huc  
,, accesserunt viri sacre lectioni dediti, &  
,, in lege Domini eruditi, Doctores vtrique  
Theo*



Theologi, scientia, moribus, & virtutibus „  
insigniti, quorum Magistrorum nomina, „  
digna memoria, sunt ista. „

1. Mag. PETRVS THOMAS, „  
natione Aquitanus, tunc Dei gratia, Pa- „  
triarcha Constantinopolitanus, Ordinis „  
S. Mariæ de Monte Carmelo. „

2. Mag. Vgolinus de Vrbe veteri, Do- „  
ctor acutissimi ingenij, Ordinis Herem. „  
S. Augustini. „

3. Mag. Franciscus Adrian. Bonon. Vir „  
Angelicæ vitæ, Ordinis Minorum. „

4. Mag. Thomas de Padua Textualis „  
eximius, & eloquentia clarus, Ordinis „  
Carmelitarum. „

5. Mag. Thomas de Fregnano de Muti- „  
na, Doctor vtique moribus insignitus, & „  
fidei zelator intrepidus Ord. Minorum. „

6. Mag. Petrus Monachus Cluniacen- „  
sis, D. Cardinalis Cluniac. auditor, & so- „  
cius commensalis. „

7. Mag. Ioannes de Podio Doctor spe- „  
culatiuus, & hæreticorum malleus nun- „  
quam fessus, Ord. Prædicatorum. „

8. Mag. Bonauentura de Padua, vir tam „  
diuinarum scripturarum, quàm sæcula- „  
rium litterarum Commentator præfulgi- „  
dus, Ordinis Eremitarum. „

9. Mag.

„ 9. Mag. Ludouicus de Venetiis vrba-  
 „ næ eloquentiæ Pater, nec habens quic-  
 „ quam rusticitatis admistum, Ordinis Mi-  
 „ norum.

„ Hi omnes veluti nouem Musarum imi-  
 „ tatores, Almam Theologorum faculta-  
 „ tem, & Vniuersitatem instituerunt, &c. ]

15. Cypri Cancellarius. ] *Hic ille est Phi-  
 lippus Mazzerius, quem in præfatione dixi-  
 mus vitam sancti viri scripsisse, vti testantur  
 Gesnerus, Balaus, Molanus, Possseuinus, &  
 alij. Ab Anthore acceptam transportârunt in  
 patriam duo Nobiles Angli, Ioannes Grey, &  
 N. Stapiltonus qui cum Cruce signatis trans-  
 fretarunt, & expugnationi Alexandria inter-  
 fuerunt. Corruptè hunc quidam vocârunt Phi-  
 lippum de Nazareis. Vir magna fuit authori-  
 tatis apud Reges Cyprios, vt propterea missus  
 sit Orator ad Gregorium X I. Sæpè occurrit ho-  
 norifica eius mentio in Registro Vrban V. &  
 prænumerati Gregorij.*

16. Corruptum infirmitate oportuit  
 subsidere. ] *Famagusta scilicet, vbi sancto fi-  
 ne vitam terminauit. Errant itaque Sarace-  
 nus, Cauriensis, & Breuiarium, qui in consli-  
 ctu Alexandrino periisse dicunt, & corpus in-  
 de Famagustam translatum. Errauit etiam  
 Syluester Marulus dum scripsit Famagusta  
 vulne*

*vulneratum ab infidelibus. Epitaphij loco hæc duo inculta carmina à Discipulo Ioanne, Hildensheimensi incisa referuntur.*

Virgo virum rege virgineum , qui  
Virginis almæ

Conspicuum titulum gerit , huic sibi  
da loca palmæ.

17. Anno 1366.] *Corrigendi Saracenus, & Marulus, qui anno millesimo sexcentesimo septuagesimo sexto, & Thomas à Iesu qui anno milles. tercentes. quinquagesimo narrant obiisse.*

i Thom.  
à Iesu  
lib. 1. an-  
tiq. Car-  
meli c. 6.

18. *Ioannes Fauentinus Minorita, an Fauentia Romanula vrbe oriundus? Fauentium aliqui cognominant, & ex Mazzerio vitam scripsisse referunt. At posterius scripsit Mazzerius, quippe in vita à se concinnata Fauentiam eandem scripsisse commemorat.*

*Coronidis loco exhibeo lectiones & orationem recitandas in officio sancti Viri à me compositas, in recognitione Breuiarij Carmelitani, adhuc indecisa.*

## Lectiones 2. Nocturni.

### Lectio quarta.

**P**etrus Thomas humili loco & genere in  
Aquitania natus, ab ineunte ætate litera-  
rum

*rum studio, & B. Virginis cultui solerter additus, religionis eiusdem Dei genitricis de Monte Carmelo habitum suscepit. Tyrocinio expleto, ieiuniis, vigiliis, & continua oratione sensus ita coërcuit, ne quid in susceptum à se institutum peccaret, ut reliquo vitæ tempore felici virtutum incremento fratres omnes exemplo præiret. Rebus necessariis aliquando destituto B. Virgo promisit nihil defuturum; quod sequentis diei probavit miraculum, acceptis ab ignoto mercatore tot aureis nummis, quot depellenda sufficiebant egestati.*

### Lectio quinta.

**L** Ut etiam semel atque iterum missus, Sacra Theologia lauream adeptus, doctos libros conscripsit, & disertissimos Auinione habuit in aula Pontificia sermones. Procurator generalis sui Ordinis institutus, docendi, & prædicandi munus non intermisit, animarum lucrum & religionis negotia ex aquo procurans. In quadam sui Ordinis pressura recurrit ad B. Virginem Mariam, tutissimum suarum afflictionum remedium, ut grauem auerteret persecutionem, & sodalitium sibi consecratum firma stabilitate muniret. Cui illa suam opem pollicita, dixit: Religio ista  
perpe

*perpetuò contra omnes aduersitates inconcussa  
meo munere permanebit.*

### Lectio sexta.

**A** B Innocentio sexto pacificandis Prin-  
cipibus, & fidei promouenda ad va-  
rias prouincias allegatus, incredibile est, qui-  
bus arumnis, laboribus & animi constantia  
iniunctum munus exercuit, & Sedis Apo-  
stolica authoritatem sustinuit. Ad Pactensem,  
aliasque insignes Ecclesias assumptus, demum  
ab Urbano quinto Patriarcha Constantinopo-  
litanus, & Sedis Apostolica delectus Legatus,  
in expeditione Syriaca simul cum Petro Cypri  
Rege Urbem expugnauit Alexandriam. In  
Cyprum reuersus Famagustæ incidit in fe-  
brim, præmissisque omnibus pietatis officiis  
sanctissime obiit, anno millesimo tercentesimo  
sexagesimo sexto, octauo Idus Ianuarij. Mul-  
tis in vita & post mortem clarus miraculis,  
ingentem in illo Regno obtinuit veneratio-  
nem.

Oratio.

## Oratio.

**B***Eati Petri Confessoris tui atque Pontificis, quæsumus Domine, meritis & intercessione placatus, indulgentiam nobis tribue peccatorum, & omnia mala à nobis propitiatus exclude. Per Dominum nostrum Iesum Christum, &c. Amen.*

APPEN



## APPENDIX BVLLARVM,

Q V Æ

B. PETRI THOMÆ  
RÉS GESTAS CONCERNVNT.

## BVLLA I.

*Innocentius Episcopus servus  
servorum Dei.*

Venerabilibus Fratribus Patriarchis,  
Archiepiscopis, Episcopis, Abba-  
tibus, Prioribus, Decanis, Præpo-  
sitis, Archidiaconis, Rectoribus,  
& aliis Ecclesiarum, & Monaste-  
riorum Prælatiis, &c.

*Ut misso ad Januenses & Mediolanenses  
velint adesse.*

**C**VM dilectum Filium Petrum  
Thomæ, Ordinis B. Mariæ de  
Monte Carmelo, Magistrum in  
Theologia, latorem præsentium, ad ci-

Ex reg.  
Vat. libr.  
secreto-  
rum anni  
primi. fo.  
194.

F uita

ANNO CHRISTI 1353. INNOC. VI. AN. I.

uitatem Ianuensem & Mediolanensem pro quibusdam negotiis, per nos sibi commissis, duxerimus destinandum, Vniuersitatem vestram rogamus, moneamus, & hortamur attentè, per Apostolica vobis scripta mandantes, quatenus eundem latorem, cùm per partes vestras transitum fecerit, ob reuerentiam Sedis Apostolicæ, & nostram, benignè recipientes, & honestè tractantes, sibi quamdiu in huiusmodi negotiorum prosecutione fuerit diebus singulis in duobus florenis auri, pro suis, & familiæ suæ necessitatibus, & de securo conductu, cum super his per ipsum, vel eius nuntium fueritis requisiti, in eundo, morando, & ad nos redeundo liberaliter providere curetis, ita quòd exinde deuotionem vestram commendare meritò valeamus: Alioquin sententiam, quam idem Petrus per se, vel alium, seu alios ritè tulerit contra rebelles, super quo sibi tenore præsentium plenam concedimus facultatem, ratam habebimus, & faciemus auctore Domino vsque ad satisfactionem condignam appellatione remota, infallibiliter obseruari:



AN CHRISTI 1353. INNOC. VI. AN. I.

seruari : Non obstante quòd aliquibus communiter , vel diuissim ab eadem Sede indultum existat, quòd Nunciis Sedis ipsius aliquam procuracionem exhibere, vel in ea contribuere , nisi ad eos declinauerint minimè teneantur, &c. Datum Aui-  
nionè Nonis Octobris, Pontificatus nostri anno primo.

## B V L L A I I.

*Innocentius, &c.*

Venerabili Fratri Petro Episcopo  
Paetensi, & Lippariensi salutem.

*Instituitur Episcopus Paeten. &  
Lipparien.*

**P**astoralis officij, cui disponente Domino, præsidemus, vt de vniuersi orbis Ecclesiis, quarum cura nobis imminet generalis, & de illis præsertim , quæ vacationis exponuntur incommodis, sollicitè cogitemus , vt illis præficiantur viri

Ex libr.  
3. ann. 2.  
fol. 57.

AN. CHRISTI 1354. INNOC. VI. AN. 2.

prouidi in Pastores, qui eas in spiritualibus & temporalibus possint, & sciant salubriter gubernare. Dudum siquidem bon. memor. Petro Pactensi, & Lippariensi Episcopo, regimini Pactensis & Lippariensis Ecclesiarum inuicem canonicè vnitarum præsidente: Nos cupientes eisdem Ecclesiis, cùm eas quouis modo vacare contingat; operationis nostræ ministerio, vtilem præsidere personam, prouisionem ipsarum Ecclesiarum ordinationi, & dispositioni nostræ ea vice duximus specialiter reseruandam, decernendo ex tunc irritum & inane, si secus super iis, per quoscunque, quauis authoritate, sciēter, vel ignoranter contingeret attentari. Postmodum verò præfatis Ecclesiis per obitum eiusdem Petri Episcopi, qui extra Romanam curiam diem clausit extremum, Pastoris solatio destitutis, Nos vacatione huiusmodi fide dignis relationibus intellecta, ad prouisionem dictarum Ecclesiarum celerem & foelicem, de qua nullus præter nos ea vice se intromittere poterat, reservatione & decreto obstitentibus supradictis, ne proluxa vacationis expone

AN. CHRISTI 1354 INNOC. VI. AN. 2.

exponerentur incommodis, paternis & sollicitis studiis intendentes; post deliberationem, quam de præficienda eisdem Ecclesiis persona utili, & etiam fructuosa, cum fratribus nostris habuimus diligentem. Demùm ad te Ordinis Fratrum B. Mariæ de Monte Carmeli Professorem, in sacra Theologia Magistrum, & in Sacerdotio constitutum, cui de religionis zelo, vitæ, ac morum honestate, spiritualium prouidentia, & temporalium circumspèctione, aliisque virtutum meritis, apud nos laudabilia testimonia perhibentur; direximus oculos nostræ mentis. Quibus omnibus debita meditatione pensatis, de persona tua, præfatis Pactensi & Lippariensi Ecclesiis, de prædictorum fratrum nostrorum consilio, auctoritate Apostolica duximus prouidendum, Teque illis præfecimus in Episcopum, & Pastorem, curam & administrationem ipsarum Ecclesiarum, & in spiritualibus & temporalibus plenariè commitendo; Tibique postmodùm per Venerabilem Fratrem nostrum Guidonem Episcopum Portuensem, apud Apostolicam Sedem

F 3 feci

---

AN. CHRISTI 1354. INNOC. VI. AN. 2.

---

fecimus munus consecrationis impendi;  
in illo qui dat gratias, & largitur præmia,  
confidentes, quòd eadẽ Ecclesiã pro  
tuã circumspectionis industria & prou-  
dentia circumspecta, sub tuo felici regi-  
mine, dextera Domini tibi assistente pro-  
pitia, salubriter & prosperè dirigentur.  
Quocirca fraternitati tuã per Apostolica  
scripta mandamus, quatenus ad præfatas  
Ecclesias cum gratia nostræ benedictio-  
nis accedens, curam & administrationem  
prædictas sic exercere studeas sollicitè, fi-  
deliter, & prudenter, quòd dictæ Eccle-  
siæ gubernatori prouido & fructuoso ad-  
ministratori gaudeant se commissas: Tú-  
que præter retributionis æternæ præ-  
mium, beneuolentiam nostræ gratiæ v-  
berius consequi merearis. Datum Aui-  
nione 16. Calendas Decembris anno se-  
cundo.

B V L L A

AN. CHRISTI 1354. INNOC. VI. AN. 2.

## B V L L A I I I.

*Innocentius, &c.*

Stephano Regi Rassiæ illustri, gratiam in præsentem, quæ perducatur ad gloriam in futuro.

*Hortatur ut fidem promoveat Romanam, & Sedis Apostolicæ Nuncios benigne recipiat.*

PER dilectos filios nobiles viros Bossidarium Iudicem generalem, & Nestegium Cephariam Geren. ac Damianum de Cathara ciuem Cataren. Apocrisarios & procuratores Magnitudinis tuæ ad nos & Sedem Apostolicam, diebus non longè præteritis destinatos, & præsentatas nobis per Apocrisarios ipsos literas regias, aurea tua Bulla munitas, nostro Apostolatui intimasti, quòd auditò, quòd quidam Ecclesiarum & Monasteriorum Prælati regni tui, fideles eiusdem Ecclesiæ, erant Ecclesiis & Monasteriis,

Ex lib.  
secretorum an.  
2. fo. 212.

AN. CHRISTI 1354. INNOC. VI. AN. 2.

steriis, in quibus canonicè instituti fuerant, per quosdam abominationis filios contra iusticiam destituti, & quòd alij quidam eisdem, ac aliis fidelibus S. R. E. Catholicæ ac Apostolicæ in eodem regno morantibus, iniurias & contumelias irrogârunt, & quosdam ex fidelibus ipsis ad reiterandum Baptismatis & Confirmationis, per eos ritè suscepta, irreiterabilia sacramenta, inuitos coëgerant, non sine graui offensa Dei, & læsione fidei Christianæ. Tu velut sincerus ipsius fidei zelator & cultor, id molestè ferens ac gerens, prout debueras, admodum displicenter, & cupiens pro reuerentia Redemptoris tui, qui eiusdem author est fidei, & pro salutis tuæ merito, tantis malis prouisionis tuæ studio salubriter obuiare, sub indignationis tuæ pœna districte præceperas Prælatos destitutos eisdem ad Ecclesias & Monasteria ipsa, quibus fuerunt, sicut præmittitur, destituti, restitui cum effectu, sex Monasteriis tunc expressis dumtaxat exceptis, quibus de propriis Abbatibus ad euitanda scândala & pericula imminencia tunc restitutio

non

AN. CHRISTI 1354. INNOC. VI. AN. 2.

non poterat fieri, & ad quæ postmodum temporis opportunitate captata, illos restitui procurasti, quódque publicè ac patenter, & sub formidabilibus pœnis edixeras, quòd nulla Ecclesiastica sæcularive persona Latinos, vel alios fideles eiusdem Ecclesiæ secundum verum & Catholicum ritum eius baptizatos & confirmatos, rebaptizare, seu reconfirmare, aut eisdem fidelibus iniuriam, seu violentiam irrogare, siue ipsos persequi, vel molestare præsumeret quoquo modo: Et quòd omnes Episcopi, Abbates, & alij Ecclesiarum & Monasteriorum Prælati, presbyteri, & clerici sæculares, & regulares fideles ipsius Ecclesiæ vbiunque, & quomodocunque in regno detenti prædicto, restituerentur debitæ libertati, & ad Ecclesias, Monasteria, & Ecclesiastica beneficia quælibet liberè, & sine impedimento redirent, diuina in eis celebrarentur officia, & prout ad eas aliàs pertineret, ministrarent eisdem, ac aliis Christi fidelibus iuxta præfatæ Ecclesiæ consuetudinem rectam, & obseruantiam salutarem, Ecclesiastica sacramenta; &

AN. CHRISTI 1354. INNOC. VI. AN. 2.

quòd licitum esset omnibus in dicto regno morantibus fidem, quam Ecclesia ipsa tenet, docet, & prædicat, tenere liberè, ac prout eis competeret, illam docere voce libera, & publicè prædicare; & quòd vt sinceriores te probares, verioribus argumentis ipsius Catholicæ fidei amatorem, eos, qui secundum huiusmodi vitam, & formam Ecclesiæ prædictæ Baptismatis, & Confirmationis susceperant sacramenta, & vel vi, metùve coacti, sicut prædicitur, ne forsan errore deuij, huiusmodi sacramenta, iuxta vsum, imò abusum veriùs, & abominationem aliam damnabiliter iterarant, arbitrio eorum libertatìque relinquens, ipsis ab huiusmodi reatu beneficium absolutionis impendi, còsque reaggregari vnitati eiusdem Ecclesiæ deuota mente petieras, ac pio studio procuraras, ac tandem Ecclesiam ipsam Dominam & magistram Christianorum omnium, ac Romanum Pontificem vniuersalem Christianorum ipso- rum Patrem, & verum ipsius Christi Vicarium, ac B. Petri Apostolorum Principis successorem, firmiter asserens, simplici



AN. CHRISTI 1354. INNOC. VI. AN. 2.

pliciter confitens, & humiliter recognoscens, deuota instantia supplicasti, vt tibi Apostolicæ benedictionis munus per Apostolicas literas mittere, & nihilominus destinare ad regnum ipsum aliquos viros probos, timentes Deum, & in lege ipsius plenè eruditos, qui Venerabilis fratris nostri Bartholomæi Episcopi Tragurien. dudum in partibus illis Apostolicæ Sedis Nuncij fœliciter, fauente Deo, inchoatis operibus prosecutionis adicerent studium, per quod ad optatum perducerentur effectum, dignaremur. Idemque Traguriensis Episcopus, cuius reatibus adhiberi fidem per easdem literas petiisti, nobis exposuit, quòd tu populo Christiano partium Orientis super afflictionibus, & persecutionibus duris, quibus eos Turcarum furor immanis indesinenter anguriat, viscera pietatis Regiæ ad compassionem aperiens, & ad opprobria exprobrantium nomini Christiano tollenda & auferendam perfidam gentem credentium de finibus, attendens animi tui zelum, & excitans potentiam regiæ dignitatis, desiderabas ab eadem  
Eccle

AN. CHRISTI 1354. INNOC. VI. AN. 2.

Ecclesia matre tua contra Turcas ipsos Capitaneus ordinari, vt ipsius Ecclesiæ spirituali adiutus auxilio, & directus consilio, in virtute Altissimi, qui piis fauet libenter operibus, gregem Domini, ipsum videlicet populum, de luporum eorundem, scilicet Turcarum, faucibus potenter erueres, & subactam iugo miserabilis seruitutis Christianam absolueres libertatem. Quibus omnibus intellectis exultauit cor nostrum in Domino, lætatus est spiritus, & mens ipsa in iubilum gaudij potioris erupit, ac eadem Ecclesia mater tua ei, qui vbi vult, spirat, & corda Regum in manu sua continet potestatis; quique hunc tibi formauit animum, & infudit affectum, suppliciter agens humiles gratias, & laudationum debita vota persoluens, ipsum orauit, & orat assidue, vt te in hac zeli rectitudine, in hoc feruore spiritus, in hac puritate fidei, in hac deuotionis sinceritate conseruet, diēsque tuos & longæuos faciat, & post bella Domini, ad quæ robur tuæ potentix animosè & strenuè obtulisti, feliciter consummata, in sua pace disponat, sicque tibi te

ac

---

AN. CHRISTI 1354. INNOC. VI. AN. 2.

---

ac subditas nationes regere & gubernare concedat, quòd post huius labilis peregrinationis excursum vnà cum eis ad Sancta Sanctorum puris introire mentibus mercaris. Porro, fili charissime, post dictorum Apocrifaliorum ad te reditum, affectionis, quam ad tanti boni foelicem exitum nimirum gerimus, nos continua sollicitavit instantia, & eò nobis studium diligentia potioris indixit attentius, quò in rebus auidè concupitis, sicuti frequenter experientia didicisse te credimus, ipsa quoque celeritas, sæpè tarditas reputatur. Tandem cogitantes, & perquirentes cum omni solertia viros, quos tanti ministerij promotioni utili utiliter deputare possemus, inter cæteros, quos indagationi nostræ idoneos ad huiusmodi ministerium consideratio multiplex obtulit, idem Episcopus Tragurien. occurrit. Etenim ipse, cum sit tibi familiariter notus, & sicut eadem literæ testabantur, pro meritis suis acceptus & carus; poterit efficacior promotor esse negotij, & pro eo, quod tanto bono, bonum, Deo fauente, dedit initium, ut illud

AN. CHRISTI 1354. INNOC. VI. AN. 2.

*B. Petrus  
lauda-  
tur.*

lud ad finem ipso dirigente ac promo-  
uente perducatur, instantius laborabit, cum  
ex more, opifex quilibet consummatio-  
nem sui afficiatur ad operis, & ad conser-  
uationem eius sollicitus iudicatur. Cui &  
Venerabilem fratrem nostrum Petrum  
Episcopum Pacten. Magistrum in sacra  
pagina, virum utique religiosum, vita,  
moribus, & conuersatione laudabilem,  
& plenum timore Domini, dedimus so-  
cium, ac simul ambos ad te, ipsūque  
regnum tuum sub fiducia eius, qui con-  
cordiam in sublimibus suis parat, quique  
parietem vtrumque connexuit, præsen-  
tialiter destinamus, ut ex sparso in eo-  
dem regno per Episcopum Tragurien.  
eundem semine verbi Dominici, vitalem  
segetem pullulantem doctrinæ salutaris  
aqua irrigent, succidant renascentium  
spinas errorum, euellant schismatum  
succrescentium tribulos, & seminorum  
eradicent zizania scandalorum, sicque  
ex huiusmodi segete diligentibus purga-  
ta cultoribus, dante illi Domino incre-  
mentum, manipulorum multitudo, fide-  
lium scilicet numerus copiosus messis in  
tempo

---

AN. CHRISTI 1354. INNOC. V I. AN. 2.

---

tempore colligatur, & fides ipsa, quam mediator Dei & hominum Christus supra firmam Petri petram, id est, ipsam Romanam Catholicam, & Apostolicam Ecclesiam, cuius ipse Christus caput fundator, & rector est, sic firmiter stabilivit, sicque illam eidem Ecclesiæ inseparabiliter copulavit, quòd licet multos ab ipsius Ecclesiæ corpore, fallente diabolo, vel contagiosus hæresis morbus abiecerit, vel scissura damnati schismatis separarit; ipsius tamen fidei immaculata sinceritas apud eandem Ecclesiam permanens, veluti tritici granum in area, quod per paleam purgatur abscessum, & lux fulgentis syderis, quæ irradiat per excussionem obfuscantium nebularum splendidiùs, clarior elucescit, palmites suos ubique dilatans, figensque radices, emicet purior, & fructus, quibus eadem mater Ecclesia, quasi renascentis proles numerositate fecunda, auctori suo iucunditatis & lætitiæ cantica replicet, in vbertate producat. Quapropter Serenitatem tuam moneamus, requirimus, & hortamur in Domino,

no,

AN. CHRISTI 1354. INNOC. VI. AN. 2.

no, illam attentè rogantes, tibi que in remissionem tuorum peccaminum suadentes, quatenus eosdè Episcopos pro nostra & Apostolicæ Sedis reuerentia benignè recipias, & fauorabiliter prosequaris, ipsorumque salutaribus monitis & doctrinæ deuotius acquiescas, ac intuens, quòd Dei nostri perfecta sunt opera, & quòd iuxta Euangelicam veritatem, non qui inceperit, sed qui perseuerauerit, saluus erit, ipsius Redemptoris tui actiones pro viribus imiteris, ac in bono constanter opere perseuerans ad ipsius fœliciter inchoati negotij votiuam consummationem, sic velut diligens operator solerter intendas, quòd in eo, præstante Domino, & tuo cooperante ministerio studioso, nostris, & communibus fidelium Christi votis & expectationibus satisfiat: Ipsèque retributor omnium bonorum Deus, cuius est idem negotium propriè proprium, & cui nunquam sine remuneratione seruitur, eiusdem regni tui terminos ampliet, dilatet fines, thronum corroboret, & sceptra confirmet; ac tandem te, subiectosque tibi populos cœlestis regni faciat cohæredes:

AN. CHRISTI 1354. INNOC. VI. AN. 2.

hæredes : Nólque non solùm in huiusmodi Capitaneatus officio, sed in quibuscunque aliis honestis & licitis, vota tua quantum cum Deo poterimus, Apostolicis fauoribus prosequamur. Datum Aui-  
nionè 8. Calendas Ianuarij anno secundo.

---

B V L L A I V.

*Innocentius, &c.*

Helenæ Reginae Rassix illustri gratiam in præsentì, quæ perducatur ad gloriam in futuro.

*Eadem Regine commendat.*

Stephanus Rex Rassix illustris vir Ibid. fol.  
Stuus diebus non longè præteritis, per 224.  
dilectos filios nobiles viros Bossidarium  
Iudicem generalem, &c. *ut supra mutatis  
mutandis.* Similiter Orosio Rassix Regi,  
Stephani filio.

B V L

G



AN. CHRISTI 1354. INNOC. VI. AN. 2.

B V L L A V.

*Innocentius, &c.*

Joannichi Patriarchæ Seruiæ gratiam in præfenti, quæ perducatur ad gloriam in futuro.

*Eadem Patriarchæ inculcat.*

Ibid. fol.  
225.

**M**ediator Dei & hominum Christus Iesus, in petra Petri Romana videlicet & Catholica, ac Apostolica Ecclesia omnium fidelium Christi matre, quam solus ipse fundavit, & rexit, ac regit, & quæ super cunctas alias orbis Ecclesias obtinet diuina dispositione primatum fidei, cuius idem ipse Christus author est, sic solidè fundata creauit, sicque illam insolubili vinculo, & inseparabili vnione copulauit eidem, quòd licet multas ab ipsius Ecclesiæ corpore fallente diabolo, vel contagiosus hæresis morbus abiecerit, vel scissura damnati schismatis separârit, ipsius tamen fidei immaculata sinceritas apud eandem Ecclesiam in se



AN. CHRISTI 1354. INNOC. VI. AN. 2.

inseparabiliter permanens velut granum  
tritici, &c. *ut supra*: purior elucescit.  
Hæc sanè charissimus in Christo filius  
noster Stephanus Rex Rassiæ illustris pru-  
denter considerans, & dolens multos ex  
nationibus & subditis ab eadem Ecclesia  
per scissuram inueterati schismatis, pro-  
curante seminatore scandali, patre doli  
fuisse diuisos, ac saluti multitudinis, quæ  
ignara itineris veritatis, per abrupta gra-  
diens in præcipitium ruit, & quasi nâvis  
in mediis fluctibus sine remigio mergi-  
tur, desiderans providere, apud nos per  
litteras & Nuntios suos suppliciter insti-  
tit, vt ad partes ipsas viros aliquos timen-  
tes Deum, & in lege eius plenius erudi-  
tos transmittere dignaremur, qui error-  
um inde tribulis extirpatis, & euulsis  
spinis quorumlibet scandalorum, in eis  
fererent semen vitæ. Nos autem præfati  
Regis huiusmodi pium desiderium &  
laudabile propositum opportunis in Do-  
mino fauoribus prosequentes, & speran-  
tes in illo, qui est verum lumen de lumi-  
ne, omnem hominem venientem in  
hunc mundum illuminans, quique lapis  
G 2 est

AN. CHRISTI 1354. INNOC. VI. AN. 2.

est angularis missus, ipsius Ecclesiæ fundamentum, parietem vtrumque connectens, quòd ipse de cordibus ignorantium quorumcunque ignorantia tenebras virtutis suæ potentia effugabit, & illuminabit claritatis suæ luce oculos mentium eorundem, vt gressus eorum ab inuio retrahant, & dirigant in salutem, ac ad eandem Ecclesiam vniuersalem omnium fidelium Christi matrem conuersi, incipiant Christo viuere, qui viuentes mundo ipsi Christo mortui comprobantur, Venerabiles fratres nostros Bartholomæum Traguriensem. & Petrum Pacten. Episcopos Apostolicæ Sedis Nuncios, viros vtique probitatis expertæ, profundæ scientiæ, probatæ virtutis, ac zelum diuinæ legis habentes, ad Seruiciæ, Rassiciæ, & Albanici regna & terras præfati Regis subiectas dominio prouidimus destinandos. Ideoque discretionem tuam moneamus, requirimus, & hortamur in Domino, illam attentius deprecantes, tibi que in remissionem tuorum peccaminum iniungentes, quatenus prudenter considerans, quòd sicut fides, quæ non nisi vna est,

AN. CHRISTI 1354. INNOC. V I. AN. 2.

est, & in nullo potest sui esse dissimilis, apud eandem Ecclesiam inseparabiliter, sicut præmittitur, permanet; sic qui extra ipsius Ecclesiæ communionem fuerit, est proculdubio extra fidem, & qui extra fidem manserit diuinæ gratiæ particeps esse non poterit, nec adoptionem recipiet filiorum, ac intuens quòd specialiter tibi, qui in grege Domini, ipsa videlicet multitudine Pastoris geris officium, quanquam illicitè, cum non per ostium, id est, per ipsam Ecclesiam in ouile ouium, sed aliunde intraueris, incumbit ex debito, vt prius viam veritatis intelligas & custodias intellectam, & sic per illam incedens puris ac rectis gressibus, eidem gregi, via, moribus, & doctrina ducatum præbeas, ad salutem, sicque illum ad æternæ vitæ pascua introducas, dictos Episcopos, tanquam Dei ministros, pro diuinæ Maiestatis, ac nostra, & Apostolicæ Sedis reuerentia benignè recipias, honorificè tractes, ac fauorabiliter prosequaris, & eorum salutaribus monitis, & doctrinæ deuotiùs acquiescas, ipsisque in prosecutione tam salutaris &

Schisma-  
ticè ele-  
ctus.

AN. CHRISTI 1354. INNOC. VI. AN. 2.

Deo accepti negotij assistas consiliis & auxiliis opportunis : Itaque negotium ipsum , præstante Deo , cuius est propriè proprium , & tuo cooperanti ministerio studiofo , votivum perducatur ad exitum , & eandem Ecclesiam renascentis prolis multitudo lætificet : tuque à retributore bonorum omnium , cui nunquam sine remuneratione servitur , mercedis præmium æternæ vitæ gloriam percipere merearis. Datum Avinione VIII. Idus Ianuarij anno secundo.

**BVLLA**

AN. CHRISTI 1354. INNOC. VI. AN. 2.

B V L L A V I.

*Innocentius, &c.*

Venerabilibus fratribus Bartholomæo Tragurien. & Petro Pacten. Episcopis, Apostolicæ Sedis Nunciis salutem.

*Mittuntur Sedis Apostolici Nuntij ad regnum Rassiæ Albanie, & Sclauonia, aliasque partes adiacentes.*

**I**Nter cætera, quæ Apostolatus officio, Ibid. fol. 227.  
 cui quanquam immeriti, disponente Domino, præsidemus, imminent peragenda, illud potissimè humeris nostris incumbit, ut contra hæreticorum, & schismaticorum venena pestifera, quibus Catholicæ fidei puritatem conantur inficere, per nos, & alios prout locorum, & temporum qualitas exigit, partes Apostolicæ sollicitudinis apponamus. Nuper siquidem rumor infestus ad nostrum, non sine graui mentis turbatione, perdu-

AN. CHRISTI 1354. INNOC. V I. AN. 2.

xit auditum, quòd nonnulli iniquitatis filij, solo nomine se Christianos profitentes, fidei tamen Christianæ prorsus aduersi in regno Rassiæ, Albanæ, & Sclauoniæ, ac aliis circumadiacentibus partibus, inconfutilem tunicam Domini nostri diuidere, & lacerare conantes, ac perniciofa schismata suscitantes, nouas inducunt sectas, variósque seminare moliantur errores. Ex quibus, vt aliquos recitemus, falsò & pertinaciter asserunt, *Spiritum sanctum non à Filio, sed à solo Patre procedere*; non attendentes quòd sicut sacrosancta Romana, Catholica & Apostolica Ecclesia, mater fidelium omnium & magistra tenet, & docet, ac orthodoxorum Patrum, atque Doctorum Latino-rum pariter, atque Græcorum habet incommutabilis & vera sententia, sacrique Concilij declarat authoritas, idem Spiritus sanctus æternaliter ex Patre & Filio, quasi ex vno principio, vnica spiratione procedit. Item mendaciter asserunt contra ea, quæ præfata Romana docet, & tenet Ecclesia, *Corpus Christi non in azymo, sed in fermentato pane confici debere*;

---

AN. CHRISTI 1354. INNOC. VI. AN. 2.

---

*bere* ; & quòd in azymo confectum est, esse denegant Corpus Christi, illudque in suæ damnationis cumulum blasphemii inclamare , deturpare manibus , & quod sceleratius est, conculcare pedibus non verentur. Dicunt etiam *formam Baptismatis & Confirmationis iuxta ritum, quæ Apostolica servat Ecclesia, falsam esse*, ac iuxta formam huiusmodi baptizatos & confirmatos, Baptismati & Confirmationi sic susceptis damnabiliter renuntiare, & rebaptizari, & reconfirmari compellunt. Præterea damnabili detestatione dicuntur asserere , *eandem Ecclesiam* , ( cui universi Christianæ fidei professores subesse noscuntur , cuiusque tenentur instituta servare in plerisque aliis , quæ præsentibus exprimere non curamus ) *à veræ fidei tramite deviare*. Intelleximus etiam, quòd nonnulli Archiepiscopi & Episcopi partium earundem sacros Ordines indecenter, & contra sacrorum Canonum instituta conferunt ; & super matrimoniis contrahendis in gradibus prohibitis dispensare, contra instituta præfata propria remeritate præsumunt : quòdque Religi-

G 5      giosi

AN. CHRISTI 1354. INNOC. VI. AN. 2.

giosi complures mendicantium Ordinum commissum sibi fore ab Apostolica Sede in eisdem partibus legationis officium minùs veraciter asserunt, eoque prætextu nonnulla temerè attentare præsumunt, in suarum & aliarum animarum periculum, & scandalum plurimorum. Cupientes igitur huiusmodi eiusdem Orthodoxæ fidei, & animarum periculis, prout ex debito præmissi tenemur officij, opportunis & efficacibus studiis obviare, ac de vestræ circumspectionis industria gerentes in iis, & alijs, fiduciam in Domino specialem, fraternitati vestræ per Apostolica scripta committimus & mandamus, quatenus vos, vel alter vestrum ad loca dictarum partium, de quibus vobis magis expedire videbitur, vos personaliter conferentes, & contra errantes, præsumptores, attentatores huiusmodi pro Ecclesia sancta Dei vos defensionis murum viriliter opposcentes, præmissa schismata dissipare, sectas dissolvere, errores euellere, excessus corrigere, deformata reformare, & errantes ipsos ad veram ipsius Catholicæ fidei unitatem, &

Eccle



ANNO CHRISTI 1354. INNOC. VI. AN. 2.

Ecclesiæ præfatæ ritus & mores reducere, quantum vobis inspirabit Altissimus, auctoritate nostra fideliter studeatis, inuocato ad hoc, si opus fuerit, auxilio brachij sæcularis. Contradictores quoslibet & rebelles cuiuscunque præminentia, status, Ordinis, vel conditionis existant, auctoritate nostra per censuram Ecclesiasticam, appellatione postposita compescendo. Quæcunque verò in præmissis duxeritis facienda, & quæ vobis aliàs circa hæc videantur agenda, nobis fideliter & solerter intimare curetis, ut super ipsis providere salubriter, auctore Domino, valeamus. Datum Avinione VI. Calendas Ianuarij anno secundo.

BVLLA

AN. CHRISTI 1354. INNOC. VI. AN. 2.

## B V L L A V I I.

*Innocentius, &c.*

Charissimo in Christo filio Ludouico Regi Hungariæ illustri salutem.

*Commendat ei prædictos Nuncios.*

Ibid. fol.  
238.

**C**VM Venerabiles Fratres nostros Bartholomæum Tragurien. & Petrum Paſten. Episcopos, Apostolicæ Sedis Nuntios pro vniendis & aggregandis vnitati Ecclesiæ matri suæ; auctore Domino, Rege Rassiæ illustri, & populis subditis ipsi Regi, ad partes illas præsentialiter destinemus, Serenitatem tuam attentè requirimus, & rogamus, quatenus eisdem Nuntiis, quibus super præmissis aliqua tibi exponēda oretenùs duximus iniungenda, in iis, quæ tibi pro parte nostra retulerint, adhibens plenam fidem, eis in promotione & consummatione tam salutaris & Deo grati negotij, pro diuinæ  
Maie

AN. CHRISTI 1356. INNOC. VI. AN. 4.

Maieſtatis reuerentia, tuæ conſideratione ſalutis, & noſtræ interuentionis obſentiu, tuum, de quo ſpecialiter confidimus & ſperamus, præbeas auxilium, conſilium, & fauorem. Datum Auinione 10. Calendas Septembris anno ſecundo.

B V L L A V I I I.

*Innocentius, &c.*

Dilecto filio nobili Viro Duci Venetiarum ſalutem.

*Eidem ſimiliter prædictos commendat.*

**A**t tendentes quantum expediret Ibidem. Chriſtiano populo, maximè partium Orientis, ſi Rex Ræſſiæ illuſtris, & ſubditi ſibi populi reaggregarètur vnitati Eccleſiæ, à qua ipſos pater ſchiſmatis, peccatis exigentibus, ſeparauit, conſulta deliberatione prouidimus Venerabiles Fratres noſtros Bartholomæum Tragurien. qui

AN. CHRISTI 1356. INNOC. VI. AN. 4.

qui aliàs super hoc negotio laborauit vtiliter, & Petrum Pacten. Episcopos ad partes illas sub spe diuini præsidij destinandos. In quo sperantes deuotionem tuam fauorabilem inuenire, Nobilitatem tuam attentè rogamus, quatenus eisdem Episcopis ad tam salutaris prosecutionem negotij, & specialiter circa transitum maris, impendas, pro diuina, ac nostra, & Apostolicæ Sedis reuerentia, auxilia, & fauores. Datum Auinione 9. Calendas Septembris anno secundo.

B V L L A I X.

*Innocentius, &c.*

Charissimo in Christo filio Ludouico Regi Hungariæ illustri.

*Suadet vt bellum Rex inferat schismaticis, & exercitus Christiani Imperatorem instituit.*

Ex lib.  
secreto-  
rū an. 4.  
fol. 150.

**Q**Vanta te, fili charissime, gratiæ suæ  
vbertate præuenerit distributor ille  
gratia

---

AN CHRISTI 1356. INNOC. VI. AN. 4.

---

gratiarum munificus, Dei filius Iesus Christus, qui dat omnibus sine improprio affluenter, quàmque præcordia tua suæ benedictionis imbre copiosè perfuderit, luculenter patuit hætenus, & nunc manifestiùs innotescet. Ipse namque tibi adhuc iuueniles annos agenti spiritum prouectioris infudit ætatis, ipse adhuc tennello corpori tuo robustiorem spiritum inspirauit. Ipse tuum circa beneplacita sua direxit animum, firmavit cor, roborauit & mentem, ita ut non mollia quælibet leuia, quibus, ut plurimùm, implicari solet iuuentus, illecebris multis obnoxia, complexus exstiteris, sed velut annis maturior, abhorrens delitias, & otia fugiens, ardua quæreres, appeteres strenua, interciperes magna, & virtuosa diligentius sectareris. Nec satis fuit tibi famæ tuæ claræ nascentis auspicia intra regni tui finus latissimos contineri; imò ut nomen tuum longè latèque claresceret, peregrinas perlustrare prouincias, & adire nationes extraneas voluisti; in quibus licèt more Principum studueris ipsius famæ compendiis prouidere, principalis tamen

AN. CHRISTI 1356. INNOC. VI. AN. 4.

tamen ad hoc tua pia dirigebatur intentio, vt Conditoris, Redemptorisque tui beneplacitis, ætatis, & operum tuorum primitias deuotus offerres. Probasti hoc certè Lituanos, & Ruthenos infideles frequenter expugnans: Hoc regni Rassiæ schismaticos, & hæreticos persequens demonstrasti. Quibus laudabilibus principiis tuis laudabile cupiens, Deo propitio, ad iicere medium, illaque desiderans, ipso præstante, felici exitu terminari, per Venerabilem Fratrem nostrum Petrum Episcopum Pacten. & dilectum filium Stephanum Electum Zagabrien. Nuntium tuum, & literas regias nobis exhibitas per eundem Nuntium, quas & cum benigne placideque recepimus, nobis nouiter intimasti, quodd tu moleste ferens iniurias, contumelias, & opprobria, quæ ipsi Redemptori tuo per eosdem schismaticos, & hæreticos dicti regni Rassiæ, ac terrarum, quæ Orosij se Regem Rassiæ nominantis, subsunt tyrannidi, & quæ vicinantur eisdem, iugiter inferuntur, illaque vltatrici dextera tua cupiens vindicare, ac desiderans vt schismaticorum

AN. CHRISTI 1356. INNOC. VI. AN. 4.

rum & hæreticorum ipsorum allisa perfidia, ac confutatis, & eradicatis erroribus eorundem, Christiana fides vbique clariore luce resplendeat, & nomen Domini Dei tui puris & deuotis Catholicorum vocibus collaudetur, eosdem schismaticos & hæreticos sub spe diuini auxilij & fauoris, expugnare constanti proposito decreuisti, humiliter supplicans, vt ad tam pij, tamque fauorabilis executionem operis tibi spiritualis fauoris præsidio assistentes, aduersus illos Crucem, in cuius signo per virtutem eius, qui pependit in illa, ipsius fidei hostes delere confidis, cum consuetis indulgentiis, & remissionibus, prædicari mandaremus, teque huiusmodi negotij Christiani, & populi proficiscentis ad promotionem illius, Capitaneum generalem constituere dignaremur. His itaque, Princeps inclyte, per quæ Catholicorum Principum, ex quibus ducis originem, prioris ætatis gesta magnifica in memoriam redeunt, & eis adiicitur multa gloriæ titulus, lætanter auditis, & lætantiùs intellectis, magnificauit anima nostra

H

Domini

AN. CHRISTI 1356. INNOC. V I. AN. 4.

Dominum, & noster in Deo saluari nostro spiritus exultauit, apud eum deuotas preces, & humiles effundentes, vt te in hoc feruore zeli, in hoc ardore spiritus, in hac sinceritate fidei per tempora longiora conseruans, gressus tuos dirigat, actiones informet, processibus faueat, viribus vires adiiciat, tibi de folio sancto suo mittat benignus auxilium, & de sede maiestatis eius opportunis te indefinenter fauoribus prosequatur, quatenus in brachio potentia tua ac virtutis virga infidelibus, quibúsque conuersis, & schismaticis, & hæreticis, prauitatis, & errorum suorum abiuratis tenebris Sacrosancta Mater Ecclesia, toto terrarum orbe in Christi fundatoris, Rectorisque sui glutino adunata, vna sit fides mentium, & pietas actionum: Votis igitur & petitionibus tuis in his de Fratrum nostrorum cōfilio gratanter annuimus, & huiusmodi verbum Crucis in eodem regno tuo, & nonnullis partibus aliis, in conficiendis super hoc literis exprimendis, sub certis modis, formis, & conditionibus concessimus proponendū. Eia ergo pugil Christi, athleta



AN. CHRISTI 1356. INNOC. VI. AN. 4.

athleta, Domini, miles fidei Christianæ,  
 accingere gladio, tolle arcum & phare-  
 tram, siue arma in virtute illius, *qui ma-* Psal. 143.  
*nus docet ad prælium, & digitos informat ad* v. 1.  
*bellum,* in virtute, inquam, eius, in con-  
 spectu cuius non est differentia, *in multis* 2. Reg.  
*liberare, vel in paucis,* & qui belli victoriam 14. v. 6.  
 fortitudinẽque largitur, fidem ipsam  
 impugnantes impugna, aufer opprobria  
 ipsi tuo exprobrantium Redemptori. Et  
 quanquam teneamus indubiẽ, quod tu,  
 qui in remotis infideles & schismaticos  
 persecutus es hactenus, & proponis per-  
 sequi, vt præfertur, eos in ipso regni tui  
 gremio pati non debeas, quoniam repre-  
 hensibile esset tibi sustinere in propriis  
 partibus, quod in aliis execraris; vt ta-  
 men feruens in hoc propositum tuum  
 nostris exhortationibus fortius accenda-  
 mus, Serenitatem tuam monemus, requi-  
 rimus, & hortamur in Domino, illam at-  
 tentè precantes, tibi que, tui honoris ac  
 salutis intuitu paternis & sanis consiliis  
 suadentes, quatenus prudenter atten-  
 dens, quod ignis, cuius longè positi vita-  
 tur incendium, periculosus in proximo  
 H 2 est,

AN. CHRISTI 1356. INNOC. V I. AN. 4.

est, & serpentis morsus, & venena propinqui timenda sunt ampliùs, quàm remoti, ante omnia pelle de Bosnen. & aliis dicti regni tui partibus hæreticam prauitatem. Morbus enim infectius est hæresis, & veluti serpens latenter inserpens, facilè inficit, simplices maximè, nisi prudentum studio, & peritia confutetur. Cæterùm, quia Dei negotia, licèt diuersa sint, ad vnum & eundem finem & exitum, mercedis videlicet æternæ præmium, diriguntur; Nos attendentes ad huiusmodi negotia Dei feruentissimum zelum tuum, & reputantes diuinæ dispensationis munere procuratum, vt in Italiam in manu forti, hoc descendentes tempore, quo in ea damnationis filij Franciscus de Ordelassis Foroliuen. ac Ioannes & Gullielmus de Manfredis Fauentini ciues, veluti hæretici sententialiter condemnati, ac nonnulli alij aduersus Romanam Ecclesiam Matrem tuam, abiecto timore Domini, & deposito amore filiali, rebellionis calcaneum erexerunt, tibi præter onus, quod aggredi, vt præfertur, intendis, ad laudis & mercedis

AN. CHRISTI 1356. - INNOC. VI. AN. 4.

dis tuæ cumulum onus aliud, generalis videlicet Capitaneatus officium, aduersus Franciscum, Ioannem, & Gulielmum eosdem, ac alios rebelles ipsius Ecclesiæ, qui sunt in omnibus terris ipsius Ecclesiæ, in Italia constituti, de dictorum fratrum consilio, sub quibusdam modis & formis fiducialiter duximus imponendum. Ad quod præter honorem & salutem tuam huiusmodi, illa etiam consideratio nos induxit, ut omni de terris eiusdem Ecclesiæ abiecta tyrannide, ac rebellionem repulsa, in promotione assumpti operis maiora Christi fidelium sentias, iuuante Domino, auxilia & fauores. Et quoniam ratione oneris Capitaneatus ipsius per nos tibi aduersus Franciscum, & Gulielmum ac rebelles eosdē, ut præfertur, impositi magna sumptuum onera habebis de necessitate subire, nos tibi, ut illa commodius perferas, cupientes de alicuius subuentionis auxilio prouidere, decimam Ecclesiasticorum reddituum dicti regni tui, usque ad triennium tibi duximus liberaliter concedendum. Quæ-

AN. CHRISTI 1356. INNOC. VI. AN. 4.

& partibus hæreticam prauitatem, animum regium potenter erexerit, & propositum regia virtute firmarit. Nos huiusmodi præfati Regis laudabile in hac parte propositum cupientes, Deo propitio, fructu operum adimpleri, & attendentes, quòd sicut habet multorum assertio, nonnulli solo nomine Christiani, eisdem hæreticis præstant auxilium, consilium & fauorem, mandamus quatenus vos, & quilibet vestrum per vos, vel aliū, seu alios in omnibus locis, de quibus videritis expedire, inhibeatis expressè omnibus & singulis, qui Christiana professione censentur, quòd nullus ex ipsis hæreticis, & schismaticis recipiendo ab eis stipendia, vel ministrando arma, seu quæuis alia subsidia, siue aliàs quomodolibet per terram, vel aquam præstent auxilium, consilium, adiutorium, vel fauorem, eos omnes, qui suæ salutis & honoris prodigi contra iura & inhibitionem huiusmodi venire tentauerint generaliter, aliis verò de quibus non legitimè constiterit specialiter, & nominatim expressos, declaretis incidisse in poenas & sententias in tales, per Ciuiles  
& Ca

AN. CHRISTI 1356. INNOC. VI. AN. 4.

& Canonicas sanctiones inflictas; & nihilominus in eos auctoritate nostra excommunicationis sententiam proferatis. Datum apud Villam novam Avinionen. Diœcesis decimo sexto Calendas Augusti, anno quarto,

B V L L A X I.

*Innocentius, &c.*

Dilecto Filio Nobili Viro Ioanni  
Gradonico Duci Venetiarum.

*Ut abstineat à fœdere ineundo cum  
Rassensibus.*

**A**D audientiam nostram peruenit, quòd tu & dilecti filij Commune Venetiarum cum Dei & fidei Catholicæ inimicis, & hostibus, Rege aliisque Rassens. schismaticis & hæreticis manifestis confœderationem iniisti & ligam, illamque iuramentorum interpositionibus & pœnarum adiectionibus roborasti. Quod

H ; licet

Ibid.fol.  
154.

AN. CHRISTI 1354. INNOC. VI. AN. 2.

giosi complures mendicantium Ordinum commissum sibi fore ab Apostolica Sede in eisdem partibus legationis officium minùs veraciter asserunt, eoque prætextu nonnulla temerè attentare præsumunt, in suarum & aliarum animarum periculum, & scandalum plurimorum. Cupientes igitur huiusmodi eiusdem Orthodoxæ fidei, & animarum periculis, prout ex debito præmissi tenemur officij, opportunis & efficacibus studiis obviare, ac de vestræ circumspectionis industria gerentes in iis, & alijs, fiduciam in Domino specialem, fraternitati vestræ per Apostolica scripta committimus & mandamus, quatenus vos, vel alter vestrum ad loca dictarum partium, de quibus vobis magis expedire videbitur, vos personaliter conferentes, & contra errantes, præsumptores, attentatores huiusmodi pro Ecclesia sancta Dei vos defensionis murum viriliter opposcentes, præmissa schismata dissipare, sectas dissolvere, errores euellere, excessus corrigere, deformata reformare, & errantes ipsos ad veram ipsius Catholicæ fidei unitatem, &  
Eccle

ANNO CHRISTI 1354. INNOC. VI. AN. 2.

Ecclesiæ præfatæ ritus & mores reducere, quantum vobis inspirabit Altissimus, auctoritate nostra fideliter studeatis, inuocato ad hoc, si opus fuerit, auxilio brachij sæcularis. Contradictores quoslibet & rebelles cuiuscunque præminentia, status, Ordinis, vel conditionis existant, auctoritate nostra per censuram Ecclesiasticam, appellatione postposita compescendo. Quæcunque verò in præmissis duxeritis facienda, & quæ vobis aliàs circa hæc videantur agenda, nobis fideliter & solerter intimare curetis, ut super ipsis providere salubriter, auctore Domino, valeamus. Datum Avinione VI. Calendas Ianuarij anno secundo.

BVLLA

AN. CHRISTI 1354. INNOC. VI. AN. 2.

## B V L L A V I I.

*Innocentius, &c.*

Charissimo in Christo filio Ludouico Regi Hungariæ illustri salutem.

*Commendat ei prædictos Nuncios.*

Ibid. fol.  
238.

**C**Um Venerabiles Fratres nostros Bartholomæum Tragurien. & Petrum Pacten. Episcopos, Apostolicæ Sedis Nuntios pro vniendis & aggregandis vnitati Ecclesiæ matri suæ; auctore Domino, Rege Rassæ illustri, & populis subditis ipsi Regi, ad partes illas præsentialiter destinemus, Serenitatem tuam attentè requirimus, & rogamus, quatenus eisdem Nuntiis, quibus super præmissis aliqua tibi exponenda oretenus duximus iniungenda, in iis, quæ tibi pro parte nostra retulerint, adhibens plenam fidem, cisi in promotione & consummatione tam salutaris & Deo grati negotij, pro diuinæ  
Maie



---

AN. CHRISTI 1356. INNOC. VI. AN. 4.

---

Maiestatis reuerentia, tuæ consideratione salutis, & nostræ interuentionis obtentu, tuum, de quo specialiter confidimus & speramus, præbeas auxilium, consilium, & fauorem. Datum Auinione 10. Calendas Septembris anno secundo.

---

## B V L L A V I I I.

*Innocentius, &c.*

Dilecto filio nobili Viro Duci Venetiarum salutem.

*Eidem similiter prædictos commendat.*

**A**Ttendentes quantum expediret Ibidem. Christiano populo, maxime partium Orientis, si Rex Rassiæ illustris, & subditi sibi populi reaggregarètur vnitati Ecclesiæ, à qua ipsos pater schismatis, peccatis exigentibus, separauit, consulta de liberatione prouidimus Venerabiles Fratres nostros Bartholomæum Tragurien. qui

AN. CHRISTI 1356. INNOC. VI. AN. 4.

qui aliàs super hoc negotio laborauit vtiliter, & Petrum Pacten. Episcopos ad partes illas sub spe diuini præsidij destinandos. In quo sperantes deuotionem tuam fauorabilem inuenire, Nobilitatem tuam attentè rogamus, quatenus eisdem Episcopis ad tam salutaris prosecutionem negotij, & specialiter circa transitum maris, impendas, pro diuina, ac nostra, & Apostolicæ Sedis reuerentia, auxilia, & fauores. Datum Auinione 9. Calendas Septembris anno secundo.

B V L L A I X.

*Innocentius, &c.*

Charissimo in Christo filio Ludouico Regi Hungariæ illustri.

*Suadet vt bellum Rex inferat schismaticis, & exercitus Christiani Imperatorem instituit.*

Ex lib.  
secreto-  
rū an. 4.  
fol. 150.

**Q**uanta te, fili charissime, gratiæ suæ vbertate præuenierit distributor ille gratia

---

AN CHRISTI 1356. INNOC. VI. AN. 4.

---

gratiarum munificus, Dei filius Iesus Christus, qui dat omnibus sine improprio affluenter, quàmque præcordia tua suæ benedictionis imbre copiosè perfuderit, luculenter patuit hætenus, & nunc manifestius innotescet. Ipse namque tibi adhuc iuueniles annos agenti spiritum prouectioris infudit ætatis, ipse adhuc tennello corpori tuo robustiorem spiritum inspirauit. Ipse tuum circa beneplacita sua direxit animum, firmauit cor, roborauit & mentem, ita ut non mollia quælibet leuia, quibus, ut plurimum, implicari solet iuuentus, illecebris multis obnoxia, complexus exstiteris, sed velut annis maturior, abhorrens delitias, & otia fugiens, ardua quæreres, appeteres strenua, interciperes magna, & virtuosa diligentius sectareris. Nec satis fuit tibi famæ tuæ claræ nascentis auspicia intra regni tui sinus latissimos contineri; imò ut nomen tuum longè lateque claresceret, peregrinas perlustrare prouincias, & adire nationes extraneas voluisti; in quibus licèt more Principum studueris ipsius famæ compendiis prouidere, principalis  
tamen

AN. CHRISTI 1356. INNOC. VI. AN. 4.

tamen ad hoc tua pia dirigebatur intentio, vt Conditoris, Redemptorisque tui beneplacitis, ætatis, & operum tuorum primitias deuotus offerres. Probasti hoc certè Lituanos, & Ruthenos infideles frequenter expugnans: Hoc regni Rassiæ schismaticos, & hæreticos persequens demonstraſti. Quibus laudabilibus principiis tuis laudabile cupiens, Deo proprio, adiicere medium, illaque desiderans, ipso præſtante, felici exitu terminari, per Venerabilem Fratrem nostrum Petrum Episcopum Paſten. & dilectum filium Stephanum Electum Zagabrien. Nuntium tuum, & literas regias nobis exhibitas per eundem Nuntium, quas & cum benignè placidèque recepimus, nobis nouiter intimaſti, quòd tu moleſtè ferens iniurias, contumelias, & opprobria, quæ ipſi Redemptori tuo per eoſdem ſchismaticos, & hæreticos dicti regni Rassiæ, ac terrarum, quæ Oroſij ſe Regem Rassiæ nominantis, ſubſunt tyrannidi, & quæ vicinantur eiſdem, iugiter inferuntur, illaque vltatrici dextera tua cupiens vindicare, ac desiderans vt ſchismaticorum

AN. CHRISTI 1356. INNOC. VI. AN. 4.

rum & hæreticorum ipsorum allisa perfidia, ac confutatis, & eradicatis erroribus eorundem, Christiana fides vbique clariore luce resplendeat, & nomen Domini Dei tui puris & deuotis Catholicorum vocibus collaudetur, eisdem schismaticos & hæreticos sub spe diuini auxilij & fauoris, expugnare constanti proposito decreuisti, humiliter supplicans, vt ad tam pij, tamque fauorabilis executionem operis tibi spiritualis fauoris præsidio assistentes, aduersus illos Crucem, in cuius signo per virtutem eius, qui pependit in illa, ipsius fidei hostes delere confidis, cum consuetis indulgentiis, & remissionibus, prædicari mandaremus, téque huiusmodi negotij Christiani, & populi proficiscentis ad promotionem illius, Capitaneum generalem constituere dignaremur. His itaque, Princeps inclyte, per quæ Catholicorum Principum, ex quibus ducis originem, prioris ætatis gesta magnifica in memoriam redeunt, & eis adiicitur multæ gloriæ titulus, lætanter auditis, & lætantiùs intellectis, magnificauit anima nostra

H

Domi

AN. CHRISTI 1356. INNOC. VI. AN. 4.

Dominum, & noster in Deo salutari nostro spiritus exultauit, apud eum deuotas preces, & humiles effundentes, vt te in hoc feruore zeli, in hoc ardore spiritus, in hac sinceritate fidei per tempora longiora conseruans, gressus tuos dirigat, actiones informet, processibus faueat, viribus vires adiiciat, tibi de folio sancto suo mittat benignus auxilium, & de sede maiestatis eius opportunis te indefinenter fauoribus prosequatur, quatenus in brachio potentiae tuae ac virtutis virga infidelibus, quibuscque conuersis, & schismaticis, & haereticis, prauitatis, & errorum suorum abiuratis tenebris Sacrosancta Mater Ecclesia, toto terrarum orbe in Christi fundatoris, Rectorisque sui glutino adunata, vna sit fides mentium, & pietas actionum: Votis igitur & petitionibus tuis in his de Fratrum nostrorum consilio gratanter annuimus, & huiusmodi verbum Crucis in eodem regno tuo, & nonnullis partibus aliis, in conficiendis super hoc literis exprimendis, sub certis modis, formis, & conditionibus concessimus proponendum. Eia ergo pugil Christi,  
athleta

AN. CHRISTI 1356. INNOC. VI. AN. 4.

athleta, Domini, miles fidei Christianæ,  
 accingere gladio, tolle arcum & phare-  
 tram, siue arma in virtute illius, *qui ma-* Psal. 143.  
*nus docet ad prælium, & digitos informat ad* v. 1.  
*bellum*, in virtute, inquam, eius, in con-  
 spectu cuius non est differentia, *in multis* 2. Reg.  
*liberare, vel in paucis*, & qui belli victoriam 14. v. 6.  
 fortitudinēque largitur, fidem ipsam  
 impugnantes impugna, aufer opprobria  
 ipsi tuo exprobrantium Redemptori. Er-  
 quanquam teneamus indubiè, quod tu,  
 qui in remotis infideles & schismaticos  
 persecutus es hactenus, & proponis per-  
 sequi, vt præfertur, eos in ipso regni tui  
 gremio pati non debeas, quoniam repre-  
 hensibile esset tibi sustinere in propriis  
 partibus, quod in aliis execraris; vt ta-  
 men feruens in hoc propositum tuum  
 nostris exhortationibus fortius accenda-  
 mus, Serenitatem tuam monemus, requi-  
 rimus, & hortamur in Domino, illam at-  
 tentè precantes, tibi que, tui honoris ac  
 salutis intuitu paternis & sanis consiliis  
 suadentes, quatenus prudenter atten-  
 dens, quod ignis, cuius longè positi vita-  
 tur incendium, periculosus in proximo  
 H 2 est,

AN. CHRISTI 1356. INNOC. VI. AN. 4.

est, & serpentis morsus, & venena propinqui timenda sunt ampliùs, quàm remoti, ante omnia pelle de Bosnen. & aliis dicti regni tui partibus hæreticam prauitatem. Morbus enim infectius est hæresis, & veluti serpens latenter inserpens, facilè inficit, simplices maximè, nisi prudentum studio, & peritia confutetur. Cæterùm, quia Dei negotia, licèt diuersa sint, ad vnum & eundem finem & exitum, mercedis videlicet æternæ præmium, diriguntur; Nos attendentes ad huiusmodi negotia Dei feruentissimum zelum tuum, & reputantes diuinæ dispensationis munere procuratum, vt in Italiam in manu forti, hoc descendentes tempore, quo in ea damnationis filij Franciscus de Ordelaſſis Foroliuen. ac Ioannes & Gullielmus de Manfredis Fauentini ciues, veluti hæretici sententialiter condemnati, ac nonnulli alij aduersus Romanam Ecclesiam Matrem tuam, abiecto timore Domini, & deposito amore filiali, rebellionis calcaneum erèxerunt, tibi præter onus, quod aggredi, vt præfertur, intendis, ad laudis & mercedis



AN CHRISTI 1356. INNOC. VI. AN. 4.

dis tuæ cumulum onus aliud, generalis videlicet Capitaneatus officium, aduersus Franciscum, Ioannem, & Gulielmum eosdem, ac alios rebelles ipsius Ecclesiæ, qui sunt in omnibus terris ipsius Ecclesiæ, in Italia constituti, de dictorum fratrum consilio, sub quibusdam modis & formis fiducialiter duximus imponendum. Ad quod præter honorem & salutem tuam huiusmodi, illa etiam consideratio nos induxit, vt omni de terris eiusdem Ecclesiæ abiecta tyrannide, ac rebellionē repulsa, in promotione assumpti operis maiora Christi fidelium sentias, iuuante Domino, auxilia & fauores. Et quoniam ratione oneris Capitaneatus ipsius per nos tibi aduersus Franciscum, & Gulielmum ac rebelles eosdē, vt præfertur, impositi magna sumptuum onera habebis de necessitate subire, nos tibi, vt illa commodius perferas, cupientes de alicuius subuentionis auxilio providere, decimam Ecclesiasticorum reddituum dicti regni tui, vsque ad triennium tibi duximus liberaliter concedendum. Quæ-

H 3

sumus

AN. CHRISTI 1356. INNOC. VI. AN. 4.

sumus itaque, ac huiusmodi precibus nostris instanter adiicimus, ut huiusmodi Capitaneatus officium aduersus Franciscum, Ioannem & Gulielmum, ac alios rebelles eosdem acceptes, placidè, ac fauorabiliter prosequaris, & rebelles ipsos, cum, & de quibus per nos, seu Venerabilem fratrem nostrum Ægidium Episcopum Sabinen. Apostolicæ Sedis Legatum, fueris requisitus, potenter expugnans, confidimus enim in potentia Domini, & de Beati Petri Apostolorum Principis, cuius causam agimus, meritis & intercessione speramus, quòd citò rebellium ipsorum contumacia sub virtutis tuæ malleo conteretur, & elidetur omnino, & quòd eis ad gratiam & sinum Ecclesiæ ipsius reuocatis, idem Princeps Apostolici Ordinis, tui erit comes itineris, ac pro illius directione felici & salute tua efficax apud Dominum, & assiduus intercessor, super quibus præfati Episcopus & Electus tibi pro parte nostra loquentur plenius, quibus adhibere poteris plenam fidem. Datum apud Villam nouam Auinionen. Diocesis tertio Idus

ANNO CHRISTI 1356. INNOC. VI. AN. 4.

Idus Augusti, Pontificat. nostri anno quarto.

B V L L A X.

*Innocentius, &c.*

Venerabilibus Fratribus Aquileien.  
& Graden. Patriarchis, & Archie-  
piscopo Salseburgen.

*Ut prohibeant ne quis schismaticis aut  
hereticis fauorem aut auxilium  
præstet contra Regem.*

**C**VM charissimus in Christo filius no- Ibid. fol.  
ster Ludouicus Rex Hungariæ Illu- 152.  
stris, tactus dolore cordis intrinsecus su-  
per iniuriis, & opprobriis, quæ per schis-  
maticos & hæreticos regni Rassiæ, ac ei-  
dem regno partium vicinarum Christia-  
næ fidei, quin imò Christo Domino, qui  
eiusdem fidei caput & auctor est, inferû-  
tur, ad expugnandum hæreticos & schis-  
maticos ipsos, & delendam de ipsis regno

H 4 & par

AN. CHRISTI 1356. INNOC. VI. AN. 4.

& partibus hæreticam prauitatem, animum regium potenter erexerit, & propositum regia virtute firmarit. Nos huiusmodi præfati Regis laudabile in hac parte propositum cupientes, Deo propitio, fructu operum adimpleri, & attendentes, quod sicut habet multorum assertio, nonnulli solo nomine Christiani, eisdem hæreticis præstant auxilium, consilium & fauorem, mandamus quatenus vos, & quilibet vestrum per vos, vel aliū, seu alios in omnibus locis, de quibus videritis expedire, inhibeatis expressè omnibus & singulis, qui Christiana professione censentur, quod nullus ex ipsis hæreticis, & schismaticis recipiendo ab eis stipendia, vel ministrando arma, seu quauis alia subsidia, siue aliàs quomodolibet per terram, vel aquam præstent auxilium, consilium, adiutorium, vel fauorem, eos omnes, qui suæ salutis & honoris prodigi contra iura & inhibitionem huiusmodi venire tentauerint generaliter, aliis verò de quibus non legitimè constiterit specialiter, & nominatim expressos, declaretis incidisse in pœnas & sententias in tales, per Ciuiles  
& Ca

AN. CHRISTI 1356. INNOC. VI. AN. 4.

& Canonicas sanctiones inflictas; & nihilominus in eos auctoritate nostra excommunicationis sententiam proferatis. Datum apud Villam nouam Auinionen. Diœcesis decimo sexto Calendas Augusti, anno quarto,

B V L L A X I.

*Innocentius, &c.*

Dilecto Filio Nobili Viro Ioanni  
Gradonico Duci Venetiarum.

*Ut abstineat à fœdere ineundo cum*

*Rassensibus.*

**A**D audientiam nostram peruenit, quòd tu & dilecti filij Commune Venetiarum cum Dei & fidei Catholicæ inimicis, & hostibus, Rege aliisque Rassens. schismaticis & hæreticis manifestis confœderationem iniisti & ligam, illamque iuramentorum interpositionibus & pœnarum adiectionibus roborasti. Quod

H ; licèt

Ibid. fol.  
154.

AN. CHRISTI 1556. INNOC. V. L. AN. 4.

licet attenda sinceritate deuotionis & fidei, quam tu & dicti Commune semper ad Deum, qui eiusdem fidei actor est & caput, habuistis, credere facile non possumus, tamen tuis & dictorum Communis super hoc famæ & saluti consulere paternæ sollicitudine cupientes, & attendentes, quod huiusmodi liga inter charissimum in Christo Filium nostrum Ludouicum Regem Hungariæ Illustræ, qui Rassen. eosdem, ad extirpandum de partibus illis prauitatem hæreticam, fauente Domino, expugnare proponit, & te inuicem dissidentes, ad quorum pacem procurandam enitmur, seminarium maioris dissidij esse posset, Nobilitatem tuam attentè requirimus & hortamur, illam attentè rogantes, tibi quæ suadentes paternis consiliis, & tuæ salutis intuitu expressius iniungentes, quatenus ab omni auxilio, consilio, fauore, ac adiutorio hæreticis & schismaticis ipsis occasione huiusmodi confœderationis, seu ligæ, aut alterius cuiuslibet pactionis quocunque titulo, seu nomine censeatur, præstando prorsus abstineas, & subditos tuos omnino  
compe

AN. CHRISTI 1356. INNOC. VI. AN. 4.

compescas. Nos enim ligam, confœderationem, & quascunque pactiones aliàs inter te, seu prædecessores tuos Duces Venetiarum & dictos Commune initas, factas, & habitas cassamus, & irritamus, & nullius esse decernimus roboris, vel momenti, pœnas & iuramenta huiusmodi relaxantes. Cæterùm huiusmodi precibus nostris adiicimus, ut ea quæ Venerabilis Frater noster Petrus Episcopus Paten. Apostolicæ Sedis Nuntius lator præsentium tibi super hoc pro parte nostra retulerit, credas indubiè, illaque ad effectum votiux consummationis adducas. Datum apud Villam nouam Auinionen. Diœcesis decimo sexto Calendas Augusti, anno quarto.

B V L L A

AN. CHRISTI 1356. INNOC. VI. AN. 4.

## B V L L A X I I.

*Innocentius &c.*

Charissimo in Christo Filio Ludouico Regi Hungariæ Illustri.

*Hortatur ut Rex pacem ineat cum  
Duce Venetiarum.*

Ibid. fol.  
153.

**D**iscordia, quam inter te, & dilectum filium Nobilem Virum Ducem Venetiarum, pacis æmulus, peccatis exigentibus, suscitauit, eò nobis est, nec indignè, molestior, quò Dei negotiis, ad quorum promotionè, sicut Princeps Catholicus feruenter aspiras, contraria potius redditur & nociua. Et ideò illam viis & modis omnibus succidere cupientes, dilecto Filio Stephano Electo Zagrabien. Nuntio tuo apud Sedem Apostolicam constituto, locuti fuimus super illa, ipseque nobis placidè plurimùm, gratèque respondit, quòd tu sicut pacis amicus, & confusus de iustitia causæ tuæ paratus eras omnem discordiæ causam, quàm cum Duce habes eodem in manibus nostris



---

AN. CHRISTI 1356. INNOC. V I. AN. 4.

---

stris liberè ponere, & insuper gentes bellicas, quas aduersus eum congregasti, effectualiter remouere. Super quo Serenitatem tuam meritis gratiarum actionibus prosequentes, & ex obligatione vberi vberiore consequi indubiè sperantes effectum, memorato Duci per alias nostras literas scribimus super hoc, sicut vidimus negotio conuenire. Quapropter Serenitatem eandem instanter, & affectuosè precamur, fiducialiter expetentes, quatenus liberalem, & gratam oblationem huiusmodi, sicut de tua filiatione plenè confidimus, velis affectu grato & placido liberaliter adimplere. Speramus enim, quòd Omnipotès Dominus pacis auctor, periculis, quæ ex discordia ipsa imminet populo Christiano, interuentu pacis amabilis finem imponet optatum. Super quo, vt affectionis nostræ plenitudinem percipias, clariùs Venerabili Fratri nostro Petro Episcopo Pacten. & eidem Electo imposuimus aliqua tuo culmini pro parte nostra per eos ore tenus exponenda. Et idèò precibus nostris adiicimus, vt retribus Episcopi & Electi prædictorum in-

præmis

AN. CHRISTI 1356. INNOC. VI. AN. 4,  
præmissis adhibeas plenam fidem. Datum  
apud Villam nouam Auinionen. Diœce-  
sis tertio Idus Augusti, anno quarto.

B V L L A X I I I.

*Innocentius, &c.*

Dilecto Filio Nobili Viro Ioanni  
Gradonico Duci Venetiarum.

*Ut pacem ineat cum Rege Hungariae.*

Ibidem.

**S**icut per literas nostras, & Venerabi-  
lem Fratrem nostrum Bon-Ioannem  
Episcopum Firmanum, Apostolicæ Sedis  
Nuntium, significauimus tibi nuper, dis-  
cordia, quam inter charissimum in Chri-  
sto Filium nostrum Ludouicum Hunga-  
riæ Regem Illustræ, & te, pacis æmulus  
fuscitauit, molesta nobis est admodum, &  
eo tædiosior redditur, quò Dei negotiis,  
præsertim partium Orientis amplius est  
nociua. Ad succidendum itaque illam,  
vias & modos sollicitè perquirentes, à  
quibus

AN. CHRISTI 1356. INNOC. VI. AN. 4.

quibusdam Nuntiis dicti Regis apud Sedem Apostolicam constitutis, nuper audiuius, quòd idem Rex paratus est in manibus nostris ponere liberè omnem, quæ inter eum & te vertitur, quæstionem, & omnem, quem super terras tuas tenet exercitum remouere. Quapropter Nobilitatem tuam attentè requirimus, & hortamur, illam attentius deprecantes, ac tibi tuæ salutis intuitu expressius iniungentes, quatenus ipsius Regis in hac parte considerans voluntatem, viam pacis & cōcordiæ non refugias, sed acceptes: nosti enim quòd guerrarum prosecutio, præter sumptuum onera, tristes vt plurimùm exitus parere consuevit, cùm nunc illum ferrum perimat, nunc gladius hunc absumat, & nunc subducatur alius illum casus. Super quo, quia, sicut discretio tua nouit, in talibus est periculosa dilatio, intentionem tuam nobis cum celeritate rescribas, crediturus iis, quæ Venerabilis Frater noster Petrus Episcopus Pacten. Apostolicæ Sedis Nuntius, lator præsentium, tibi pro parte nostra retulerit in præmissis. Datum apud Villam nouam Aui-  
nionen.

AN. CHRISTI 1356. INNOC. VI. AN. 4.  
nionen. Dioces. quarto Idus Augusti,  
anno quarto.

B V L L A X I V.

*Innocentius, &c.*

Magnifico Principi Ioanni Palæo-  
logo Imperatori Græcorum Il-  
lustri.

*Inuitat ad unionem cum Ecclesia  
Latina.*

ibid. fol.  
140.

**V**enerabilis Frater noster Paulus Ar-  
chiepiscopus Smyrnen. & Nobilis  
Vir Nicolaus Sigeros, Megateriarchi, &  
Apocrisarij Magnitudinis tuæ ad Sedem  
Apostolicam venientes, quasdam clausas,  
per quas eorum adhiberi fidem relatibus  
petiisti, & quasdam alias patentes literas  
tuas aurea bulla tua, & Imperialis manus  
subscriptione munitas, nobis tuo nomi-  
ne obtulerunt, inter cætera continentes,  
quod tu, ut literarum ipsarum verbis  
utramur,

AN. CHRISTI 1356. INNOC. VI. AN. 4.

vtamur, iuraueras tactis per te Sacrosanctis scripturis ad sancta Dei Euangelia, & Sanctam Trinitatem, Patrem, & Filium, & Spiritum sanctum, vnum verum Deum, & tres personas, & per Iesum Christum Deum & Saluatorem nostrum, & per Virginem Dei Genitricem Mariam, ac per sanctam & viuificantem crucem Christi, ac per Apostolos, aliosque Sanctos, ac eidem insuper Archiepiscopo, nomine ac vice nostris recipienti promitteras, quod absque dolo, fraude, ac defectu, toto posse, ac omnibus viribus tuis, & cuncto conatu esse fidelis, obediens, reuerens, & deuotus nobis, & successoribus nostris Romanis Pontif. & quod reciperes Legatos, & Nuncios nostros, & eorum cum omni reuerentia & deuotione, ac faceres toto posse, totoque conatu tuo, quo omnes populi sub tuo Imperio consistentes, & tue iurisdictioni subiecti, siue essent laici, siue Clerici, cuiuscunque conditionis, & status, aut dignitatis existerent, essent fideles, obediens, reuerentes, & deuoti nobis & successoribus nostris antefatis. Hæc, Princeps inclite,

I

tuae

AN. CHRISTI 1356. INNOC. V I. AN. 4.

tux conuerſionis initia, hæc deuotionis primordia, hæc firma fidei fundamenta, huiusmodi literæ tuæ, vt præmittitur, continebant. Hæc iidem Apocryſarij viux vocis ministerio, clariùs & ſerioſiùs reſerarunt, humiliter ſupplicantes, vt tibi, velut de regione diſſimilitudinis venienti, effunderemus benedictionis Apoſtolicæ gratiam, panderemus paternæ dulcedinis gremium, & aduerſus inſultus & impugnationes hoſtiles Turcarum infidelium, ac rebellium dictorum audaciam auxilij dexteram ſalutaris extendere dignaremur. In quorum lectione meliſſua, & placito auditu verborum, tanto nos & Frâtres noſtri S. R. E. Cardinales, aliique Prælati exultauiſus gaudio, tanta fuiſus reſperſi lætitia, tantæque iucunditate perſuſi, quanta vix intellectus capere ſufficit, vix humana poteſt lingua narrare; exultauiſus ſiquidem in tuo diu deſiderato, & expectato reditu ad ipſius Eccleſiæ vnitatem, exultauiſus in conuerſione numeroſæ multitudinis, quam præſtante Deo, & cooperante te abſque dubitatione ſperamus. Exultauiſus,

AN. CHRISTI 1356. INNOC. VI. AN. 4.

mus, quòd malignus hostis superatis fraudibus eius, elusis artibus, & vinculis dissolutis ingemiscit, & plangit plebis, quæ sub ipsius antea tyrannide fuerat, libertatem, & animarum millia, quæ gehennæ flammis crucianda immaniter expectabat, sentit, & videt paradisi gaudiis inferenda. Sed licet Nobis & vniuersis, qui Christiana professione censentur, vna sit lætandi communis ratio, tibi tamen principalis est causa gaudendi, tibi exultationis materia singularis, tibi iubilationis occasio potior, tibi gloriæ principatus. Tu enim principij Princeps, tu minister huius ministerij salutaris, tu huiusmodi opifex operis, tu promotor, tu populorum Dux, & director errantium, tu auriga, tu currus, tu illuminatus ab eo, qui omnem hominem venientem in hunc mundum illuminat, lucernam in te fidei & veritatis accensam sic super candelabrum altius ponere satagis, vt non solum tibi, sed habitantibus in regione vmbre mortis luceat ad salutem. Tu terreni regni gubernacula sic studes secundum beneplacita illius, à quo tibi concessa sunt,

I 2

mode



AN. CHRISTI 1356. INNOC. VI. AN. 4.

moderare, ut nationes, quæ imperio tuo subsunt, temporaliter iuste regens, & spiritualiter ea dirigens eorum deliramenta, quibus hætenus peccatis exigentibus, oculi eorum, ne lumen veritatis agnoscerent, tenebantur, pio laboras abiiicere studio ab eisdem. Hæc sunt, quæ regnantium sceptrâ clarificant, hæc principantium culmina erigunt. Hæc imperia roborant, hæc regna confirmant. Hæc certè Catholicorum Principum fides exigit, hæc requirit, fides enim est, quæ in Principe pulchrius nil refulget; fides est, quæ iustificat impios, quæ de impiis efficit sanctos, fides est, extra quâ nulli est gratia, nulli salus, quæ cum vna & indiuisibilis sit, quisquis ab ea diuisus est, abscissus est à salute. Age itaque & considerans quòd si bonum opus in intentione fuerit, erit in perfectione, quòd laudabile prosequaris, & ad finem usque perducas operatum. Considera quòd si *gaudium est Dei*  
 Lucæ 15. *Angelis super vno peccatore penitentiam*  
 v. 10. *agente*, quantis curia illa cœlestis perstrepet gaudiis, quantis beata illa supernorum ciuium agmina laudum præconiis  
 exul



ANNO CHRISTI 1356. INNOC. VI. AN. 4.

exultabunt in pœnitentia & conuersione  
tam innumerabilium populorum Persta,  
fatage, & labora vt ille, cuius perfecta  
sunt opera, perficiat benignus per te,  
quod per te dedit pius & misericors in-  
choare; vnaquæque enim res denomina-  
tur ab exitu; & sicut ciuilis sapientia  
clamitat, nihil actum videtur existere  
cùm superest aliquid ad agendum, ac  
iuxta Euangelicam veritatem, *non qui in-* Matt. 10.  
*ceperit, sed qui perseuerauerit, saluus erit.* Vt v. 22.

ergo exitus acta prober, & nihil superes-  
se penitus videatur, opere feliciter con-  
summato, ac vsque ad finem constantius  
perseuerans, salutis æternæ mercedem  
percipere merearis; *inſta*, iuxta doctri-  
nam Apostoli, non solum *opportune*, si 2. Timot.  
sufficit, sed etiam si expedit *importune*. 4. v. 2.

Tunc enim lata tibi, & festiua celebri-  
tate præfata occurret Ecclesia, in adiuto-  
rium tuum intendet sollicita supplicatio-  
nibus apud Deum, tunc tibi spirituali-  
bus auxiliis aderit, tunc Principum Chri-  
stianorum præsidia in tuum subsidium  
implorabit, vt eorundem infidelium per-  
secutione sublata, ac rebellium tuorum

AN. CHRISTI 1356. INNOC. VI. AN. 4.

humiliata ceruice, tibi & eisdem populis  
 tuis hîc pacis & quietis arrideat plenitu-  
 do, & in futuro cum Sanctis & electis  
 Dei gloria præstetur æterna. Cæterum  
 ut nostra tibi super his affectio certiùs &  
 plenius pateat, & quod scriptura nequit  
 compendiosa comprehendere, suppleat  
 homo uiuus. Venerabiles Fratres nostros  
 Petrum Pacten. & Gulielmum Sisopoliten.  
 Episcopos, Apostolicæ Sedis Nun-  
 tios, latores præsentium, viros utique pau-  
 peres spiritu, sed insignes virtute, & in le-  
 ge Domini plenius eruditos, ad te ac par-  
 tes ipsas prouidimus destinandos: Et ideo  
 Serenitatem tuam monemus, requirimus,  
 & hortamur in Domino, illam attentè  
 rogantes, tibi que tuæ salutis intuitu in-  
 iungentes, quatenus eosdem Nuntios pro  
 nostra, & dictæ Sedis reuerentia, benignè  
 recipias, & eorum, & cuiuslibet eorum sa-  
 lutaribus monitis, sicut speramus, & cre-  
 dimus, acquiescas. Datum apud Villam  
 nouam Auinionen. Diœcesis duodecimo  
 Calendas Augusti anno quarto.

BVLLA

## B V L L A X V.

*Innocentius, &c.*

Patriarchæ Græcorum.

*Idem persuadet.*

**A**gimus Omnipotenti Deo grates, & gratias, quòd ipse magnifico Principi Ioanni Palæologo Imperatori Græcorum Illustri pietatis suæ dono salutis spiritum inspirauit, & sic mentis suæ tenebras suæ visitationis gratia illustrauit, quòd Imperator idem schismate ac erroribus, quibus antea tenebatur implicitus, abiuratis, ad sanctæ Romanæ, Catholicæ, atque Apostolicæ, & vniuersalis Ecclesiæ gremium, ac ad vnā, & indiuisibilem fidem eiusdem Ecclesiæ, extra quam teste Apostolo, nulli est gratia, nulli salus, Hebr. 11. vsus consilio meliore, conuersus, Eccle- v. 6. siam ipsam suam & vniuersorum Christi fidelium dominam, & per regenerationis lauacrum matrem, firmiter, & simpliciter recognouit. In quo quanto exultauimus

AN. CHRISTI 1356. INNOC. VI. AN. 4.

gaudio, quanta fuerimus lætitia, & iucunditate perfusi, difficile posset humana lingua narrare. Sed illud nobis ad lætitiæ cumulum potioris accreuit, quòd te, cuius in omnibus idem Imperator, sicut fertur, consilio regitur, principalem salutaris huiusmodi credimus operis promotorem, quanquam scribentibus nobis super hoc multis Latinis & Græcis ad gaudium, nulla nobis litera tua fuerit præsentata, quod vel incuria nuntiorum, aut ex aliquo casu fortuito, non ex proposito credimus contigisse. Ut ergo fidei & credulitati nostræ testis accedat exhibitio operis, & probatio veritatis, discretionem tuam monemus, requirimus, & hortamur in Domino, illam attentè rogantes, tibi que tuæ salutis intuitu expressius iniungentes, quatenus prudenter considerans, quantis illa supernorum civium agmina gaudiis exultabunt, in tua, & ipsius Imperatoris, ac numerosæ multitudinis Græcorum conuersione, quam, Deo propitio, consequi credimus & speramus, quando *Dei Angelis super uno peccatore agente penitentiam, maius, quàm supra*  
*nona*

Lucæ 15.  
v. 10.

AN. CHRISTI 1356. INNOC. VI. AN. 7.

*nonaginta nouem iustis qui non egent pœnitentia, esse gaudium.* Euangelica veritas attestatur, huiusmodi salutare opus, præstante Deo feliciter inchoatum vsque ad ipsius felicem exitum, quod pius & misericors dignetur ipse concedere, operosis & efficacibus assiduè studiis prosequaris. Nosti enim, quòd non qui incepit, sed qui perseuerauerit, saluus erit; nec ignoras, quòd si intentione fuerit bonum opus, erit etiam in perfectione, cum adiutorio Dei, cuius opera sunt perfecta. Cuiusmodi perfectionem operis inter omnia desiderabilia mundi huiusmodi vehementissimè cupientes, Venerabiles Fratres nostros Petrum Pacten. & Gulielmum Sisopolitan. Episcopos, Apostolicæ Sedis Nuntios, latores præsentium, viros quidem pauperes spiritu, & virtutibus multis insignes, ad te, ac Imperatorem ipsum, ac partes ipsas, sub spe diuini auxilij & fauoris prouidimus destinandos, precibus & adhortationibus nostris huiusmodi adiungentes, vt eos benignè recipias, informes consiliis, & auxiliis foneas opportunis. Ita quòd ex messe, quæ

AN. CHRISTI 1359. INNOC. VI. AN. 7.

multa est, præstante Domino messis, & cooperante etiam, manipulos plurimos ad aream deferre Domini feliciter valeamus. Datum apud Villam nouam Auinionen. Diœces. decimo quinto Calendæ Septembris, anno quarto.

B V L L A XVI.

*Innocentius ꝑꝑc.*

Dilecto filio Nobili viro Francisco Gatteluxio Domino Insulæ Metellini.

*Intimat se Nuncios mittere ad Imperatorem.*

Ibid. fol.  
164.

**P**ER literas tuas, quas per tua benignitate recepit, intimasti nobis, quòd inspirante Deo, & cooperante te, Magnificus Princeps Ioannes Palæologus Imperator Græcorum Illustris, vnà cum subiecto ei populo abiurare schisma, quo fuerunt ab vnitatē sanctæ Romanæ

AN. CHRISTI 1359. INNOC. VI. AN. 7.

manæ ac vniuersalis Ecclesiæ alieni, & ad huiusmodi vnitatem redire Ecclesiæ proponebant. Super quo ingenti lætitia & exultatione perfusi, ad perficiendum bonum huiusmodi, quod diuina dedit inspiratio, per tuum, & aliorum Catholicorum ministerium inchoari, Venerabiles Fratres nostros Petrum Pacten. & Gulielmum Sisopolitan. Episcopos, Apostolicæ Sedis Nuntios, latores præsentium, viros quidem pauperes spiritu, sed locupletes multis virtutibus, prouidimus destinandos; Et ideo nobilitatem tuam attentè rogamus, quatenus eisdem Nuntios pro reuerentia Dei, cuius gerunt negotium, & nostræ intercessionis obtentu, ac tuæ insuper salutis suscipias propensius commendatos, ipsosque informes consiliis, & auxiliis, atque fauoribus prosequaris. Ita quòd tibi & aliis ædifices ad meritum & salutem. Datum vt suprà.

BVLLA

---

AN. CHRISTI 1359. INNOC. VI. AN. 7.

---

## B V L L A XVII.

*Innocentius, &c.*

Venerabili Fratri Petro Episcopo  
Coronen.

*Transfertur ab Ecclesia Pactensi ad  
Coronensem.*

**C**REDITÆ nobis dispensationis urge-  
mur officio, vt. qui dispositione di-  
uina, cunctis Ecclesiis potestatis pleni-  
tudine præsumus, singularum vtilitatibus  
cùm possumus, sic prospiciamus solliciti,  
sic vigilanter, & salubriter intendamus,  
vt per nostræ attentionis instantiam,  
nunc per simplicis prouisionis officium,  
quandoque verò per ministerium trans-  
lationis accommodæ, prout personarum,  
locorum, & temporum qualitas exigit,  
& ipsarum Ecclesiarum vtilitas persua-  
det, Ecclesiis singulis pastor accedat  
idoneus, & rector prouidus deputetur, vt  
Ecclesiæ ipsæ superni fauoris auxilio suf-  
fragan



AN. CHRISTI 1359. INNOC. VI. AN. 7.

fragante votiuz prosperitatis successibus  
gratulentur. Ecclesia siquidem Coronen.  
ex eo apud Sedem Apostolicam vacante,  
quod nos hodie Venerabilem Fratrem  
Ludouicum Episcopum olim Coronen.  
in Patriarcham Aquileien. Electum apud  
Sedem constitutum eandem, à vinculo,  
quo eidem Ecclesiæ Coronen. cui tunc  
præerat, tenebatur, de fratrum nostro-  
rum consilio, & Apostolicæ potestatis  
plenitudine absoluentes, ipsum ad Eccle-  
siam Aquileien. tunc vacantem Aposto-  
lica auctoritate transtulimus, ac eidem  
Aquileien. Ecclesiæ in Patriarcham præ-  
fecimus & pastorem. Nos ad prouisionem  
ipsius Ecclesiæ Coronen. celerem  
& felicem, ne longæ vacationis detri-  
menta subiret, paternis & sollicitis studiis  
intendentes, ac cupientes eidem Coro-  
nen. Ecclesiæ talem præsidere personam,  
quæ sciret, vellet, & posset eam præser-  
uare à noxiis & aduersis, ac in suis ma-  
nutenere iuribus, & etiam adaugere. Post  
deliberationem, quam super his cum  
fratribus nostris prædictis habuimus dili-  
gentem, demum ad te tunc Episcopum  
Pacten.

AN. CHRISTI 1359. INNOC. VI. AN. 7.

Pacten. consideratis grandium virtutum  
meritis, quibus personam tuam diuina  
gratia multipliciter insigniuit; & quod  
tu, qui præfata Ecclesiæ Pacten. hætenus  
laudabiliter præfuiſti, dictam Coronen.  
Ecclesiam ſcies & poteris auctore Deo  
vtiliter regere, & feliciter gubernare, di-  
reximus oculos noſtræ mentis. Intenden-  
tes itaque tam eidem Coronen. Eccle-  
ſiæ, quàm gregi dominico eiſdem ſalu-  
briter & vtiliter providere, te à vinculo,  
quo tenebaris præfata Pacten. Eccleſiæ,  
cui tunc præeras, de fratrum prædicto-  
rum Conſilio, & Apoſtolicæ poteſtatis  
plenitudine abſoluentes, te ad præfatam  
Eccleſiam Coronen. transferimus, teque  
illi præficimus in Episcopum & paſto-  
rem; curam & adminiſtrationem ipſius  
Eccleſiæ Coronen. tibi in ſpiritualibus &  
temporalibus plenariè committendo, li-  
beramque tibi dando licentiam ad di-  
ctam Coronen. Eccleſiam tranſeundi:  
in illo, qui dat grãtias, & largitur præmia  
confidentes, quod dextera Domini tibi  
aſſiſtente propitia, ipſa Coronen. Eccle-  
ſia per tuæ indiſtriæ ac circumſpectionis  
fructuo

AN. CHRISTI 1359. INNOC. VI. AN. 7.

fructuosum studium regetur vtiliter, & prosperè dirigetur. Quocirca fraternitati tuæ per Apostolica scripta mandamus, quatenus ad præfatam Coronen. Ecclesiam cum gratia nostræ benedictionis accedens, eius sollicitam curam geras, gregem dominicum in illa tibi commissum doctrina verbi & operis informando. Ita quòd dicta Ecclesia Coronen. gubernatori circumspècto & fructuoso administratori gaudeat se commissam, ac bonæ famæ tuæ odor ex laudabilibus tuis actibus latiùs diffundatur, & præter æternæ retributionis præmium nostræ beneuolentiæ gratiam valeas proinde vberius promereri. Datum Auinioni 6. Idus Maij anno 7.

BVLLA

AN. CHRISTI 1359. INNOC. VI. AN. 7.

## B V L L A   X V I I I .

*Innocentius , &c.*

Venerabili Fratri Petro Episcopo  
Coronen. Apostolicæ Sedis Le-  
gato.

*Instituitur Legatus Apostolicus in am-  
plissimis prouinciis.*

Ex lib.  
secretorū  
epist.  
5.

**A** Ngit nos cura propensior , & solli-  
citus sedula nos impulsat , vt su-  
per vniuersum gregem Dominicum pa-  
stores , quanquam immeriti , disponente  
Domino constituti , ad illos maximè ex  
grege ipso , qui longè sepositi patiuntur  
aduersa nostræ vigilantix studium dili-  
gentiùs extendamus ; & quia vbilibet,  
repugnante natura , personaliter esse non  
possumus , illius exemplo , qui de cœlo ad  
ima descendēs , per vniuersum mundum  
discipulos suos misit , in partem nobiscum  
sollicitudinis euocatos , vt vices nostras  
suppleant , destinemus. Dudum siquidem  
anxiè

AN. CHRISTI 1359. INNOC. VI. AN. 7.

anxiè cogitantes insultus acerrimos, grauiumque persecutionum angustias, & damna maxima, quibus Turcarum infidelium furor immanis fidelium Christianorum populos, eorumque terras, & loca præcipuè Romaniz, ciuitatisque Smyrnarum, vt illa suæ potestati subiiceret, diu affligerat, & quotidie crudeliùs affligebat, vt ipsorum infidelium obsteretur insultibus, & fidelibus opportuna remedia pararentur, frequenter idoneos Nuntios nostros ad partes illas duximus, ibique Legatum constituimus, suffragia multa præstitimus, aliòsque fideles ad illa præstandum induximus diligenter, & nonnullos alios in prædictos labores per tulimus; & quantum nobis possibile fuit, opem & operam adhibuimus diligentem. Sed licèt huiusmodi nostra dictorumque fidelium studia & opera fructuosa felicem satis, authore Domino, Nuntiis que, progressum habuerint, quia tamen dictorum Turcarum sæua rabies non tepescit, sed tam ipsi quàm alij plurimi infideles, atque schismatici partium earundem ad extinctionem Christiani

K

nomi

AN. CHRISTI 1359. INNOC. VI. AN. 7.

nominis, & depressionem Catholicæ fidei magis, magisque quotidie satagentes fideles ipsos, & eorum terras, & loca continuis inuasionibus atque damnis & afflictionibus persequuntur; & non solum partes ipsas, sed etiam Patriarchatum Constantinopolitanum, & eius prouincias, in quibus Christianæ religionis nomen viget, inuadunt immaniter, & percurrunt: Nos cupientes malis huiusmodi, quantum cum Deo possumus, obuiare, ac ipsorum fidelium quieti salubriter prouidere, inter alia nonnulla remedia, quæ cum multis & magnis tam spiritalibus, quàm in temporalibus auxiliis præfatis negotiis de nouo duximus adhibenda. Ad te, qui vir timoratus & prouidus, & in lege Domini, ipsaque fide Catholica admodum eruditus, ac frequenter in arduis, & præsertim in illis partibus comprobatus, clarus scientia, plenusque multis virtutibus prædicaris, nostræ considerationis intuitum conuertentes, deliberatione super hoc cum Fratribus nostris præhabita diligenti, tibi in eisdem Patriarchatu Constantinopolitano, & regno Cypri,

AN. CHRISTI 1359. INNOC. VI. AN. 7.

Cypri, & in Creten. Smyrnarum, Patracen. Athenien. Theban. Corinthien. Colocen. Nixien. Corphien. Duracien. Neopacen. & Neopatriæ Archiepiscopatibus, & eorum, dictique Patriarchatus prouinciis pro subsidio fidelium & partium earundem, omnem alium Legatum per nos in partibus illis deputatum reuocantes, plenæ legationis officium auctoritate Apostolica, de dictorum fratrum consilio committimus per præsentem, ut ibidem auctore Domino recta regens, & dirigens in directa, & aspera conuertens in plana, sicut diligens cultor euellas, & destruas, dissipes, & disperdas, ædifices, & plantes, quæ pro negotiorum huiusmodi, ac morum, & Ecclesiarum, & Ecclesiasticarum personarum regni Patriarchatus, ac prouinciarum, & partium prædictarum reformatione & statu, ac aliàs ad Legati officium pertinent, & sicut Dominus ministrabit. Nos enim ut ipsius legationis officium eò utilius exequi valeas, quò maiori fueris auctoritate munitus, præsentium tibi auctoritate concedimus, ut in Patriarchatu,

---

AN. CHRISTI 1359. INNOC. VI. AN. 7.

---

ac regno, Archiepiscopatibus, & prouinciis supradictis, super huiusmodi vniuersis & singulis aliis negotiis, de quibus expedire videris, agere, disponere, statuere, ordinare, & præcipere, inter Reges & Principes, aliasque personas Ecclesiasticas & sæculares in eisdem partibus consistentes, ad vtilitatem, commoditatem, & effectum negotiorum ipsorum, ligas, & confederationes, societates, seu vniones componere, statuere, ordinare, & firmare, & per te, vel alium, seu alios, quacunque auctoritate factas, initas, tractatas, seu firmatas approbare, & executioni mandare, ac mandari facere; & inter dissidentes, seu discordes pacem & concordiam reformare, treguasque, seu inducias inire, & firmare, ac reformatas, initas, & firmatas obseruari facere; Nec non contradictores, & rebelles cuiuscunque dignitatis, & status, vel conditionis existant, etiamsi Episcopali, vel maiori præfulgeant dignitate, auctoritate nostra per censuram Ecclesiasticam, appellatione remota, compellere valeas, Fraternitati tuę plenam & liberam tenore præsen



AN. CHRISTI 1359. INNOC. VI. AN. 7.

præsentium concedimus potestatem: Nō obstantibus quibuscunque priuilegiis Apostolicis generalibus, vel specialibus, quibusvis personis, vel locis, aut Ordinibus ab Apostolica Sede concessis, per quæ præsentibus non expressa vel totaliter non inserta huiusmodi tuæ legationis & potestatis officium posset quomodo-libet impediri, aut etiam retardari. Aut si aliquibus communiter vel diuissim à dicta sit Sede indultum, quòd excommunicari, suspendi, aut ipsi, vel eorum ciuitates, castra, villæ, & loca interdicti non possint per literas Apostolicas, non facientes plenam & expressam, ac de verbo ad verbum de indulto huiusmodi mentionem. Quocirca Fraternitatem tuam rogamus & hortamur attentè, per Apostolica tibi scripta mandantes, ac in remissionem peccaminum iniungentes, quatenus de diuina gratia & Apostolico fauore confisus, onus tam salubris negotij deuota mente, & animo suscipiens reuerenti, te in executione legationis huiusmodi taliter verbo & opere reddas, quòd ad Redemptoris nostri laudem, fa-

AN. CHRISTI 1359. INNOC. VI. AN. 7.

lutémque fidelium eorundem præfata  
negotia felicem Deo propitio, & te pro-  
mouente consequantur effectum. Datum  
Auinione 5. Idus Maij anno septimo.

B V L L A XIX.

*Innocentius, &c.*

Venerabilibus fratribus Petro Epì-  
scopo Coronen. Apostolicæ Sc-  
dis Legato, nec non Patriarchæ  
Constantinopolitano, ac Nico-  
sien. Creten. Smyrnarum, Pa-  
tracen. Athenien. Theban. Co-  
rinthien. Colocen. Nixien. Cor-  
phien. Duracen. Neopacen. &  
Neopatriæ Archiepiscopis, eo-  
rumque suffraganeis &c. salutem.

*Vt exercitum Cruce signatorum contra  
Turcas conscribant.*

Ibidem  
epist. 11.

**I**nsurgentibus contra fidem Catholi-  
cam, & religionem deprimere molien-  
tibus

---

AN. CHRISTI 1359. INNOC. VI. AN. 7.

---

tibus Christianam, ea virtute, illaque constantia est à fidelibus resistendum, ut fideles ipsi Orthodoxæ fidei ardore succensi, virtutibusque pro posse succincti, detestandum illorum propositum obice contrariæ intentionis impendant, & roboris oppositione conatus iniquos prohibeant eorundem, sicque mentis & corporis armatura muniti, & directi lumine fidei insurgentes eosdem speciali carentes munimine, & infidelitatis tenebris obæcatos, Deo, cui militant, ipsis assistente prosternant. Dudum siquidem anxie cogitantes, &c. *ut in præcedenti usque ad rabies non tepescit.* Sed tam ipsi, quàm nonnulli alij infideles & schismatici, ad ipsorum & eorum terras, & loca, continuis inuasionibus, atque damnis, & afflictionibus persequuntur, & non solum partes ipsas, sed etiam Patriarchatum Constantinopolitanum, eiusque prouincias, in quibus Christiani nominis fauor viget, inuadunt vnanimiter, & percurrunt, Christianos ipsos in ore gladij inhumaniter trucidant, aliosque velut animalia bruta vendunt, eosque in feram

AN. CHRISTI 1359. INNOC. V I. AN. 7.

seruitutem redactos præfatam fidem abnegare compellunt, & sacratissimam Crucem, mortem Redemptoris nostri Iesu Christi, ac salutem humani generis indicantem lacerant, & confringunt, pedibusque conculcant, Ecclesias, & Ecclesiastica loca, alias terras, & villas, quas pro se tenere, & custodire non possunt, ignis incendio concremant, cunctaque depopulantur & vastant, & in tantum eorum inualuit, & inualescit audacia, quod nisi per Christi fideles sub spe diuinæ potentiae viriliter obsistatur eisdem, pestifer ignis ipse semper ulterius excandescens, singulas partes ipsas, proh dolor! dissipabit. Propter quod nos nuper cupientes periculis & malis huiusmodi, quantum cum Deo possumus, obuiare, ac ipsorum quieti fideiū salubriter prouidere, te Fr. Episcopo Coronen. Legatū, & dilectum filium Nicolaum Benedicti Præceptorem domus Venusin. Hospitalis S. Iohannis Ierosolymitani in dicta ciuitate Smyrnarum Vicarium & Capitaneum cum certis galeis, sub nostro, & ipsius Romanæ Ecclesiæ nomine & vexillo tenendis,

de

AN. CHRISTI 1359. INNOC. V I. AN. 7.

de nouo ad partes ipsas , vt ibidem ipsorum fidelium populorum , & partium salutem , fideique negotium vtiliter profequantur , de fratrum nostrorum consilio duximus destinandos , & nonnulla alia subsidia, prout malorum dierum conditio, & alia eidem Ecclesiæ incumbentia, in aliis diuersis mundi partibus onera partiuntur , duximus eroganda , per quæ, quamuis in eo, cuius res agitur, speremus indubiè, quòd negotia ipsa ad ipsius Domini nostri, sui que sacri nominis laudem & gloriam, ipsiusque Catholicæ fidei, & professorum ipsius defensionem & exaltationem feliciter debeant prosperari ; Pro feliciori tamen prosecutione negotiorum ipsorum , quæ longè maioris subuentionis auxiliis indigere noscuntur , & fidelium aliorum opportuna & charitativa subsidia instanter implorant, fideles ipsos ad id quibusdam spiritualibus munificentis, indulgentiis videlicet & remissionibus prouidimus inuitandos. Quocirca Fraternitati vestræ per Apostolica scripta mandamus, & committimus , quatenus statum miserabilem Christianorum di-

K      5      ctarum

AN. CHRISTI 1359. INNOC. V I. AN. 7.

Starum partium attendentes, tanquam præcones fideles, & fortes athletæ fidei contra infideles eosdem, tu videlicet frater Episcopo, in omnibus decretis legationis tuæ partibus & prouinciis, singuli verò vestrum fratres, Patriarcha, Archiepiscopi, & Episcopi, in singulis vestris ciuitatibus & diœcesibus, per vos, & alias personas Ecclesiasticas sæculares & regulares, quorumcunque ordinum, quas ad hoc idoneas fore noueritis, Christi fidelibus, iuxta datam vobis, & eis à Deo prudentiam, proponatis publicè verbum Crucis, & venerabile signum eius, quibusvis fidelibus illud suscipere deuotè volentibus concedatis, ipsorumque humeris imponatis, fideles eosdem, quos ad audiendum propositionem ipsam, quoties expedierit, ad loca idonea conuocare possitis, sollicitis exhortationibus & opportunis instantiis inducentes, ut ipsi suscipientes cum reuerentia signum Crucis, ipsumque suis cordibus impo-  
nentes, contra infidelium prædictorum perfidiam insurgant viriliter, & negotium ipsum feruenter assumant, & feruentius

AN. CHRISTI 1359. INNOC. VI. AN. 7.

uentius prosequantur. Et ut ipsi fideles, tantò libentius præmissa prosequi studeant, quantò ex suis laboribus potio- rem gratiam se nouerint percepturos. Nos de Omnipotentis Dei misericordia, & Beatorum Petri & Pauli Apostolorum eius auctoritate confisi, & illa, quam nobis Deus, licet indignis, ligandi atque soluendi contulit potestatem, eisdem fidelibus, qui cum galeis, & aliis lignis naualibus, & aliàs in succursum & subsidium Christianorum partium prædictarum contra infideles eosdem in personis propriis & expensis, siue per terram, siue per mare infra proximos octo annos profecti fuerint, ac per vnum annum continuum, vel interpolatim, in dicti prosecutione negotij fuerint commorati; nec non & illis, qui in prosecutione dicti negotij decesserint, vel in prosecutione huiusmodi vulnerati fuerint, etiamsi alibi vbicunque ex talibus vulneribus decedere eos contingat, illam suorum peccaminum, de quibus veraciter fuerint corde contriti, & ore confessi, veniam indulgemus, quæ conceditur transfretantibus in sub-  
sidium

AN. CHRISTI 1359. INNOC. VI. AN. 7.

fidium Terræ-sanctæ, & in retributione iustorum salutis æternæ pollicemur augmentum. Eos autem, qui non in personis propriis illuc accesserint, sed suis dumtaxat expensis, iuxta qualitatem & facultatem suam, bellatores idoneos destinabunt, per tempus vnus anni in huiusmodi prosecutione negotij moraturos; & illis similiter, qui licet cum alienis expensis, in propriis tamen personis illuc accesserint, per dictum tempus vnus anni morabuntur, eandem concedimus veniam peccatorum, huiusmodi quoque remissionis & indulgentiæ volumus & concedimus esse participes, iuxta quantitatem subsidij, & deuotionis affectum omnes, qui ad subuentionem dicti negotij de bonis suis congruè ministrabunt, aut circa præfata auxilium vel consilium impenderint opportuna. Insuper volentes vt huiusmodi pium negotium maioribus subsidiis adiuuetur; Etiam illis, qui tantum de bonis propriis pro dicto negotio erogauerint, quantum essent illuc eundo, & inibi per vnum annum continuum morando, & redeundo etiam expen



---

 ANNO CHRISTI 1359. INNOC. VI. AN. 7.
 

---

expensuri similiter, verè pœnitentibus  
& confessis eandem suorum peccami-  
num veniam indulgemus. Datum vt  
suprà.

---

## B V L L A X X.

*Innocentius, &c.*

Venerabili Fratri Vrsò Archiepisco-  
po Creten.

*Ut cedat B. Petro legationem & regimen  
ciuitatis Smyrnarum.*

**N**Vper non sine magna cordis ama- Ibidem  
ritudine intellecto, quòd Turci & cp. 29.  
nonnulli alij infideles atque schismatici  
illarum partium, ciuitatem Smyrnarum,  
& prouincias Romanix, aliasque terras  
& loca fidelium partium earundem, nec-  
non Patriarchatum Constantinopolita-  
num eiusque prouincias, in quibus Chri-  
stianæ religionis nomen viget, vt illa suæ  
sæuæ potestati subiiciant, feruentius soli-  
to per

AN. CHRISTI 1359. INNOC. VI. AN. 7.

to per mare & terram inuadere, & assiduus incurſibus ad depreſſionem Chriſtiani nominis & Catholicæ fidei totis viribus moliuntur; Nos inter cætera, quæ ad huiusmodi eorum conatus nefarios reprimendos, & proſperum fidelium ſtatum vtiliter promouendum, in præſentiarum agenda conſpeximus, Venerabilem Fratrem noſtrum Petrum Episcopum Coronen. virum vtrique in lege Domini, ipſaque fide Catholica admodum eruditum, magnaque circumſpectione præditum, ſcientia clarum, opere & ſermone potentem, & in magnis & arduis, & præſertim in illis partibus comprobatum, in Apoſtolicæ Sedis Legatum ad partes ipſas, commiſſo ſibi in eis plenæ legationis officio, & dilectum filium Nicolaum Benedicti Præceptorem domus Venuſinæ Hospitalis S. Ioannis Ieroſolymitani, virum etiam religionis & fidei zelo conſpicuum, in ſpiritualibus & temporalibus circumſpectum, aliisque virtutibus, ſicut testimoniis fide dignis accepimus, multipliciter inſignitum, prædictæ ciuitatis Smyrnarum Vicarium & Capita

AN. CHRISTI 1359. INNOC. VI. AN. 7.

Capitaneum, de fratrum nostrorum consilio, duximus destinandos. Idémque Capitaneus sicut apud Sedem præfatam idoneè cavit ciuitatem præfatam non solum fideliter custodire, & ad ipsius custodiam centum quinquaginta bonos & sufficientes stipendiarios Latinos tenere, sed etiam infra septennium proximè futurum muris cingere, turribusque munire, ac duas galeas benè armatas ad custodiam ciuitatis, & partium earundem, sub nostro, & Rom. Ecclesiæ nomine & vexillo, quarum etiam eundem Nicolaum Capitaneum fecimus per octo annos proximos etiam tenere debet, quorum occasione nonnulla pecuniaria, & alia subsidia eidem Nicolao eroganda prouidimus & etiam ordinanda. Et nihilominus pro felici negotiorum ipsorum executione, verbum Crucis ad hoc decreuimus proponendum. Quocircà Fraternitati tuæ per Apostolica scripta mandamus, quatenus commissa tibi dudum per nos legationis, dictæque ciuitatis Vicariatus & Capitaneatus officia, de quorum felici diligentique prosecutione,   
sicut

AN. CHRISTI 1359. INNOC. VI. AN. 7.

sicut à fide dignis accepimus , potes & debes meritò commendari, vt huiusmodi per nouiter ordinata felicem, Deo auctore, sortiantur effectum, liberè ac sponte dimittens , præfatam custodiam ciuitatis eiusdem cum omnibus guarnimentis & rebus ad custodiam Vicariatum & Capitaneatum prædictos spectantibus dicto Nicolao tradas liberaliter & assignes. Et nihilominus de gestis & administratis per te in dicto Vicariatu & Capitaneatu prædictis ac habitis & expensis fidelem tui , & prout præfatus Episcopus Legatus ordinandum duxerit , studeas reddere rationem, & residua, si qua fuerint, præfato Nicolao Capitaneo in præfatorum negotiorum subsidium assignare, ipsique Legato deinceps ob dictæ Sedis & nostram reuerentiam iuxta tenorem aliarum nostrarum literarum , quas super legatione sua & aliis sibi commissis, tibi, & aliis Prælati illarum partium scripsimus, fideliter parcas & intendas, dictumque etiam Nicolaum circa præmissa opportunis fauoribus & auxiliis prosequaris , ita quod inde apud nos tua possit

AN. CHRISTI 1359. INNOC. VI. AN. 7.

possit deuotio meritò commendari. Datum vt suprà.

## B V L L A XXI.

*Innocentius, &c.*

Venerabili Fratri Petro Episcopo  
Coronen. Apostolicæ Sedis Le-  
gato.

*Instituitur generalis Inquisitor in parti-  
bus sue legationis.*

**C**VM te ad Constantinopolitanæ ac Ibidem  
Romanæ, & nonnullas alias pro- epist. 31.  
uincias, atque partes in literis tuæ lega-  
tionis expressas, pro quibusdam arduis  
Catholicæ fidei & Ecclesiæ Romanæ ne-  
gotiis destinemus; Nos cupientes, vt Ca-  
tholica fides in eisdem partibus ex studiis  
tuis, auctore Domino, dilatetur, extirpa-  
tis erroribus hæreticæ prauitatis, Frater-  
nitati tuæ inquirendi & procedendi, du-  
rante legatione huiusmodi, contra quos-  
L cun

AN. CHRISTI 1359. INNOC. VI. AN. 7.

cunque hæreticos, atque schismaticos, & de hæretica, seu schismatica prauitate suspectos, aut etiam diffamatos, seu qualitercunque in ipsa culpabiles, ipsorumque adiutores, fautores, & receptatores eosdem, & ipsos, & ipsorum quemlibet puniendi iuxta canonicas sanctiones & ciuiles, & specialiter secundum constitutiones, à quondam Federico olim Romanorum Imperatore editas, contra hæreticos, fautores, & receptatores eosdem, dum adhuc in Sedis Apostolicæ gratia Fredericus persisteret, nec non & iuxta formam priuilegiorum Sedis Apostolicæ concessorum Inquisitoribus hæreticæ prauitatis, & inuocandi ad hoc, cum opus fuerit, auxiliij brachij sæcularis. Contra-dictores insuper & rebelles, ac impedi-tes quoslibet cuiuscunque status, gradus, vel conditionis existant per censuram Ecclesiasticam, appellatione postposita, compescendi: Non obstan. si eis aut alicui, vel aliquibus eorundem communi-ter, vel diuisum à dicta sit Sede indultum, vel contingeret indulgeri, quòd interdi-cti, suspendi, vel excommunicari non possint

AN. CHRISTI 1359. INNOC. VI. AN. 7.

possint per literas Apostolicas non facientes plenam & expressam, ac de verbo ad verbum de indulto huiusmodi mentionem, ac personarum & locorum nominibus mentionem plenam & liberam concedimus tenore præsentium facultatem. Per hoc autem locorum Ordinariis, vel Inquisitoribus prauitatis eiusdem non intendimus derogare, quin ipsi, & eorum quilibet contra hæreticos credentes, adiutores, fautores, vel receptatores eorum inquirere & procedere valeant, prout viderint expedire. Datum vt suprâ.

L 2 BVLLA.

AN. CHRISTI 1364. VRBANI V. AN. 2.

## B V L L A XXII.

*Urbanus V.*

Venerabili Fratri Petro Patriarchæ  
Constantinopolitano, Apostoli-  
cæ Sedis Legato, &c.

*Fit Legatus expeditionis contra Turcas.*

**A**D hoc sumus in eminentis Sedis  
Apostolicæ specula ( disponente  
Domino ) constituti , vt domui Israël,  
vniuersis videlicet Christianis, qui fidei  
oculo Deum vident, speculatorum offi-  
cium impendamus ; sed quia humana  
repugnante natura non possumus singu-  
la nobis conuenientia efficere per nos  
ipsos, ad instar illius, qui cum sit totus  
vbique, spiritus, tamen Angelos suos fa-  
cit ministros, & pro suo beneplacito cuncta  
disponens, in vniuersum mundum Dis-  
cipulos, quos elegerat, destinauit, cum  
Fratribus nostris onera nostra diuidimus,  
vt illos, quibus non valemus corporali-  
ter



AN. CHRISTI 1364. VRBANI V. AN. 2.

ter præsentiam exhibere, imperfectum naturæ, potestate supplente, per eosdem Fratres, quasi per quosdam nostros oculos visitemus, sicque tales in partem sollicitudinis euocemus, qui aspera conuertant in plana, & rectas faciant semitas Dei nostri, populûmque acceptabilem ei reddant. Dudum siquidem attendentes, quòd peccatis exigentibus, Terram sanctam Agarenorum gens perfida Saluatoris nostri Domini Iesu Christi, & suæ orthodoxæ fidei inimica à longis retrò temporibus, non absque damnosa negligentia Christiani populi occupauerat, & detinuerat prout detinebat, occupatam, eam polluendo abominandorum patratione scelerum, ac pro ancilla tenendo, quæ Domina gentium debet esse; quòdque ex oppressione Turcarum crudelium multas calamitates patiebatur, prout patitur Christianus populus Orientis, charissimo in Christo Filio nostro Petro Regi Cypri Illustri, cuius regnum est in ipsorum Infidelium finibus constitutum, de statu dictorum infidelium, quem ipse Rex ex impiorum mortalitatibus, & dis-

AN. CHRISTI 1364. VREANI V. AN. 2.

cordiis debilitatum, & prostrationi dispositum asseruit, præsertim ex captione ciuitatis Sataliæ, ac nonnullorum castrorum, & locorum, quæ idem Rex suis prouidentiis, personalibûsque laboribus, & expensis de manibus infidelium prædictorum eripuerat, ex quo infideles ipsos multus, vt asseritur, timor inuaserat, plenariè informato, nobis ac Fratr. nostris S.R. E. Cardinalibus, ac nonnullis Catholicis Principibus, & Magistratibus, aliisque fidelibus populis, vias & modos, per quos tunc temporis poterat, prout potest faciliter eorundem Agarenorum, & Turcarum elidi potentia, ac fieri recuperatio dictæ Terræ, ostendente prudenter oraculo viuæ vocis, de dictorum Fratrum consilio ad eandem Terram sanctam & alias partes infidelium Orientis passagium generale, Authoritate Apostolica indiximus, ac bonæ memoriæ Talayrandum Episcopum Albanensem ad partes illas, commisso sibi plenæ legationis officio, prouidimus destinandum, & tam claræ memoriæ Ioanni Regi Franciæ, Capiteo, Rectori ipsius passagij per nos consti

AN. CHRISTI 1364. VRBANI V. AN: 2:

constituto, quam præfato Regi Cypri, ac aliis multis nobilibus, qui cum eorum potestate pro recuperatione Terræ-sanctæ prædictæ promiserant personaliter transfretare, ac receperunt de manibus nostris venerabile signum Crucis, ac etiam cæteris Cruce signatis & signandis Kalendis Martij anni Natiuitatis Domini 1365. proximè secuturi, pro termino ad transfretandum in dicto passagio duximus assignandos. Cùm autem idem Rex Franciæ & Episcopus, sicut Dominò placuit, sint viam vniuersæ carnis ingressi, & dictus Rex Cypri ad succurrendum eisdem fidelibus, & conatus eorundem infidelium reprimendum velut athleta Christi & præcursor intrepidus proponat in breui cum auxiliis ultramarinarum fidelium transfretare, nunc attendentes quòd vrgens & euidentis prædictarum ultramarinarum partium, quas fideles inhabitant, necessitas exigit ad eas à nobis destinari Legatum, qui vice nostra dirigat, & disponat negotium passagij prælibati, & ad te virum utique secundum cor nostrum honestate conspicuum,

AN. CHRISTI 1364. VRBANI V. AN. 2.

religione probatum , ac præclarum sciē-  
tia, humilitate sublimem , mansuetudine  
generosum , multa prouidentia circum-  
spectum, & in lege Domini , ipsaque fide  
Catholica admodum eruditum , qui aillās  
commisſum tibi in partibus illis legatio-  
nis officium laudabiliter exercuisti , no-  
stræ considerationis intuitum dirigentes,  
deliberatione super hoc cum Fratribus  
nostris præhabita diligenti, tibi in Patriar-  
chatu Constantinopolitano ac regno  
Cypri, & in Cretenſi , Smyrnenſi , Patra-  
cenſi , Athenienſi , Thebano , Corinthien-  
ſi , Colossenſi , dicto Rhodo , ac Nixienſi ,  
Carphienſi , Duracenſi , Neopacenſi , &  
Neopatiēſi , Archiepiſcopatibus , & eo-  
rum , dicti Patriarchatus prouinciis , &  
aliis vltramarinis partibus , ad quas per  
nos est indiētum paſſagium ſupradictum  
pro ſubſidio eiufdem Regis Cypri , &  
aliorum transfretantium ad Chriſti fide-  
lium partes , eiufdem plenæ legationis  
officium Authoritate Apoſtolica , de di-  
ctorum Fratrum conſilio committimus  
per præſentes, vt ibidem authore Domi-  
no, rectè regens & dirigens, indirecta, &  
aspera

AN. CHRISTI 1364. VRBANI V. AN. 2.

aspera conuertens in plana, sicut diligens cultor euellas, & destruas, dissipes, & disperdas, ædifices atque plantes, quæ pro negotio huiusmodi, ac transfretantium, nec non Ecclesiarum, & Ecclesiasticarum personarum prædictarum reformatione ac statu indigere noscuntur, aliâque ad Legati officium pertinentia efficias, sicut tibi Dominus ministrabit, Nos enim vt ipsius legationis officium, eò vtilius exequi valeas, quo maiori fueris autoritate munitus, præsentium tibi autoritate concedimus, vt in Patriarchatu ac regno, Archiepiscopatibus, prouinciis & terris supradictis, super huiusmodi, ac vniuersis & singulis aliis negotiis, de quibus expedire videris, agere, disponere, statuere, ordinare, ac præcipere, & inter Imperatores & Reges, & Principes, aliâsque personas Ecclesiasticas & sæculares, in iisdem partibus consistentes, ad vtilitatem, commodum, & effectum negotiorum ipsorum, ligas & confœderationes, societates, seu vniones statuere, ordinare, firmare, & facere, & per te, vel alium, seu alios, quacumque autoritate

L 5

fun

AN. CHRISTI 1364. VRBANI V. AN. 2.

functos initas, tractatas, seu firmatas approbare & executioni mandare, ac mandari facere, & inter dissidentes & discordes, pacem & concordiam reformare, treguas, seu inducias inire, & firmare, ac reformatas, initas, & firmatas obseruare facere, nec non contradictores & rebelles cuiuscumque dignitatis & status, vel conditionis existant, etiam si Episcopali, vel maiori, aut Regali, vel Imperiali præfulgeant dignitate, Authoritate nostra per censuram Ecclesiasticam, appellatione remota, compellere valeas, Fraternitati tuæ plenam & liberam tenore præsentium concedimus potestatem, non obstantibus quibuscumque priuilegiis Apostolicis, generalibus, vel specialibus, quibusvis personis, locis aut Ordinibus ab Apostolica Sede concessis, per quæ præsentibus non expressa, vel totaliter non inserta, huiusmodi tuæ legationis & potestatis officium possit quomodolibet impediri, seu etiam retardari, seu si aliquibus communiter, vel diuim à dicta sit Sede indultum quod excommunicari, suspendi, aut ipsi vel eorum ciuitates, castra,

ANNO CHRISTI 1364. VRBANI V. AN. 2.

stra, villæ, terræ, & loca interdici non possint, per literas Apostolicas non facientes plenam & expressam, ac de verbo ad verbum de Indulto huiusmodi mentionem. quocirca Fraternitatem tuam rogamus & hortamur attentè per Apostolica nostra scripta mandantes, ac in remissionem peccaminum iniungentes, quatenus de diuina gratia & Apostolico fauore confusus, onus tam salubris negotij, deuota mente, & animo suscipias reuerenti, & te in executione legationis huiusmodi talem verbo & in opere reddas, quòd ad Redemptoris nostri laudem salutemque fidelium eorundem præfata negotia felicem Deo propitio, & te promouente, consequantur effectum. Datum Auinione sexto Idus Iulij, anno secundo.

BVLLA

## B V L L A   X X I I I .

Charissimo in Christo Filio Petro  
Regi Cypri Illustri salutem,&c.

*Indicat creatum à se Legatum  
B. Petrum.*

Ibidem  
ep. 241.

**S**icut ad Serenitatem Regiam iam pervenisse putamus; dudum nos considerantes zelum fidei, scientiæ donum, & circumspeditionis industriam, aliæque multiplicia virtutum merita Venerabilis Fratris nostri Petri Patriarchæ Constantinopolitani, Apostolicæ Sedis Legati, olim in ultramarinis partibus laudabiliter comprobata, eum de negotiis, & statu earundem partium, in quibus dictæ Sedis Legatus extitit, plenariè informatum, & prout per experientiam novimus, tuæ sublimitati acceptum, ad partes ipsas in fauorem, & fulcimentum generalis pacisagij prouidimus remittere, dudum commissio sibi de nouo legationis officio in eisdem, prout in literis nostris inde confectis,



AN. CHRISTI 1365. VRBANI V. AN. 3.

fectis, plenius continetur. Quocirca Cel-  
situdinem tuam, licet expedire non cre-  
damus, rogamus, & hortamur attentè,  
quatenus eundem Legatum pro nostra,  
& Apostolicæ Sedis reuerentia, Regiis  
fauoribus, & honoribus prosequaris. Da-  
tum Auinione 11. Kal. Iulij, anno se-  
cundo.

B V L L A XXIV.

Venerabili Fratri Petro Patriarchæ  
Constantinopolitano, Apostoli-  
cæ Sedis Legato, &c.

*Mittitur pacificator ad Ianuenses.*

**D**E suscitata dudum discordia inter  
quosdam ciues Ianuenses, & in-  
colas regni Cypri, valde dolentes, prout  
dolemus ab intimis, ne ad actum bellico-  
sum procederetur, sicut nouit tua Frater-  
nitas, apud dilectos filios nobilem virum  
Ducem & Commune ciuitatis Ianuen.  
preliteras & Nuntios interposuimus effi-  
caciter

Ex lib.  
secre. an.  
3. fol. 51.

---

AN. CHRISTI 1365. VRBANI V. AN. 3.

---

caciter partes nostras, ipsosque Ducem & Commune à motione nouitatis cuiuslibet hucusque fecimus abstinere, sperauimusque quòd charissimus in Christo filius noster Petrus Rex Cypri Illustris ad Italix partes regrediens, se cum eisdem Duce ac Communi amicabiliter concordaret, & ad hoc, vt audiuius, dilecti filij nobilis viri Dux & Commune Venetiarum, sicut viri pacifici, interposuerunt fideliter partes suas. Sed vt habet fide digna relatio, iidem Dux & Commune Ianuen. ad hoc induci minimè potuerunt, propter quod nos damnis futuri dissidij opportunis obuiare remediis cupientes, de tuis prudentia, & fide, ac zelo pacis in hac parte potissimè gerentes in Domino fiduciam pleniorè, Fraternitatem tuam hortamur attentè, mandantes quatenus ad ciuitatem Ianuen. te transferas sine mora, & pro dicta concordia ex parte nostra labores sollicitè secundum prudentiam à Domino tibi datam. Nos autem per alias nostras patentes literas opportunam in hac parte tibi tribuimus facultatem, & tenores harum,

AN. CHRISTI 1365. VRBANI V. AN. 3.

rum, quas dictis Regi & Duci ac Comuni Ianuen. dirigimus inclusos præsentibus, destinamus. Quòd si eosdem discordantes, quod absit, concordare non posses, indictis treguis longi temporis inter eos inuiolabiliter sub pœnis congruis obseruandis, ipsos moneas & inducas, ac Ecclesiastica censura compellas ad mittendum infra terminum competentem ad nostram præsentiam Ambassiatores, & procuratores idoneos cum plenis mandatis super negotio prælibato, quod cum auxilio Dei speramus, prout cupimus, feliciter terminare. Datum Auinione 10. Kal. Martij anno tertio.

B V L L A X X V.

Dilectis Filiis nobili viro Gabrieli Adurno Duci ac Consilio & Comuni ciuitatis Ianuen. &c.

*Eos hortatur ad pacem ineundam cum Rege Cypri sequestro B. Petro.*

**I**N ætate nuper elapsa dum charissimus in Christo filius noster Petrus Rex Cypri

Ibid.

AN. CHRISTI 1365. VRBANI V. AN. 3.

Cypri Illustris, Saluatori nostro & eius  
sacratissimæ fidei velut apud argumen-  
tosa deseruiens, pro promotione sub-  
sidij passagij generalis de nostro benepla-  
cito & mandato certa regna fidelium, &  
tunc præsertim partes Alemanniæ pera-  
graret, ad aures nostras amara nimis re-  
latione perducto, quòd operante satore  
zizaniæ, inter quosdam ciues vestros in  
regno Cypri degentes, & incolas eius-  
dem regni, grauis tumultuosaque fuerit  
discordia sulcitata, ex qua vos multa in-  
dignatione commoti, pro ciuibus eisdem,  
vt in eodem Regno non morarentur vl-  
teriùs dicebamini destinare; quòdque  
propterea timebatur probabiliter ne non  
solùm à communione mutua cessaretur  
in posterum, sed inter vos & eosdem in-  
colas periculosa nouitas oriretur. Nos dis-  
cretionem vestram attentè rogauimus,  
ac paternè fecimus exhortari, vt consi-  
derantes maturè, quòd idem Rex tem-  
pore dictæ discordiæ erat in cismarinis  
partibus, & quòd tamquam Princeps pru-  
dens, & iustus, vestèrque amicus de iniu-  
riis & damnis ciuibus illatis eisdem,  
prout

AN. CHRISTI 1365. VRBANI V. AN. 3.

prout verisimilis credulitas suggerebat, satisfactionem fieri faceret, ac debitam iustitiam ministraret, & quod vos sicuti deuoti Christiani, & pugiles Christi prosperitatem dicti passagij, pro quo vos magnificè obtulistis, optare meritò debebatis, quòdque per discordiam huiusmodi, si procederet, totaliter impediretur. Passagium memoratum, pro Dei ac sacræ fidei, ac Apostolicæ Sedis, & nostra reuerentia ab omni nouitate propter præmissa vel similia facienda abstineretis omnino, promissum per vos pro dicto passagio exhibere subsidium non cessantes, nosque pro satisfactione huiusmodi vobis siue eisdem ciuibus facienda tam apud dictum Regem, cui tunc scripsimus, quàm aliàs, prout opportunum foret, obtulimus paternis affectibus, & prout in nobis foret, efficacibus effectibus interponere partes nostras, deinde decretum illud quod nostro versabatur in corde opportunis & feruentibus studiis prosequentes, ne causa ista vulnus nouitatis reciperet, cui non posset de facili sanatorium remedium adhiberi, ac sperantes,

M

quòd

AN. CHRISTI 1365. VRBANI V. AN. 3.

quodd in reditu dicti Regis ad partes Italiae, vbi vicinitatis interueniret commoditas, inter vos & ipsum reformaretur sperata concordia satis citò vos, tam per literas, quam per fideles personas sollicitare curauimus, quod præmissorum occasione nullam faceretis noxiam nouitatem, obtulimúsque nos paratos vobis, seu vestris ciuibus facere congruè satisfieri de damnis & iniuriis prælibatis, vt vbi hoc per dictum Regem, seu subditos suos non fieret, promissimus per nos ipsos taliter hoc efficere, quodd possetis meritò contentari. Vosque vt deuoti filij nostris huiusmodi exhortationibus hucúsque acquiescere curauistis. Postmodum verò præfato Rege reuerso ad dictas partes Italiae grata auditione percepimus, quodd dilectus filius Laurentius Celsi Dux Venetiarum, vbi præfatus Rex asseritur præsentialiter permanere, pro tractanda inter vos & præfatum Regem concordia, solemnes ad vos Ambassiatores destinare curauit; de quo considerato, quodd propter locorum vicinitatem negotium dictæ concordia commodiùs in partibus illis

AN. CHRISTI 1365. VRBANI V. AN. 3.

illis quàm apud Apostolicam Sedem tractari & perfici poterat, fuimus valde læti: sed nouissimè cum displicentia multa percepimus, quod iidem Ambassiatores Venetias vacui redierunt, vobis dispositis ad guerram eidem Regi & suis Regnicolis inferendam. Nos igitur ex his tamquam ex impedimento & subuersione manifestis dicti passagij meritò suspirantes ab intimis, & ad obuiandum tanto malo, quo maius existimare nescimus valituris remediis cogitantes, venerabilem fratrem nostrum Petrum Patriarcham Constantinopolitanum Apostolicæ Sedis Legatum, virum vtique circumspexitum, scientia præditum, zelatorem pacis & de vltamarinis negotiis informatum, in partibus Italiæ nunc degentem, quem notum vestrum & beneuolum reputamus, ad vestram præsentiam pro informatione huiusmodi prouidimus accessurum, sibi que per Apostolica scripta præcipiendo, mandamus quatenus propter hoc ad vos veniat incunctanter. Quare circumspexitam deuotionem vestram paternæ charitatis affectu monemus, hortamur, &

---

AN. CHRISTI 1365. VRBANI V. AN. 3.

---

obsecramus in Domino, quatenus prouidè considerantes, quot & quanta mala non solum vobis ac ipsi Regi & regnicolis, qui omnes estis impugnatores hostium Christi, & magnifici pugiles ac defensores fidei prælibatæ, sed toti Christianitati proculdubio resultarent, quantæque infamiæ macula apud omnes fideles poneretur in vestri nominis claritate, ac quantam offensam inferretis ex hoc Saluatori nostro, ac nonnullis Principibus & Magnatibus in tam pio negotio dicti passagij adiuantibus dictum Regem, & quod si forsân impediretis Crucis negotium, ille suscitaret vobis alia bella & hostes, qui est Dominus ultionum; animos vestros ad rationabilem habilitare concordiam studeatis, eiusdem Patriarchæ suasionibus, & monitis, quæ vobis pro parte nostra fecerit, acquiescentes fideliter & deuotè. Nos enim sibi super huiusmodi pace firmanda, vel saltem treguis longi temporis indicendis, plenam concedimus per alias nostras litteras facultatem. Quod si per interpositionem dicti Patriarchæ, & aliorum non possetis  
ad con



AN. CHRISTI 1365. VRBANI V. AN. 3.

ad concordiam huiusmodi deuenire,  
quod auctor pacis auertat, cum nos parati  
simus in præmisso negotio personaliter  
laborare, vos requirimus & rogamus in-  
stantiùs, vt Ambassiatores vestros cum  
pleno mandato super his ad nostram ve-  
litis præsentiam destinare, qui, vt spera-  
mus in Deo, felicitis pacis commoda re-  
portabunt. Nos enim super his præfato  
Regi opportuna scripta nostra dirigimus  
per præsentium portitorem. Datum vt  
supra, &c.

B V L L A . X X V I .

Petro Regi Cypri Illustri.

*Admonet se amouere pacis ineunda  
impedimenta.*

**D**iebus nuper elapsis super discordia Ibid. fol.  
tua, & dilectorum Filiorum Ducis 57.  
& communis ciuitatis Ianuen. tam vene-  
rabili nostro Petro Patriarchæ Constan-  
tinopolitano Apostolicæ Sedis Legato,  
M 3 quàm

AN. CHRISTI 1365. VRBANI V. AN. 3.

quam eisdem Duci & communi scripta nostra direximus, prout tunc tuæ Serenitati per Apostolicas literas duximus intimandum. Postmodum verò pro tua parte nobis notificato, eo quòd de dilectis filiis Magistro & Conuentu Hospitalis sancti Ioannis Ierosolymitani debebas meritò formidare, nos omnibus quæ possent huiusmodi fouere discordiam ac impedire faciendam inter te eisdemque Ducem & commune concordiam opportuna prouidentia obuiare cupientes dictis Magistro & Conuentui scribimus in forma æquitati consona, quam Regiæ magnitudini mittimus præsentibus interclusam. Igitur si alia noueris quæ dictæ discordiæ præstare valeant nutrimentum, nobis notificare non differas, quia contra ea possibilia nobis remedia curabimus adhibere. Datum Auinione, 4. Nonas Martij: anno tertio.

BVLLA

---

 ANNO CHRISTI 1365. VRBANI V. AN. 3.
 

---

## B V L L A XXVII.

Venerabili Fratri Petro Patriarchæ  
Constantinopolitano, Apostoli-  
cæ Sedis Legato, &c.

*Ut acceleret pacis fœdera.*

**D**Isplacenter nuper audiuius, quòd tua Fraternitas non perfecto pacis negotio, inter charissimum in Christo filium nostrum Petrum Regem Cypri illustrem, ac dilectos filios nobilem virum Gabrielem Adurnum Ducem ac commune ciuitatis Ianuen. reformatandæ, de ipsa ciuitate recessit, ad dictum Regem, qui dicitur esse Venetiis, profectura. Videmus namque quòd non absque periculo & damno negotiorum ultramarinorum, nimis differtur perfectio dictæ pacis, sed ex eo non desperamus de dictæ pacis fine fœlici, quod ad eosdem Ducem & commune te percipimus de proximo reuersurum, propter quod ipsis Duci & communi nuper scri-

M 4      bimus.

AN. CHRISTI 1365. VREANI V. AN. 3.

bimus literas introclusi tenoris, quas per te ipsum volumus præsentari. Igitur ne tantum bonum longo tempore prolongetur, & idem Rex & nobiles transfretaturi cum eo in citramarinis partibus detineantur diutius, consummationem tractatus eiusdem pacis secundum prudentiam tibi datam à Domino, quantò solertius poteris, prosequaris, nobis quid inde feceris, rescripturus. Datum, &c.

## B V L L A XXVIII.

Eidem Patriarchæ.

*Idipsum denuo commendat.*

Ibid. fol.  
67.

**H**is diebus super negotio pacis faciendæ inter Charissimum in Christo filium nostrum Petrum Regem Cypri Illustrem, & dilectos filios nobilem virum Gabrielem Adurnum Ducem & commune ciuitatis Ianuen. tibi postquam nuper de dicta ciuitate Ianuen. recessi

AN. CHRISTI 1365. VRBANI V. AN. 3.

recessisti, scripsimus, hasque nostras Venerabili Fratri nostro Guidoni Archiepiscopo Ianuen. mandauimus assignari, ut eas, cum ad eandem ciuitatem rediret tuæ Fraternitati faceret assignari. Hodie verò eisdem Regi & Duci ac communi ex noua causa per ipsos Ducem & commune mota, rescribimus secundum tenores cedularum præsentibus interclusarum. Quare si, quod absit, huiusmodi pax seu concordia per te in partibus illis non valeat expediri, volumus, & tuæ fraternitati mandamus, quòd tam nuncios & Procuratores eiusdem Regis, quàm dictorum Ducis & communis cum plenis ad hoc mandatis procures ad nos celeriter accessuros, túque cum eis venias, si commodè possis, & videas expedire, alioquin nobis notifices quicquid in dicto negotio per nos tua circumscriptio nouerit faciendum. Datum Auinione, 7. Kal. Aprilis anno tertio.

M 5 BVL

AN. CHRISTI 1365. VRBANI V. AN. 3.

## B V L L A XXIX.

Petro Regi Cypri, &amp;c.

*Rogat ut quamprimum velit  
transfretare.*Ibid. fol.  
87.

**P**ER literas Venerabilis Fratris nostri Petri Patriarchæ Constantinopolitani, Apostolicæ Sedis Legati, nuper non absque multa nostri cordis exultatione percepimus, inter sublimitatem tuam, ac dilectos filios nobilem virum Gabrielem Adurnum Ducem, & commune ciuitatis Ianuen. fore concordiam reformatam, magnamque multitudinem nobilium, & aliarum armigerarum gentium tecum transfretaturarum contra hostes fidei ad te de Alamanniæ aliisque partibus aduenisse nouissimè, ac iugiter aduenire; propter quod si veritas suffragetur relatis, spem iam deficientem resumimus de vltamarinis negotiis feliciter processuris. Et quia instat tempus tui & gentium prædictarum recessus, Domino fauente, scelicis, hortamur te, quod vltcriùs non  
diffe

AN. CHRISTI 1364. VRBANI V. AN. 3.

differas, ne gentes ipsæ nimia expectatione grauentur, & quod absit à transfretandi proposito resipiscant, dictisque negotiis ex dilatione proueniat detrimentum. Nos siquidem speramus in Domino, qui gratia sua, desideria deuota prosequitur, quòd iter & actus tuæ Celsitudinis, & dictarum gentium prosperabit, nosque prout honestè poterimus tibi fauoribus Apostolicis assistemus. Datum Auinione, sexto, Kal. Maij, anno tertio.

*FINIS BULLARVM.*





INDEX RERVM  
PRÆCIPVARVM  
IN HAC VITA  
CONTENTARVM.

*Numerus prior paginam , posterior notam  
Arithmeticam designat.*

A



- IN Academiam Theologicam Bononiæ Petrus  
fundauerit. 74.14
- Aginni docet Petrus inter Carmelitas. 3.3
- Alexādria capitur.48.38.& conuerso in fugam  
triumpho , derelinquitur , Rege , & Legato  
contradicientibus. ibid. & seq. fugæ tamen authores pu-  
niuit Deus. 50.36
- Alexandriâ obfessâ Petrus strenuam nauat operam. 47.34
- Aquitania B. Petri patria. 1.1
- Auinione rexit sui Ordinis scholam , & sodalitij peregit ne-  
goria. 10.9
- Arcadiæ Principi impetrat filium. 38.26

B

- Belli sacri subsidium Petrus ab iis extorquebat à quibus  
pacem non poterat. 43.30
- Bononia an eius operâ sit Pontifici restituta. 73.14
- Bononiæ Petrus non paucas patitur iniurias, dumpacem an-  
nuntiat. 43.30
- Bononiam ex omni mundi parte venerunt Magistri famosi,  
qui ibi studium Theologicum inchoarunt ; quorum no-

—



# Præcipuarum.

mina habentur.

C

75

**C** Adurci Petrus miraculosè pluuiã prædicit.

7.7

**C** Carnem infirmam spiritu prompto corroborare fatebatur.

54.32

Conuersatio eius in Religione qualis.

12.11

Commercium cum hostibus prohibet vniuersim.

51.37

Corpus eius mortuum confluunt omnes veneraturi.

63.48.

sex diebus insepultum claret miraculis.64. 49. pretiosum emitit liquorem.

63.47

Cretam Petrus liberat perniciosâ hæresi.

30.23

Cypri opportunum eius auxilium semper senserunt.

65.49

D

**D** Euotio erga B. Virginem mirabiles parit effectus.

71.9

Diem nullū infructuosum Petrus elabi permittit.37.26

Duce cretensi resistente Legationis suæ munus Candia inchoat, Ducemque ipsum, vt auxilio sibi adesse vellet, interpellat.

30.23

Ducissæ cuiusdam cognatus hæresim detestari nolens publico perit incendio.

33.23

Dynastam Alti-loci Sedi Apostolicæ fecit vectigalem, &

Christianis mirâ dexteritare propitium.

29.22

E

**E** Cclesiam suam coronensem Petrus reformat.

37.26

Efficacia, & venustas in concionibus eius admirabilis.

10.10

Extases patitur frequentes.

26. 20.

orans luce cælesti indicatur.

ibid.

Exequiæ celebrantur sollemnes, orationem habente funebrem Fr. Ioanne Lamerson Ordinis minorum.

64.48

F

**F** Lorentiæ Petrus non paucas patitur iniurias, dum pacem annunciat.

43.50

Funus, & pompam sepulturæ suæ adhiberi noluit.

58.42

in Funere Clementis VI. multas habuit conciones.

14.13

Gladio

# Index Rerum

## G

**G**ladio fidei Petrus terrorem hostibus incussit ; & m-  
rum se pro domo Domini opposuit. 28.22

Græcorum primarius Episcopus Petro alliciente , vnitatem  
fidei Romanæ publicè amplectitur. 37.25

Græcos ad ritum trahit Romanum. 34.25. & Genuenses pa-  
cificat. 44.32

Græcos schismaticos, vt errores abiurarent, induxit. 37.26

## H

**H**æretici cuiusdam famosi ossa Petrus curat effodi , &  
igne consumi. 33.23

Homines non vlnis, sed meritis docuit cōmensurandos. 8.8

Horas canonicas nullā vnquam de causâ omisit. 59.43

Hungari feroces incitatis equis, & falcatis ensibus ipsum in-  
sequentes, vnicâ eius voce perculsi contremuerunt, 43.31

ad Hungaros mittitur pacificator. 20.17

## I

**I**nnocentius VI. ex Episcopo ostiensi creatur Pontifex, cu-  
ius B. Petrus cepit experiri fauores. 14.14

Innocentius V I. Petrum ad Genuenses , & Mediolanenses  
legauit ; ad Reginam etiam Neopolitanam : & tandem  
Episcopum Pactensem creauit. 15.14

Ioannes Palæologus Græcorum Imperator promittit obe-  
dientiam Romano Pontifici. 22. 18. ad quem in pio pro-  
posito confirmandum destinatur Petrus. ibid. & 23.18

fr. Ioannes Fauentinus B. Petri vitam scripsit. 65.49. ad cuius  
sepulchrum postea faucium inflammatione correptus pla-  
nè conualuit. L ibid.

**L**egatus Apostolicus Petrus instituitur in Romania , &  
generosè suo fungitur munere. 28.21. & 22

Ludouicus Pannoniæ Rex Rastianum contriuit, & humilia-  
uit. 18. 1 6. & vindicandæ Religionis iniuriæ multum con-  
scripsit militem. ibid.

Lux cælestis super corpus Petri descendit. 63.47

Mortis

# Præcipuarum.

M

**M**ortis horam Petrus cœlitus præsciuit. 54.39  
ad Mortem qualiter se præparauerit. 55.40.56.41.57  
42.58.43.59.44.60.45.61.45.& 46.

Moritur sanctè. 62.46  
post Mortem pulchrior apparet. ibid.47

N

**N**atales Petri satis obscuri. 2.2.  
Nicosiæ pro|profliganda peste supplicationem solem-  
nem instituit. 39.28

O

**O**ratione ad B. Virginem, & S. Gregorium præmissâ  
Petrus integræ restituitur sanitati. 34.24

P

**P**estem Nicosiæ Petrus profligat : & ciues voluntarios fe-  
cit iniuriæ cœlestis vltiores. 39.28

Petrus ab omnibus diligitur.13.12. B. Virginis ope virgo per-  
manfit. 5.5. Condomi fit Carmelita.3.3. Instituitur sui Or-  
dinis Procurator.8.8. Inuitus initiatur sacerdotio. 3.3

Petrus ad Ecclesiam Coronensem transfertur.2.7.21. Magni  
fit in curia Pontificia. 8.8. Philosophiam diu professus  
mittitur Luteriam. 7.7. ibidem docet.8.8. redit Parisios  
Laureandus.9.9. in Curiam regressus ordinem. suum mi-  
rificè illustrat. 110.9

Petrus Fratribus suis proficiuus. 13.12. Socios mirabiliter  
præseruat à capriuitate.16.15. & à naufragio. 17.15

Petrus legationis suæ rationem redditurus Cyprum ap-  
pulit : inde Palestinam adit, & loca sancta inuisit.24.19.

Itineri Auinionensi se parat ; & ægrotat. 52.38

Petrus mirò fertur in B. Virginem affectu. 6.6

Petrus plura se didicisse fatetur in altari, quàm in scholis.

12.11

Petrus recedit è domo paternâ. 2.2. & dat operâ literis. ibid.

an fuerit martyr.66.1. in exercitu suo muneri egregiè re-  
sponder. 46.33. in concessu Pontificis, & Cardinalium

Concio

# Index Rerum

Conciones sæpè habuit pro rei dignitate grauissimas. 10.9  
 Petrus Cypri Rex exercitus Pontificij Imperator. 42.30  
 Princeps Antiochenus milite stationario stipatus Petrum  
 in Regiam associat. 36.25  
 Principes multos, & Prouincias Petrus non sine molestiis, &  
 vitæ suæ discrimine pacificat. 43.30. & 31

## R

**R**aymundus Archiepiscopus Nicosiensis sollemnes B. Pe-  
 tri celebrauit exequias. 64.48  
 ad Regem Rassianorum Petrus amandatur Nuncius. 16.14  
 Regem Cypri coronat, & iniungit. 33.24  
 Religio Carmeli an perpetuò duratura. 68.7  
 Religioni Carmelitanae B. Virgo perpetuum promittit pa-  
 trocinium. S. 5.5

**S**araceni mortem intentant Petro : & ille pericula con-  
 temnit. 25.19  
 Sataliam urbem Petrus Christianis instruit disciplinis. 38.27  
 Sedis Apostolicæ dignitatem intrepidè tuetur. 18.16

## T

**T**empestatem nauigaturus in Cyprum Petrus sedauit  
 horribilem. 38.26  
*Thoma*, an cognomen proprium B. Petri. 66.1  
 Turcarum potentiam Petrus repressit, & Ecclesiæ fines dila-  
 tauit. 29.22

## V

**V**enetijs Petrus non paruas patitur difficultates. 43.30  
 B. Virgo eū cōsolatur, & studiis necessaria suppeditat. 4.4  
 B. Virgo frequenter eum suo dignata est aspectu; in penurijs  
 : benefica, & in tribulationibus fuit propitia. 5.5  
 B. Virgo multa Sacrae scripturae arcana Petro explicat. 12.11  
 Urbanus V. exercitum parat Cruce signatorum. 41.29. & Pe-  
 trum Archiepiscopum cretensem, & Sedis Apostolicæ le-  
 gatum instituit. ibid.

## Z

**Z**elus fidei in Petro admirabilis. 42.30

F I N I S.









Atkale